



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina LVIII - Broj 7 Ponedjeljak, 27.07.2026.godine T E Š A N J	ŠTAMPA: Općina Tešanj Priprema: Sajda Ahmić, Tehnički sekretar Vijeća "Službeni glasnik" izlazi po potrebi
---	--	---

Na osnovu člana 41. do člana 51. Zakona o prostornom uređenju i građenju ("Službene novine ZE-DO Kantona", broj: 17/23) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 22. redovnoj sjednici održanoj dana 23.07.2026.godine, donijelo je:

O D L U K U **o usvajanju Prostornog plana općine Tešanj** **za period 2025 – 2045**

Član 1.

Usvaja se Prostorni plan općine Tešanj za period 2025 – 2045 (u daljem tekstu Plan).

Član 2.

Plan je javni dokument i stavlja se na stalni uvid kod nadležne Službe za prostorno planiranje općine Tešanj.

Član 3.

Obavezuje se Nosilac pripreme Plana da elektronsku verziju usvojenog planskog dokumenta postavi na web stranicu općine Tešanj u cilju informisanja zainteresovanih subjekata i javnosti.

Član 4.

Plan se primjenjuje danom objave saglasnosti Skupštine Zeničko-dobojskog kantona na Prostorni plan općine Tešanj za period 2025-2045 u Službenim novinama Zeničko-dobojskog kantona.

Član 5.

Do dana objave saglasnosti Skupštine Zeničko-dobojskog kantona u Službenim novinama Zeničko-dobojskog kantona, primjenjivat će se Prostorni plan općine Tešanj ("Službeni glasnik općine Tešanj" broj: 7a/09 i 10/17).

Član 6.

Za postupke započete prije stupanja na snagu ovog Plana, osim u slučajevima u kojima je drugi organ prekinuo svoj postupak do donošenja novog Prostornog plana općine Tešanj, primjenjivat će se Prostorni plan

općine Tešanj ("Službeni glasnik općine Tešanj" broj: 7a/09 i 10/17).

Član 7.

Ova Odluka stupa na snagu danom objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-23-6-2453-69/18

Datum: 24.07.2026.godine

Na osnovu člana 41. do člana 51. Zakona o prostornom uređenju i građenju ("Službene novine Zeničko-dobojskog Kantona", broj: 17/23 i 12/26) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 22.redovnoj sjednici održanoj dana 23.07.2026. godine, donijelo je:

O D L U K U **o provođenju Prostornog plana općine Tešanj** **za period 2025-2045**

I - OPĆE ODREDBE

Član 1. **(Pojam Prostornog plana)**

Prostorni plan općine Tešanj za period od 2025. do 2045. godine (u daljem tekstu: Prostorni plan) je obavezujući planski dokument, kojim se planski usmjerava razvoj općine Tešanj (u daljem tekstu Općina), odnosno određuju se uslovi korištenja, izgradnje i uređenja prostora i donose se mjere i smjernice za zaštitu prostora na cijelom području općine Tešanj.

Član 2. **(Predmet Odluke)**

Ovom Odlukom utvrđuju se uvjeti korištenja, izgradnje, uređenja i zaštite prostora općine Tešanj, čime se osigurava realizacija Prostornog plana.

Član 3. **(Prostor na koji se odluka primjenjuje)**

Odredbe ove Odluke se primjenjuju na cjelokupno područje Općine.

Granica Prostornog plana obuhvata 41 naseljeno mjesto i sljedeće katastarske općine: Bobare, Džemilić Planje, Jablanica, Jelah, Jevadžije, Kalošević, Karadaglije, Kraševo, Lepenica, Lončari, Ljetinić, Medakovo, Mekiš, Miljanovci Donji, Miljanovci Gornji, Mrkotić, Novo Selo, Orašje Planje, Piljužići, Raduša, Rosulje, Šije, Tešanj I, Tešanj II, Tešanjka, Trepče, Vitkovci Donji i Vrela.

Ukupna površina obuhvata iznosi 16 076,63 ha. *(GIS obrada podataka)*

Član 4. **(Predmet i sadržaj Prostornog plana)**

Prostorni plan utvrđuje: mrežu i sistem naselja i hijerarhijsku strukturu razvojnih centara Općine, osnovnu namjenu prostora (građevinsko, poljoprivredno i šumsko zemljište), sisteme infrastrukture sa zaštitnim pojasevima (saobraćaj i sistem veza, energetika, vodna i komunalna infrastruktura i objekti), granice urbanih područja i građevinskih zemljišta van urbanih područja, stanje i plansko usmjeravanje za nadogradnju društvene

infrastrukture, raspored privrednih i turističkih kapaciteta, prirodne resurse koji podrazumijevaju zaštitu poljoprivrednog i šumskog zemljišta, voda i vodnih područja, područja mineralnih sirovina, ocjenu i stanje prirodnih i kulturno-historijskih vrijednosti sa prijedlogom mjera za njihovu zaštitu, ugrožena područja i mjere zaštite, obaveze u pogledu detaljnijeg planiranja, uslove građenja na područjima na kojim nije utvrđena obaveza detaljnijeg planiranja, te druge elemente od važnosti za Općinu.

U provođenju Prostornog plana obavezno se primjenjuju zakonski propisi iz oblasti prostornog uređenja i građenja, kao i zaštite okoliša, prirode, voda, šuma i šumskog zemljišta, poljoprivrednog zemljišta, cesta, energetike i svi drugi propisi koji uređuju odnose u oblasti prostornog planiranja i zaštite životne sredine.

Prostorni plan sadrži:

- Postojeće granice i podjelu teritorije Općine;
- Izvod iz planskog dokumenta višeg reda;
- Osnovnu namjenu prostora (građevinsko, poljoprivredno, šumsko zemljište, urbana područja, vodne i druge površine);
- Prirodne resurse (energetske i mineralne sirovine, poljoprivreda, šumarstvo, vode i vodno dobro);
- Stanovništvo i sistem naselja;
- Urbana područja i građevinska zemljišta van urbanih područja;
- Infrastrukturne sisteme sa zaštitnim infrastrukturnim pojasevima (komunalni, saobraćajni, energetski, telekomunikacijski i drugi);
- Društvenu infrastrukturu (zdravstvo, obrazovanje, nauka, kultura, sport, uprava, sudstvo, socijalne ustanove, vjerski objekti i sl.);
- Privredu i turizam;
- Kulturno - historijsko i prirodno naslijeđe;
- Ugrožena područja;
- Mjere zaštite i unaprjeđenja okoliša;
- Obaveze u pogledu detaljnijeg planiranja uređenja manjih prostornih cjelina unutar općine (prostorni plan posebnog obilježja i urbanistički plan);
- Obaveze u pogledu sanacije devastiranih površina;
- Uvjete korištenja, izgradnje, uređenja i zaštite prostora;
- Uvjete građenja za područja za koja se ne donose detaljni planski dokumenti.

Član 5. **(Dokumentacija Prostornog plana)**

Dokumentacija Prostornog plana, u skladu sa važećom zakonskom regulativom, sadrži:

a) Prostornu osnovu koja se sastoji od tekstualnog i grafičkog dijela: Tekstualni dio čine:

- Postojeće stanje prostornog uređenja i ocjena stanja u prostoru,
- Prostorno-razvojne smjernice i ciljevi,
- Konceptija prostornog uređenja.

Grafički dio čine 24 digitalna grafička priloga, rađena na geodetskim podlogama razmjere 1:25000.

b) Prostorni plan koji se sastoji od tekstualnog i grafičkog dijela:

Tekstualni dio čine:

- Opći i posebni ciljevi prostornog razvoja,
- Projekcija prostornog uređenja i prostorni sistemi
- Projekcija razvoja prostornih sistema
- Odluka o provođenju Prostornog plana,
- Prateća dokumentacija.

Grafički dio čini 19 digitalnih grafičkih priloga, rađenih na geodetskim podlogama razmjere 1:25000.

Član 6.
(Čuvanje dokumentacije Prostornog plana)

Dokumentacija Prostornog plana čuvat će se u Službi za katastar, urbanizam i imovinsko-pravne poslove Općine Tešanj, ovjerena i potpisana od strane Nosioca pripreme i Nosioca izrade plana.

Član 7.
(Osnovni planski dokument)

Prostorni plan je osnov za pripremu, izradu i donošenje ostalih planskih dokumenata prostornog uređenja, kao narednih faza detaljnijeg planskog uređenja prostora.

II PROGRAM MJERA I AKTIVNOSTI ZA PROVOĐENJE PROSTORNOG PLANA

Član 8.
(Program mjera i aktivnosti)

Program mjera i aktivnosti za provođenje Prostornog plana odnosi se na prvu etapu od njegovog donošenja, odnosno za prvi četverogodišnji period realizacije Prostornog plana.

Programom mjera i aktivnosti utvrđuje se osnova, koja će općinskim organima pomoći u donošenju mjera u skladu sa novom politikom i legislativom usklađenom sa legislativom Evropske zajednice.

Program mjera i aktivnosti za provođenje Prostornog plana čine:

- mjere populacione politike,
- mjere ekonomske politike,
- mjere zemljišne politike,
- investiciona i poreska politika,
- obaveze u pogledu detaljnog planiranja i uređenja,
- obaveze izrade izvještaja o stanju u prostoru.

Član 9.
(Mjere populacione politike)

Mjere populacione politike se definiraju, sprovode i kontroliraju sa nivoa države, entiteta, kantona i općine, a u osnovi se odnose na:

- demografski oporavak stanovništva u cilju zaustavljanja trenda opadanja nataliteta, poduzimanje mjera za njegovu stabilizaciju i opravak;
- razvijanje svijesti o značaju formiranja porodice, zaštite porodice, motivaciju rađanja, zaštitu reproduktivnog zdravlja i stabilizaciju mortaliteta,
- stimuliranje povećanja stope nataliteta kroz razne oblike socijalne, zdravstvene i materijalne pomoći;
- osiguranje materijalnih uvjeta za proširenu reprodukciju stanovništva;
- poboljšanje zdravstvene zaštite stanovništva;
- osiguranje preduslova za povećanje broja zaposlenih u okviru jednog domaćinstva/porodice itd.

Član 10.
(Mjere ekonomske politike)

Mjere ekonomske politike, definirane na višem nivou (država, entitet, kanton) su usmjerile razvoj privrede i na teritoriji Općine, ali isto tako, općina ima važnu ulogu u stvaranju pozitivnog poslovnog ambijenta pa su u tom smjeru i definirane sljedeće mjere:

- stvaranje uvjeta za uspješno poslovanje kroz olakšice u administrativnim procedurama, ulaganja u infrastrukturu, ulaganja u obrazovanje i sl.,
- u skladu sa Strategijom razvoja Općine, provoditi usvojene strateške pravce i donositi sektorske politike i sl.,
- stimulativnim mjerama (premija, kompenzacija, otkup gotovih proizvoda i sl.) unaprijediti razvoj privrede i

- usaglasiti ga sa prostornom organizacijom,
- stimulirati razvoj poljoprivrede, male privrede i djelatnosti koje imaju tradiciju na ovim prostorima,
 - poticati partnerstva između Općine i poduzetnika, kao i između privatnog i javnog sektora,
 - usmjeravati razmještaj privrednih kapaciteta na prostore koji zadovoljavaju optimalne uvjete za razvoj privrede, a koji su Prostornim planom za to opredjeljeni i sl.

Član 11. **(Mjere zemljišne politike)**

Mjerama zemljišne politike će se obezbjeđivati racionalno korištenje i zaštita zemljišta od neplanskog korištenja. Primarno će se obezbjeđivati zaštita zemljišta u cilju unapređenja poljoprivredne proizvodnje, a politikom cijena i na druge načine usmjeravat će se tokovi urbanizacije i korištenje planiranog građevinskog zemljišta. U provođenju Prostornog plana, odnosno u oblasti zemljišne politike, osnovu čine odredbe ove Odluke.

Član 12. **(Mjere investicione i fiskalne politike)**

Investiciona i fiskalna politika ima presudan uticaj na intenzitet i kvalitet korištenja i uređenja prostora, mora biti pažljivo određena i usmjerena, a posebno kad su u pitanju investicije inostranih ili zajedničke investicije domaćih i inostranih investitora, kao i kad je u pitanju uređenje prostora i izgradnja infrastrukturnih sistema.

Član 13. **(Obaveze u pogledu detaljnog planiranja i uređenja)**

Prostornim planom utvrđuje se obaveza izrade razvojnih i detaljnih provedbenih planskih dokumenata.

Razvojni planski dokumenti:

- Urbanistički plan za urbano područje Tešanj
- Urbanistički plan za urbano područje Jelah

Provedbeni (detaljni) planski dokumenti (zoning plan, regulacioni plan ili urbanistički projekat) se rade za :

- zone unutar Urbanističkog plana za koje se odlukom o pristupanju izradi utvrdi potreba detaljnijeg uređenja prostora,
- urbano područja za koja se ukaže potreba
- poslovne zone i poslovni kompleksi (unutar i izvan urbanog područja),
- park šume,
- sportsko-rekreativni kompleksi,
- kulturno historijske i prirodne cjeline, kao i turistička odredišta i atrakcije.

Na teritoriji Općine postoji kontinuitet u planiranju prostora. Nadležna općinska služba za prostorno uređenje će izvršiti inventarizaciju urađene planske dokumentacije i u tom postupku izvršiti selekciju i usklađivanje planskih dokumenata sa Prostornim planom, a u skladu sa Uredbom o metodologiji za izradu planskih dokumenata.

U slučaju potrebe, Općinsko vijeće može donijeti odluku o izradi i drugih planskih dokumenata u njegovoj nadležnosti u skladu sa važećom zakonskom regulativom i ovim Planom.

Nadležni organ Općine Tešanj obavezan je izvršiti evidenciju do sada donesenih detaljnih planskih dokumenata, utvrditi njihovu usklađenost sa odredbama ove Odluke i Prostornim planom.

Važeće razvojne i detaljne planske dokumente koji nisu usklađeni, potrebno je uskladiti sa ovom Odlukom i Prostornim planom po Zakonom propisanim procedurama, koje su propisane za izmjene i dopune planske dokumentacije.

Član 14. **(Izveštaj o stanju prostora na području Općine)**

Izveštaj o stanju prostora na području Općine radi nadležna služba Općine Tešanj nakon dvije (2) godine, na temelju praćenja stanja u prostoru u svim njegovim segmentima, kao i rezultata novih istraživanja, a na osnovu

čega će se donijeti program mjera za unapređenje stanja u prostoru, te u skladu sa istim planirati izmjene i dopune postojećih planskih dokumenata.

Član 15.

(Sporazum o usaglašenim mjerama za usklađivanje Prostornih planova Usora i Tešanj)

Ovom Odlukom se potvrđuje poštivanje Sporazuma o usaglašenim mjerama za usklađivanje Prostornih planova općina Usora i Tešanj, te da je Prostorni plan općine Tešanj izrađen u skladu sa istim.

III UREĐENJE PROSTORA

Član 16.

(Granice urbanih područja)

Prostornim planom utvrđene su granice urbanih područja i građevinskih zemljišta na kartama razmjere R 1:500/ 1:1000/ 1:2500/ 1:5000, a prikazane su na kartama R 1:25000, kao sastavni dio ove odluke.

Površina obuhvata Urbanističkog plana Tešanj iznosi 207,22 ha, a površina Urbanističkog plana Jelah iznosi 361,51 ha.

Član 17.

(Urbana područja)

Prostornim planom utvrđena su 42 urbana područja u okviru kojih se planira izgradnja, uređenje i opremanje prostora potrebnom infrastrukturom u skladu sa hijerarhijskim statusom naselja, u okviru Prostornog plana.

Urbana područja su:

Red. Broj	Naziv urbanog područja	Pripadnost naseljenom mjestu	Pripadnost mjesnoj zajednici	Površina (ha)
1	Tešanj	Tešanj	Tešanj	691,96
2	Jelah	Jelah, Jevadžije	Jelah, Jevadžije	178,85
3	Kalošević	Kalošević	Kalošević	118,84
4	Novi Miljanovci	Novi Miljanovci	Novi Miljanovci	94,52
5	Medakovo	Medakovo	Medakovo	50,81
6	Tešanjka	Tešanjka, Kraševo	Tešanjka, Kraševo	54,36
7	Jablanica	Jablanica, Čaglići	Jablanica	88,26
8	Karadaglije-Koprivci	Karadaglije, Koprivci	Karadaglije	100,37
9	Šije	Šije	Šije	193,23
10	Blaževci	Blaževci, Piljužići	Bobare-Drinčići-Blaževci, Piljužići	23,45
11	Bobare	Bobare	Bobare-Drinčići-Blaževci	51,57
12	Bojanića brdo	Vrela, Kalošević, Bobare	Kalošević, Bobare-Blaževci-Drinčići	15,75
13	Cerovac	Cerovac	Jelah	35,35
14	Čaglići	Čaglići	Jablanica	30,39
15	Čifluk	Čifluk	Bukva	56,70
16	Drinčići	Blaževci, Drinčići, Piljužići	Bobare-Drinčići-Blaževci, Piljužići	36,72
17	Džemilić Planje	Džemilić Planje	Džemilić planje	98,23
18	Jelah Polje	Jelah Polje	Jelah	92,21
19	Jevadžije	Jevadžije	Jevadžije	41,67
20	Kerići-Križani	Medakovo, Novo Selo	Medakovo, Novo Selo	62,96
21	Kraševo	Kraševo	Kraševo	133,57
22	Lepenica	Lepenica	Tešanjka	50,74

23	Logobare	Logobare	Bukva	35,66
24	Lončari	Lončari, Piljužići	Miljanovci-Lončari, Piljužići	19,38
25	Ljetinić	Ljetinić	Ljetinić	63,38
26	Mačkovice	Mekiš, Čaglići	Dobropolje-Mekiš, Jablanica	19,86
27	Mekiš	Mekiš	Dobropolje-Mekiš	58,96
28	Miljanovci	Miljanovci, Lončari	Miljanovci-Lončari	90,44
29	Mrkotić	Mrkotić	Mrkotić	105,60
30	Novo Selo	Novo Selo	Novo Selo	46,85
31	Orašje Planje	Orašje Planje	Orašje planje	77,88
32	Piljužići	Piljužići	Piljužići	154,13
33	Potočani	Potočani	Jelah	128,76
34	Putešić	Putešić	Kalošević	21,49
35	Raduša	Raduša	Raduša	171,87
36	Raduša-Samkino brdo	Raduša	Raduša	22,85
37	Ripna	Tugovići, Ripna	Tešanj, Jablanica	21,44
38	Rosulje	Rosulje	Rosulje	122,09
39	Trepče	Trepče	Trepče	94,96
40	Tugovići	Tugovići	Tešanj	17,86
41	Tunjići	Bobare, Blaževci	Bobare-Drinčići-Blaževci	14,76
42	Vukovo	Vukovo	Vukovo	92,78
UKUPNO:				3681,50

Član 18.**(Granice građevinskog zemljišta van urbanih područja)**

Prostornim planom utvrđene su granice građevinskih zemljišta van urbanih područja na kartama razmjere R 1:500/ 1:1000/ 1:2500/ 1:5000, a prikazane su na kartama R 1:25000, kao sastavni dio ove odluke.

Član 19.**(Građevinsko zemljište van urbanog područja)**

Prostornim planom utvrđuju se 65 građevinska zemljišta van urbanog područja, na kojima se planira izgradnja, uređenje i opremanje prostora potrebnom infrastrukturom u skladu sa njihovom planiranom namjenom.

Građevinska zemljišta van urbanog područja su:

R.b.	Građevinsko zemljište	Naseljeno mjesto	Mjesna zajednica	Tip	Površina (ha)
1	Adžići	Šije	Šije	stanovanje	9,93
2	Arlovače	Putešić	Kalošević	stanovanje	2,93
3	Bedaci-Šefkići	Lepenica	Tešanjka	stanovanje	36,65
4	Bobare	Bobare	Bobare-Drinčići-Blaževci	stanovanje	0,22
5	Bugarinovići	Vrela	Kalošević	stanovanje	6,21
6	Bukva	Bukva, Čifluk, Logobare	Bukva	stanovanje	1,28
7	Burejići	Jablanica	Jablanica	stanovanje	3,27
8	Čaglići	Čaglići	Jablanica	stanovanje	3,90
9	Ekonomija	Jelah	Jelah	Poslovna zona	10,71
10	Glavaši	Vrela, Blaževci	Kalošević, Bobare-Drinčići-Blaževci	stanovanje	5,11
11	Ribarska	Jelah	Jelah	Poslovna	56,82

				zona	
12	Glinište1	Rosulje, Jelah, Vukovo	Rosulje, Jelah, Vukovo	Poslovna zona	52,85
13	Golubovac	Blaževci	Bobare-Drinčići-Blaževci	stanovanje	0,54
14	Hafizovići, Meškići	Šije	Šije	stanovanje	11,23
15	Hajrići	Trepče	Trepče	stanovanje	15,60
16	Halilovići-Begići	Šije	Šije	stanovanje	11,03
17	Ercezi	Vrela	Kalošević	stanovanje	2,75
18	Hopića brdo	Lepenica	Tešanjka	stanovanje	1,34
19	Hotići-Mešići	Dobropolje	Dobropolje-Mekiš	stanovanje	30,87
20	Hrastići	Tešanjka, Lepenica, Kraševo	Tešanjka, Kraševo	stanovanje	11,42
21	Hrgovci	Tugovići	Tešanj	stanovanje	8,40
22	Jevadžije	Jevadžije	Jevadžije	stanovanje	6,02
23	Kalabići	Jablanica	Jablanica	stanovanje	7,57
24	Kemerovo brdo	Ripna	Jablanica	stanovanje	3,43
25	Kicelj	Orašje Planje	Orašje planje	stanovanje	2,89
26	Kiseljak	Karadaglije	Karadaglije	turizam	21,52
27	Komušanci	Vrela	Kalošević	stanovanje	5,70
28	Kurtići	Lepenica	Tešanjka	stanovanje	18,44
29	Ljetinić	Ljetinić	Ljetinić	Poslovna zona	36,22
30	Medakovo	Medakovo	Medakovo	Poslovna zona	33,23
31	Mrkotić1	Mrkotić	Mrkotić	stanovanje	3,90
32	Mrkotić2	Mrkotić	Mrkotić	Poslovna zona	6,73
33	Mrkotić3	Mrkotić	Mrkotić	stanovanje	0,62
34	Mulići	Dobropolje	Dobropolje-Mekiš	stanovanje	12,11
35	Pašići-Vukovo	Vukovo, Novo Selo	Vukovo, Novo Selo	stanovanje	32,15
36	Pavlovići	Čaglići	Jablanica	stanovanje	2,21
37	Polja	Kraševo	Kraševo	stanovanje	4,27
38	Kraševo	Kraševo	Kraševo	poslovanje	24,88
39	Rahmanovići-Kruške	Trepče	Trepče	stanovanje	48,47
40	Rakmani	Šije	Šije	stanovanje	20,97
41	Rakovica	Trepče	Trepče	stanovanje	2,09
42	Salkanovići	Medakovo	Medakovo	stanovanje	1,57
43	Trnovac	Novo Selo	Novo Selo	stanovanje	17,49
44	Vlasulje	Džemilić Planje	Džemilić Planje	stanovanje	2,82
45	Brijestovi	Trepče	Trepče	stanovanje	1,66
46	Deponija Bukva	Logobare	Bukva	deponija	9,82
47	Površinski kop	Trepče	Trepče	Površinski kop	9,02
48	Lončari	Lončari	Miljanovci-Lončari	stanovanje	3,78
49	Mrkotić 4	Mrkotić	Mrkotić	stanovanje	0,76
50	Džemilić Planje	Džemilić Planje	Džemilić planje	stanovanje	0,98
51	Bukva	Bukva, Čifluk, Logobare	Bukva	Poslovna zona	54,12
52	Distrikt	Tešanjka	Tešanjka	Sport i rekreacija	2,07
53	Novo Selo	Novo Selo	Novo Selo	poslovanje	15,60
54	Oruče	Koprivci	Karadaglije	stanovanje	1,38

55	Lepenica	Lepenica	Lepenica	poslovanje	4,78
56	Kahvica	Karadaglije	Karadaglije	Zona sportsko-rekreativnih, turističkih i lovačkih sadržaja	18,30
57	Madi	Raduša	Raduša	poslovanje	13,04
58	Bukva	Bukva, Čifluk, Logobare	Bukva	poslovanje	0,86
59	Lugovi	Jelah Polje	Jelah	stanovanje	0,50
60	Drum	Lepenica	Tešanjka	poslovanje	0,15
61	Potočani	Potočani	Jelah	poslovanje	4,26
62	Markovića brdo	Rosulje	Rosulje	stanovanje	2,90
63	Jelen	Jelah polje	Jelah	turizam	27,83
64	Ramića brdo	Mrkotić	Mrkotić	stanovanje	0,47
65	Šibovi	Jelah	Jelah	kolektivno stanovanje	32,71
			UKUPNO:		803,35

1. Poljoprivredno zemljište

Član 20.

(Bonitetne kategorije poljoprivrednog zemljišta)

Projekcijom prostornog razvoja i uređenja Općine utvrđuje se zastupljenost: III, IV, V, VI i VII bonitetne kategorije poljoprivrednog zemljišta, u ukupnoj površini od 6.056,57 hektara ili 37,64 % od ukupne površine Općine što je detaljnije obrađeno u tekstualnom i grafičkom dijelu Prostornog plana.

Član 21.

(Zone proizvodne sposobnosti – agrozone)

U skladu sa Zakonom o poljoprivrednom zemljištu FBiH („Službene novine FBiH“, broj 52/09), namjena zemljišta u Planovima prostornog uređenja utvrđuje se na osnovu karte upotrebne vrijednosti poljoprivrednog zemljišta. Kategorizacija zemljišta se vrši prema Uputstvu o stručnim mjerilima za razvrstavanje zemljišta u kategorije („Službene novine FBiH“, broj 78/09), na osnovu ovoga zemljišta se razvrstavaju u sedam bonitetnih kategorija, odnosno u tri agrozone na osnovu tipa tla, njegovih svojstava, općih svojstava terena itd.

Na području općine Tešanj utvrđuju se tri agrozone:

- Agrozona I - Sa aspekta zemljišnih potencijala ovo je najvrijednije područje općine Tešanj, koja zahvata površinu od 4.580,88 ha (28,49 %). Ovu zonu čine III, IVa i IVb bonitetna kategorija. Na ovim bonitetnim kategorijama moguća je intenzivna poljoprivredna proizvodnja sa mogućnostima uređenja i douređenja zemljišta, uključujući agro i hidromelioracione mjere, a sve sa ciljem uvećanja prinosa u odnosu na sadašnje stanje.
- Agrozona II - Zahvata površinu od 1.438,03 ha (8,94 %). U ovoj zoni su grupisana zemljišta osrednjih proizvodnih potencijala i uglavnom su manje prikladna za kultivisanje, tako da se manje koriste kao oranična tla, a više kao livade i voćnjaci. Agrozona II obuhvata zemljišta V i VI bonitetne kategorije, čija namjena nije isključivo poljoprivredna. Glavni ograničavajući faktori intenzivnog korištenja nabrojanih bonitetnih kategorija u ratarskoj proizvodnji su mala dubina soluma, jak nagib terena, pa prema tome i otežano korištenje mehanizacije.
- Agrozona III - Zahvata površinu od 37,66 ha (0,23%). U ovoj zoni su grupisana zemljišta slabih zemljišnih potencijala, a to su zemljišta VII bonitetne kategorije koja imaju izrazita ograničenja za korištenje u poljoprivredi. To su u prvom redu zemljišta planinskih područja, velike inkliniranosti terena, male dubine soluma, viših nadmorskih visina i u skladu s tim nepovoljnih klimatskih prilika. Zemljišta ove zone uglavnom su pod pašnjacima i livadama iz čega proizilazi da se ova zona koristi uglavnom u okviru ekstenzivne stočarske proizvodnje.

2. Šumsko zemljište

Član 22.

(Kategorizacija korištenja šumskih površina)

Šume i šumska zemljišta u državnoj i privatnoj svojini na području općine Tešanj zahvataju 5.325,61 ha, odnosno 33,12 % od ukupne površine općine, a detaljan pregled površina i zastupljenost šumskih kategorija prikazan je u tekstualnom i grafičkom dijelu Prostornog plana.

Član 23.

(Upotrebna vrijednost šumskog zemljišta)

Upotrebna vrijednost šumskog zemljišta, prema usvojenoj kategorizaciji, koja se odnosi na proizvodnu sposobnost zemljišta, grupiše sve bonitetne kategorije šumskog zemljišta u jednu zonu – zonu šuma.

U zonu šuma spadaju svi zemljišni prostori (sve kategorije šumskih površina) koje se nalaze pod šumskom vegetacijom.

3. Vodne površine, izvorišta i zaštitne zone

Član 24.

(Vodotoci)

Na području Općine utvrđeni su sljedeći vodotoci:

- Rijeka Bosna
Bosna je najveća rijeka koja prolazi kroz općinu Tešanj, čineći njenu istočnu granicu. Ona je od vitalnog značaja za hidrografski sistem regije.
- Rijeka Usora
Usora je značajna rijeka koja protiče kroz općinu Tešanj, naročito kroz naselje Kalošević. Ona je važna za lokalnu poljoprivredu i ekosistem.
- Rijeka Tešanjka
Tešanjka je desna pritoka rijeke Usore i najznačajniji pritok te rijeke. Nastaje sutokom Mekiškog potoka i Raduškog potoka na južnoj strani grada Tešnja. Protiče kroz grad Tešanj i teče u dužini od 9,5 km. Ona je važna za lokalnu zajednicu i industrijsku zonu Bukva-Tešanj.
- Mekiški potok: Jedan od izvora rijeke Tešanjke.
- Raduški potok: Također doprinosi formiranju rijeke Tešanjke
- Talin potok
- Grgin potok
- Golubovac
- Lužanjka...

Vodotoci iz stava (1) ovog člana predstavljaju značajnije vodotoke na području Općine. Ostali vodotoci, bujični potoci, povremeni vodotoci i melioracioni kanali sastavni su dio hidrografske mreže Općine i na njih se primjenjuju odredbe ove Odluke i posebnih propisa, u skladu sa njihovim karakterom.

Član 25.

(Vodna dobra)

Prostornim planom evidentirana su vodna dobra na području Općine, uključujući vodno dobro rijeke Bosne, kao i druga utvrđena vodna dobra u skladu sa posebnim propisima i aktima nadležnih organa.

Vodna dobra koriste se i štite u skladu sa uslovima koje utvrđuju nadležni organi, važećim propisima i planskim dokumentima, s ciljem očuvanja vodnih resursa i zaštite od štetnog djelovanja voda.

Član 26.

(Zaštitni pojas vodotoka)

Prostornim planom, za sve ostale vodotoke (II kategorija) na području Općine utvrđen je zaštitni pojas od 5m s lijeve i desne strane vodotoka, koji se koristi prema uvjetima koje daju nadležne institucije, u skladu sa

važećom zakonskom regulativom, a u cilju njegove zaštite.

Iznimno od prethodnog stava, zaštitni pojasi za vodotoke koji prolaze kroz urbano područje Tešanj ili područja za koja je utvrđena obaveza izrade detaljnih planskih dokumenata, utvrđuju se detaljnim planovima prostornog uređenja i projektima regulacije vodotoka.

Član 27.

(Pojas vodotoka koji se ne smije zauzeti)

U cilju očuvanja prirodnog pejzaža i korištenja voda za rekreaciju, turizam, ribolov i druge aktivnosti, te zaštite biljnih i životinjskih vrsta, obale rijeka ne mogu se zauzeti, obrađivati, niti ograđivati u obalnom pojasu od najmanje 3 metra od obale pri normalnom vodostaju, ukoliko detaljnom planskom dokumentacijom nije drugačije utvrđeno.

4. Komunalna infrastruktura

Član 28.

(Postojeća izvorišta vode u javnom sistemu vodosnabdijevanja)

Okosnicu vodosnabdijevanja u općini Tešanj čini centralni općinski vodovodni sistem (CVS) Tešanj-Jelah-Kraševo, koji obuhvata tri vodovodna podsistema:

- VS Tešanj,
- VS Jelah,
- VS Kraševo.

Vodovodni sistem Tešanj ima dva površinska vodozahvata tirolskog tipa - Stupa i Mekiš, iz kojih se zahvata 8 - 22 l/s, s postrojenjem za prečišćavanje površinske vode (PPPV),

Vodovodni sistem Jelah se snabdijeva pitkom vodom sa pet vertikalno bušenih bunara (EB-1 - EB-5 i PEB-3), bunarom Miljanovci, te bunarima PEB-1, PEB-5 i PEB-4 na lokalitetu Bobarsko polje, ukupne izdašnosti 35 - 80 l/s.

Vodovodni sistem Kraševo se snabdijeva sa pet eksploatacijskih bunara B1 – B5, ukupne izdašnosti 6 – 19 l/s. Na izvorištu se nalazi klorna stanica na kojoj se vrši dezinfekcija vode prije isporuke u distribucijske rezervoare, odnosno distribucijski sistem. U narednom periodu potrebno je:

Donijeti novu Odluku o zonama sanitarne zaštite i zaštitnim mjerama za izvorište „Jelah“, kao i za sva druga izvorišta na području općine Tešanj u skladu s odredbama Pravilnika o načinu utvrđivanja uslova za određivanje zona sanitarnog zaštitnog pojasa i zaštitnih mjera za izvorišta vode za javno vodosnabdijevanje stanovništva („Službene novine FBiH“ br. 88/12).

Izraditi novi elaborat o zaštiti izvorišta „Jelah“, koji će uključiti i novoizgrađeni bunar PEB-3 sa lateralnim drenom, a do izrade istog i donošenja Odluke o zonama sanitarne zaštite i zaštitnim mjerama, za granicu prve zone zaštite ovog bunara koristiti onu preporučenu u glavnom projektu: parcele k.č. 1295 i k.č. 1296, K.O. Miljanovci Donji.

Ovo izvorište ne smije ostati bez zaštite od onečišćenja, a do zvaničnog tumačenja koja Odluka je na snazi i u primjeni nakon Presude Ustavnog suda ili do donošenja nove Odluke od strane nadležnog organa Zeničko-dobojskog kantona, privremeno se koristi Odluka iz 2016. godine („Službene novine Zeničko-dobojskog kantona“ broj: 13/16), jer su mjere zaštite izvorišta donesene prema važećem Pravilniku struke.

Odluka o zonama sanitarne zaštite i zaštitnim mjerama za izvorište „Jelah“ koja se donese u skladu sa Zakonom će biti obavezujuća i u provođenju ovog Prostornog plana.

U narednom periodu izraditi katastar vodovodnih instalacija i objekata na području općine Tešanj.

Član 29.

(Lokalna izvorišta i sistemi vodosnabdijevanja)

Na području općine Tešanj postoji veliki broj lokalnih (mjesnih) vodovoda i individualnih vodnih objekata. O lokalnim vodovodima se skrbe vlasnici, odnosno MZ na čijem se teritoriju isti nalaze.

Mjesni vodovodi u općini Tešanj

R.B.	Naziv vodovoda	MZ-naselje, zaseok koji se snabdijeva sa vodovoda	Broj korisnika vodovoda (priključaka)	Upravitelj vodovoda	Vlasništvo
1	ROSSA	Novo Selo, Ljetinić, Rosulje, dio Medakova i dio Žabljaka	1.312	Privatno preduzeća "ROSSA" d.o.o.	Udjeljenici-korisnici
2	LEPENICA POLJE-TEŠANJKA	Tešanjka, Lepenica Polje	200	Neformalna grupa građana	Neformalna grupa građana, MZ
3	PONIKVA	Šije	733	MZ Šije	MZ Šije i građani učesnici u izgradnji vodovoda
4	ADŽIČKA	Šije – Donje polje (kuće oko škole)	40	Neformalna grupa građana	Neformalna grupa građana.
5	BARICA	Šije-Gornje polje	30	Neformalna grupa građana	Neformalna grupa građana
6	DRAGIVUŠA	Piljužići	91	Neformalna grupa građana	Neformalna grupa građana.
7	VIJER	Piljužići (Parlozi i Zovke)	35	Pojedinac: Garić Halid	Neformalna grupa građana.
8	ŠIŠINAK	Kalošević, Bobare-Drinčić-Blaževci, Mrkotić	272 Kalošević, 420 BDB, 405 Mrkotić	MZ Kalošević MZ Bobare-Drinčići-Blaževci MZ Mrkotić	MZ Kalošević, MZ Bobare-Drinčići-Blaževci MZ Mrkotić
9	NUMIĆI ("Krčevina 1-2")	Kalošević-Numići	28	Neformalna grupa građana	Neformalna grupa građana.
10	CIGANKA	Kalošević, Hatkići-Mervani	15	Neformalna grupa građana	Neformalna grupa građana.
11	GOBELJA-JELEČI	Novi Miljanovci	105	Neformalna grupa građana	MZ Novi Miljanovci
12	KADIČKA	Novi Miljanovci (Alići-Čemani)	11	Neformalna grupa građana	Neformalna grupa građana
13	JOŠIK	Novi Miljanovci (Kruške, Kreme,Hasići)	30	Neformalna grupa građana-dvije grane vodovoda	
14	BUKOVAC	Raduša	358	Udruženje građana vodovod "Bukovac" Raduša	Udruženje građana vodovod "Bukovac" Raduša
15	GRABOVAC	Raduša-dio podružnice Dolac	30	Udruženje građana vodovod "Grabovac" Raduša	Udruženje građana vodovod "Grabovac" Raduša
16	JAZBINE	Raduša-podružnice G. Raduša	30	Neformalna grupa građana	Neformalna grupa građana
17	OSOJE	Raduša-dio podružnice Dolac	12	Neformalna grupa građana	Neformalna grupa građana
18	LIPE	Karadaglije	128	Neformalna grupa građana	Neformalna grupa građana
19	PUKLI KAMEN	Karadaglije	22	Neformalna grupa građana	Neformalna grupa građana
20	GUŠA	Karadaglije	18	Neformalna grupa građana	Neformalna grupa građana

21	RAVNI POTOK	Karadaglije	20	Neformalna grupa građana	Neformalna grupa građana
22	TOMIN STUDENAC	Medakovo	28	Neformalna grupa građana	Neformalna grupa građana
23	DUMAČE	Medakovo-Čostovići, Čosatovići, Beganovići	25	Neformalna grupa građana	Neformalna grupa građana
24	BORIK-KLUPE	Medakovo-Brezovače, Ibrahimkadići, Muminovići	19	Neformalna grupa građana	Neformalna grupa građana
25	BEDACI LEPENICA	Medakovo-Brezovače	12	Neformalna grupa građana	Neformalna grupa građana
26	ORAŠJE PLANJE	Orašje Planje	247 dom. 974 stanovnika	MZ Orašje Planje	MZ Orašje Planje (građani)
27	SELO	Jablanica-Čaglići	50	Neformalna grupa građana	Neformalna grupa građana
28	BIJELE VODE	Jablanica-Plančići-Torići	38	Neformalna grupa građana	Neformalna grupa građana
29	BIJELE VODE	Jablanica-Jablanica, Bavrci; Lihići	17	Neformalna grupa građana	Neformalna grupa građana
30	KRALJEVAC	Dobropolje-Mekiš	40	Stari tešanski vodovod-svojevremeno napajao grad	Bez vlasnika
31	BUKOVAC	Dobropolje-Mekiš	55	Stari tešanski vodovod-svojevremeno napajao grad	Neformalna grupa građana
32	DŽEMILIĆ PLANJE	Džemilić Planje	160	Građevinski odbor	Neformalna grupa građana
33	BUKOVAC	Mekiš	40	Odbor vodovoda	Neformalna grupa građana
34	ŠATOVIĆ	Mrkotić	405	MZ Mrkotić	MZ Mrkotić

Za lokalna izvorišta i sisteme vodosnabdijevanja je neophodno:

- Uspostaviti stalni higijenski nadzor i planirati uvođenje kontrole kvalitete za sva izvorišta vode koja se koriste za piće na području cijele općine;
- Dodatne količine vode obezbjeđivati izgradnjom novih izvorišnih objekata na lokalnom ili regionalnom nivou uz obavezu provođenja odgovarajućih hidrogeoloških i drugih istraživanja na potencijalnim resursima u planskom periodu;
- Tamo gdje je neophodno izgraditi nove i izvršiti rekonstrukciju starih vodovoda;
- U cilju stvaranja uvjeta za organiziranje održavanja lokalnih vodovoda, u okviru nadležnog komunalnog javnog preduzeća provesti sve radnje na izradi detaljnog katastra,
- Općina Tešanj i nadležno komunalno javno preduzeće dužni su održavati, rekonstruirati ili dograđivati postojeće vodovodne mreže i objekte koji su im dati na upravljanje, na način optimiziranja kapaciteta postojećih izvorišta na raspoloživim resursima i vršiti kontrolu ispravnosti vode za piće.
- Za sva izvorišta i vodozahvate koji se koriste za vodosnabdijevanje utvrditi i detaljno mapirati zone sanitarne zaštite, uz izradu elaborata o zaštiti izvorišta i donošenje Odluke o provođenju zaštite izvorišta;
- Zone sanitarne zaštite utvrđene Odlukom o zaštiti izvorišta, kao i prostor rezerviran za uspostavljanje zona sanitarne zaštite za izvorišta koja se koriste i za koje još nije donesena Odluka, unijeti u Plan upravljanja vodama;
- Sve lokalne vodovode uvesti u zakonske okvire, prema Zakonu o vodama Zeničko-dobojskog kantona (registrirati, izraditi minimum tehničke dokumentacije, te za njih pribaviti vodne i upotrebne dozvole);
- Prema istom Zakonu, osigurati samoodrživost mjesnih vodovoda. Pod ovim se podrazumijeva tekuće investicijsko održavanje objekata mjesnog vodovoda, sredstva za amortizaciju i troškovi propisanih

- pregleda o zdravstvenoj ispravnosti vode za piće i za dezinfekciju. Ova sredstva se mogu osigurati ugradnjom mjerača potrošnje za svakog pojedinačnog korisnika i pravednom naplatom;
- Provoditi aktivnosti na okrupnjavanju lokalnih mjesnih i seoskih vodovoda koji neće biti obuhvaćeni gradskim vodovodnim sistemom, kroz rekonstrukciju i dogradnju;
 - Ukoliko mjesni vodovodi nisu u stanju sami osigurati samoodrživost, uvesti ih u zakonske okvire, izvršiti njihovu rekonstrukciju i predati ih javnom komunalnom preduzeću na upravljenje.
 - Sve postojeće zone sanitarne zaštite uskladiti sa Zakonom o vodama i važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva. Usvajanjem Odluka o zaštiti izvorišta po novom Pravilniku, granice zaštitnih zona iz tih Odluka postaju važeće za to područje, čak i ako su one u ovom Planu već ucertane po starom Pravilniku.
 - Urbanističko-građevinske mjere zaštite oko vodnih površina i izvorišta voda, primjenjivat će se u skladu sa važećom zakonskom regulativom za ovu oblast i odredbama ove Odluke.

Član 30.

(Vodovodi sa izvorištima u drugim općinama)

Izvorište Jelah ima dva aktivna bunara koji se nalaze na teritoriji općine Usora (Lugovi). Ove bunare je potrebno zaštititi od onečišćenja u skladu sa zakonom, regulativom i međuopćinskim dogovorima.

Član 31.

(Izvorišta za vodosnabdijevanje susjednih općina)

U općini Tešanj nema izvorišta s kojih se u cjelosti vrši vodosnabdijevanje susjednih općina.

Član 32.

(Planirani razvoj sistema vodosnabdijevanja)

Kontinuirano vršiti zamjenu dotrajalih dionica distribucijskih cjevovoda ugradnjom novih, čime će se smanjiti gubici u mreži.

Dugoročno planirati ugradnju mjernih uređaja za sve korisnike vodovoda na području općine sa mogućnosti telemetrijskog očitavanja.

Bunari PEB-1, PEB-4 i PEB-5 zajedno čine izvorište „Bobarsko polje“ i za isto je neophodno izraditi elaborat o zaštitnim zonama izvorišta i donijeti Odluku o provođenju mjera zaštite nad istim.

Bunari PEB-4 i PEB-5 se nalaze u IV zoni zaštite bunara PEB-1 za koji je već donesena Odluka o provođenju mjera zaštite, a do izrade elaborata i donošenja Odluke o zaštiti cijelog izvorišta, za prvu zonu zaštite ovih bunara će se koristiti granice koje su preporučene u glavnim projektima izgradnje ovih bunara.

Obezbijediti kvalitetno i kontinuirano snabdijevanje vodom za piće za duži vremenski period na području cijele općine, te u skladu s odabranim rješenjem (varijanta II) Studije dugoročnog rješavanja vodosnabdijevanja na području općine Tešanj, pokrenuti aktivnosti na realizaciji iste.

Prioritetno odrediti tačnu lokaciju direktnog zahvatanja iz vodotoka rijeke Usore i lokaciju planiranog postrojenja za prečišćavanje površinske vode.

Izraditi plan aktivnosti prema smjernicama iz Studije za dugoročno vodosnabdijevanja općine Tešanj.

Pristupiti prioritetnim investicijama objekata distribucijske mreže centralnog vodovodnog sistema (CVS) za kratkoročni period od 5 godina:

- Izrada projekta i izgradnja potisnog cjevovoda PS PPPV Jelah polje – RZ Jevadžije,
- Izrada projekta i izgradnja PS Jevadžije,
- Izrada projekta i izgradnja potisnog cjevovoda PS Jevadžije – RZ Krndija,
- Izrada projekta i izgradnja dionice glavnog distribucijskog cjevovoda PK Bukva – RZ Kraševo R1 (projektirano 7050 m, ostalo da se doprojektira spoj sa RZ Kraševo R1 u dužini od 2320 m)
- Izrada projekta i izgradnja dionice glavnog transportnog cjevovoda RZ Krndija – RZ Tešanj,
- Izgradnja rezervoara Krndija (projekt je već urađen),
- Izrada projekta i izgradnja rezervoara Kraševo R1,

- Izrada projekta i izgradnja rezervoara Vukovo.

Uvesti dodatne količine vode u CVS, izgraditi vodozahvat, postrojenje za prečišćavanje površinske vode i pumpne stanice ka rezervoarima „Jevadžije“ i „Miljanovci“.

Nastaviti aktivnosti prema datim vremenskim pragovima (2032, 2042, 2052) Studije za dugoročno vodosnabdijevanje općine Tešanj. Planski period Studije premašuje period važenja ovog Prostornog plana.

Član 33. (Odvodnja i tretman otpadnih voda)

U planskom periodu neophodno je omogućiti nesmetano funkcioniranje postojećeg sistema za prikupljanje i odvodnju otpadnih voda, kao i ispravno funkcioniranje sistema odvodnje za vrijeme obilnih oborina, smanjujući rizik od poplava i posljedične zdravstvene i ekonomske opasnosti.

Prema Studiji odvodnje i prečišćavanja otpadnih voda na području općine Tešanj, planirati odvodnju otpadnih voda na području cijele općine. Za područja za koja se to pokaže opravdanim predvidjeti individualno rješavanje odvodnje.

Pored područja općine Tešanj, u sistem odvodnje uključiti otpadne vode iz MZ Žabljak (općina Usora), na desnoj obali rijeke Usore.

Uvažavajući postojeće stanje u prijelaznom periodu izgradnje centralnog sistema odvodnje za općinu Tešanj, planirati separatan sistem odvodnje, odnosno odvojenu odvodnju oborinskih i sanitarnih voda. Istovremeno smanjiti broj direktnih ispusta u vodne resurse.

Pristupiti izgradnji mreže sekundarnih i tercijarnih kolektora prema Glavnom projektu sekundarne i tercijarne mreže i kućnih priključaka.

Nastaviti započetu izgradnju primarnih kolektora BI, BIII i BV, kao i kolektora BII, BIV, AI i AIV.

Prema Studiji odvodnje i prečišćavanja otpadnih voda na području općine Tešanj, pristupiti izradi glavnih projekata za izradu oborinske kanalizacije i izvođenju radova, čime će se unaprijediti i proširiti postojeće servisno područje sistema za prikupljanje otpadnih voda na veći broj urbanih područja općine do kraja planskog perioda, čime će se omogućiti funkcionalnije upravljanje i povećati broj stanovnika priključenih na sistem odvodnje.

U skladu s prihvaćenim konceptom separatne odvodnje, odnosno odvojenog vođenja sanitarne i oborinske kanalizacije, postojeću mješovitu kanalizaciju dijelom pretvoriti u oborinsku.

Radove na izgradnji sanitarnih kolektora vršiti fazno uz istovremeni tretman i rekonstrukciju postojećih mješovitih kolektora, kako bi se neki od njih pretvorili u oborinske.

Izvršiti razdvajanje sanitarne i oborinske kanalizacije i u naseljima izvan dometa javnog sistema odvodnje, a sve buduće kanalizacijske sisteme izvoditi kao separatne.

U ruralnim dijelovima općine izvan dometa javnog sistema odvodnje izgraditi primarnu kanalizacijsku mrežu, u cilju sprečavanja direktnih ispusta u vodne resurse.

Član 34. (Postrojenja za prečišćavanje otpadnih voda)

Uporedo sa rješavanjem sistema za prikupljanje i odvodnju otpadnih voda, neophodno je izgraditi postrojenja za prečišćavanje otpadnih voda, čime će se doprinijeti provedbi pravne stečevine EU, a naročito Direktive o pročišćavanju komunalnih otpadnih voda (91/271/EEC), dopunjeno sa Uredbom o uslovima ispuštanja otpadnih voda u okoliš ili sisteme javne kanalizacije („Službene novine Federacije BiH“, broj: 26/20, 96/20 i 01/24).

Na području obuhvata plana definiraju se lokacije za izgradnju dva (2) fizički i tehnološki neovisna postrojenja za prečišćavanje otpadnih voda (PPOV):

1. Prema Idejnom projektu zajedničkog postrojenja za prečišćavanje otpadnih voda općina Tešanj, Usora i Doboj jug (Općina Doboj Jug je u međuvremenu odustala od zajedničkog koncepta odvodnje) pristupiti izgradnji centralnog postrojenja za prečišćavanje otpadnih voda (PPOV) „Kraševo“, planiranog kapaciteta

50.000 ES.. Postrojenje će tretirati otpadne vode prikupljene u slivovima rijeka Usore i Tešanjke sa pritokama, sa lokacijom u Kraševu, u pojasu između koridora Vc, rijeke Usore i ceste Doboj-Teslić. Krajnji recipijent prečišćenih voda je rijeka Usora.

2. Za naselje Šije (koje pripada slivu rijeke Bosne) izgraditi manji lokalni uređaj za prečišćavanje otpadnih voda kapaciteta 4.000 ES, uz granicu prema općini Doboj Jug, u pojasu između ceste M-17 i rijeke Bosne, ili u saradnji sa općinom Doboj-Jug otpadne vode dovesti do budućeg PPOV u ovoj općini. Krajnji recipijent prečišćenih voda je rijeka Bosna.

Izbor tehnologije tretmana otpadnih voda na obje lokacije mora osigurati kvalitet efluenta u skladu sa važećim zakonskim propisima i standardima za ispušt u površinske vode.

S obzirom na konfiguraciju terena i prostornu disperziju stanovništva u općini, predvidjeti i mogućnost izgradnje lokalnih prečišćavača otpadnih voda i za područja koja nije moguće priključiti na javnu kanalizacionu mrežu. Također predvidjeti i mogućnost izgradnje nekonvencionalnih prečišćavača Bio tipa.

Svi postojeći i novi privredni subjekti su u obavezi izgraditi vlastite uređaje za tretman tehnoloških otpadnih voda. Svoje otpadne vode prije ispuštanja u sistem javne kanalizacije ili prirodni recipijent dovesti u dozvoljene granične vrijednosti emisija propisanih Uredbom o uslovima ispuštanja otpadnih voda u okoliš ili sisteme javne kanalizacije („Službene novine Federacije BiH“, broj: 26/20, 96/20 i 01/24), a sve u skladu sa uslovima zadatim u Rješenima o vodnoj dozvoli. Ove otpadne vode pročititi do mjere da se mogu uključiti u sistem javne kanalizacije, gdje bi se tretirale kao i komunalne otpadne vode.

Za sve postojeće i planirane poljoprivredne kapacitete (farme) na obuhvatu općine Tešanj, izgraditi sisteme za tretman poljoprivrednih otpadnih voda, pročišćavanjem istih do određenog stepena, prije njihovog uvođenja u sistem javne kanalizacije ili u recipijent, ako iste zbog udaljenosti nije moguće priključiti na sistem javne kanalizacije.

Član 35.

(Sanitarno-zaštitne zone i ograničenja gradnje)

Širina zaštitnog pojasa primarnih vodova vodovodne i kanalizacijske mreže do razvodne mreže iznosi 5 m s jedne i 5 m s druge strane, računajući od osovine cjevovoda.

U cilju zaštite zdravlja ljudi, okoliša i nesmetanog funkcioniranja sistema odvodnje, oko lokacija planiranih postrojenja uspostavljaju se sanitarno-zaštitne zone (SZZ) unutar kojih se definiraju posebna ograničenja u prostoru.

Za Centralno PPOV „Kraševo“ (50.000 ES) uspostavlja se sanitarno-zaštitna zona u radijusu od minimalno 200 metara od spoljne ograde kompleksa postrojenja. Unutar ove zone uvode se sljedeća ograničenja:

Strogo se zabranjuje izgradnja novih stambenih, stambeno-poslovnih i objekata javne namjene (škole, vrtići, zdravstveni i sportski objekti).

Strogo se zabranjuje izgradnja objekata prehrambene industrije, objekata za skladištenje i distribuciju hrane, kao i bušenje bunara za individualno ili kolektivno vodosnabdijevanje.

Zabranjuje se širenje građevinskog područja naselja Kraševo u pravcu lokacije postrojenja.

Za Lokalno PPOV „Šije“ (4.000 ES) uspostavlja se sanitarno-zaštitna zona u radijusu od minimalno 100 metara od vanske ograde kompleksa postrojenja. Unutar ove zone važe identične zabrane gradnje i aktivnosti iz tačke 1. i 2. ovog stava.

Izuzetno od odredbi iz stava (3) i (4) ovog člana, unutar sanitarno-zaštitnih zona oba postrojenja dozvoljena je izgradnja linijske i komunalne infrastrukture (saobraćajnice, elektro-mreža, hidrotehnički objekti), parking prostora, te uređenje odbrambenih hidrotehničkih objekata (nasipa) i zaštitnih zelenih površina.

Tačne i konačne granice sanitarno-zaštitnih zona za oba postrojenja definirati će se kroz izradu detaljne tehničke dokumentacije (Glavni projekt i Studija utjecaja na okoliš).

Član 36.

(Tehničko-ekološki uvjeti za izgradnju PPOV)

S obzirom na blizinu stambenih zona i specifičnosti lokacija, projektiranje i izgradnja postrojenja moraju ispuniti sljedeće uvjete:

1. Zaštita od neprijatnih mirisa: Tehničkim rješenjem (posebno za PPOV „Kraševo“) obavezno je predvidjeti zatvaranje objekata primarnog tretmana i objekata za zbrinjavanje mulja, uz ugradnju savremenih sistema za sakupljanje i prečišćavanje otpadnih gasova (biofilteri ili filteri sa aktivnim ugljem).
2. Uređenje zelenog tampona: Investitor/operater je obavezan oko kompletne spoljne ograde oba postrojenja

formirati višeslojni i gusti zaštitni zeleni pojas minimalne širine 15 metara za PPOV „Kraševo“, odnosno 10 metara za PPOV „Šije“, sastavljen od autohtonog visokog i niskog drveća radi vizuelne i ekološke izolacije postrojenja.

3. Zaštita od poplava i procjeđivanja: Svi objekti i rezervoari u kojima se vrši tretman otpadnih voda moraju biti projektirani kao apsolutno vodonepropusni armirano-betonski sistemi sa ugrađenim sistemom kontrole procjeđivanja. Gabariti objekata moraju se dimenzionirati i zaštititi od pojave visokih (stogodišnjih) voda rijeka Usore i Bosne.

Član 37. (Groblja/mezarja)

Groblje/mezarje predstavlja obavezan sadržaj svakog naseljenog mjesta, koje egzistira na određenom lokalitetu i funkcionira bez obzira na vrstu naselja i njegovu opremljenost drugim sadržajima.

Groblje/mezarje je građevinsko zemljište koje je namijenjeno za ukop ili sahranjivanje umrlih na području općine, a mogu biti aktivna i pasivna.

Prostornim planom u grafičkom i tekstualnom dijelu, utvrđene su površine aktivnih i pasivnih grobalja na području općine Tešanj u skladu sa Odlukom o lokacijama grobalja-mezarja općine Tešanj („Službeni glasnik Općine Tešanj“, broj: 5/21).

Postojeći lokaliteti na području općine na kojima se vršilo ili vrši sahranjivanje, a koji su utvrđeni Odlukom o lokacijama grobalja-mezarja općine Tešanj, zadržavaju se kao prostori za sahranjivanje.

U planskom periodu potrebno je:

- putem mjesnih zajednica i vjerskih zajednica uraditi katastar svih grobalja/mezarja i utvrditi njihov vlasnički status,
- za izgradnju i uređenje grobalja/mezarja iz stava (2) ovog člana treba osigurati minimum uređenja građevinskog zemljišta (prilaz, voda, rasvjeta i sl.) posebno na grobljima unutar urbanog područja općinskog centra i grobljima uz veća urbana područja,
- centralizovanje površina za sahranjivanje u okviru granica mjesnih zajednica ili naseljenih mjesta, kako bi se izbjegla evidentirana usitnjenost grobalja na području općine i pojava da jedno naselje, neovisno od veličine, ima više grobalja,
- evidentiranje i valorizaciju starih i pasivnih grobalja od strane nadležnih institucija i preduzimanje mjera zaštite i održavanja,
- utvrditi precizne površine parcela pojedinih grobalja i izvršiti njihovo ažuriranje u geodetske podloge,
- omogućiti proširenje postojećih grobalja, kao i otvaranje novih, na lokalitetima gdje ne postoje i gdje se ukaže potreba.

Član 38. (Pijace i tržnice)

U planskom periodu je neophodno obezbijediti organizovano trajno i nesmetano pružanje usluga tržnica i pijaca na veliko i malo, te drugih usluga iz komunalnih djelatnosti od javnog društvenog interesa. Projekcijom prostornog razvoja planirana je nova lokacije zelene pijace u okviru projekta „Eko oaza Rastoke“.

Član 39. (Postupanje s otpadom)

Trajno rješenje pitanja zbrinjavanja komunalnog otpada na području općine Tešanj predviđa sanaciju, zatvaranje, kao i rekultivaciju čitavog prostora deponije „Bukva“. Nakon zatvaranja deponije nužna je uspostava regionalnog koncepta odlaganja otpada, koji podrazumijeva da se otpad sa područja općine Tešanj odvozi na RD „Mošćanica“ u Zenici.

Na ovom lokalitetu se predviđa izgradnja pratećih sadržaja prilagođenih regionalnom konceptu odlaganja otpada kao što su reciklažni centar, pretovarna stanica, sortirnica, kompostana itd. U skladu sa utvrđenim strateškim opredjeljenjima i započetim aktivnostima, u narednom periodu treba nastaviti realizaciju :

- Aktivnosti na izradi investiciono-tehničke dokumentacije i okolinske dozvole za zatvaranje i sanaciju deponije, kao i izgradnju reciklažnog dvorišta sa pretovarnom stanicom i sortirnicom;
- Potrebno je odraditi rekultivaciju čitavog prostora;
- Potrebno je unaprijediti stepen i kvalitet komunalne opremljenosti u svim mjesnim zajednicama;
- Potrebno je poboljšati sadašnju infrastrukturu glede mašina i vozila za odvoz smeća;

- Na osnovu evropskih direktiva o upravljanju otpadom nužno je smanjiti količinu finalno nastalog otpada koji će se odložiti;
- Smanjiti opterećenje po životnu sredinu i stanovnike općine Tešanj,
- Potrebno je povećati broj zelenih otoka za selektivno odlaganje otpada;
- Obezbijediti sortirnice za primarno i sekundarno sortiranje;
- Pojačati aktivnosti na saniranju divljih deponija, te pojačati inspekcijski nadzor i procesuirati prekršioce eko incidenata;
- Potrebno je izraditi katastar divljih deponija,
- Medicinski, životinjski i opasni otpad zbrinjavati na strogo propisan Zakonski način,
- Planirati izgradnju animalnog groblja.

5. Mineralna nalazišta

Član 40.

(Lokacije energetskih sirovina)

Energetski potencijal, prevashodno rezerve uglja, na području općine Tešanj nema registriranih nalazišta.

Član 41.

(Lokacije mineralnih sirovina)

Prema Studiji prirodnih resursa Zeničko-dobojskog kantona (Institut za hidrotehniku Građevinskog fakulteta u Sarajevu), iz 2007. godine, na prostoru općine Tešanj su otvorena za eksploataciju 3 ležišta nemetalnih sirovina i to: dvije lokacije ležišta krečnjaka i jedna lokacija ležišta dijabaza, od kojih je jedino aktivna lokacija ležišta krečnjaka na Trebačkom brdu.

6. Energetska infrastruktura

Član 42.

(Proizvodnja električne energije)

Elektroenergetski objekti se grade u skladu sa Zakonom o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07, 32/08, 4/10, 13/10 i 45/10, 85/21, 92/21), tehničkim i drugim propisima i propisima utvrđenim Zakonom o električnoj energiji u Federaciji BiH („Službene novine Federacije BiH“ broj 60/23).

U općini Tešanj nema značajnijih proizvođača električne energije, snage preko 10 MW.

U općini Tešanj nema izgrađenih hidroelektrana.

Prostornim planom Zeničko-dobojskog kantona 2009.-2029. su u općini Tešanj planirane četiri potencijalne male hidroelektrane na rijeci Usori. Predmetne mHE su tada predviđene kao mogućnost, uz obavezno prethodno utvrđivanje opravdanosti.

To su:

- HE Dedovac
- HE Jelah,
- HE Rosulje,
- HE Jelići.

S obzirom na značaj vodotoka rijeke Usore za vodosnabdijevanje, ali i Zakon o električnoj energiji („Službene novine Federacije BiH“ broj 60/23), kojim se obustavlja izdavanje energetskih dozvola za male hidroelektrane na rijekama, Općina Tešanj je iskazala stav da nije zainteresirana da se u Prostornom planu planira izgradnja hidroelektrana na rijeci Usori, nego da se grade brane ili pragovi na rijeci Usori isključivo u interesu (direktno ili indirektno) vodosnabdijevanja ili podizanja nivoa podzemnih voda.

U općini Tešanj postoji veći broj fotonaponskih solarnih elektrana, a s obzirom na trend izgradnje očekuje se još veći interes za njih, te njihovu izgradnju treba ohrabriti i stimulirati sa svih nivoa vlasti.

Omogućiti postavljanje što većeg broja fotonaponskih panela na krovove zgrada u svrhu zagrijavanja prostorija, dobijanja tople sanitarne vode i za proizvodnju električne energije. Također planirati samostojeće fotonaponske elektrane isključivo izvan užeg urbanog područja, tamo gdje to uvjeti dopuštaju.

U planskom periodu primjenjivati podsticajne mjere za proizvodnju električne i toplinske energije iz OIEiEK, prema Uredbi o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje („Službene novine Federacije BiH“ broj: 95/24). Tijelo nadležno za sprovođenje ovih mjera je Operator za OIEiEK, prema Zakonu o korištenju obnovljivih izvora energije i efikasne

kogeneracije ("Službene novine Federacije BiH" broj 82/23). Ove mjere su u skladu s Rezolucijom Vijeća Evrope o strategiji Zajednice u promociji kombinirane topline i energije (Council Resolution of 18 December 1997 on a Community strategy to promote combined heat and power).

Član 43.

(Prijenos, distribucija i transformacija električne energije)

Prostornim planom Zeničko-dobojskog kantona 2009-2029 je planirana izgradnja TS 400/110 kV Doboj 4, s ucrtanom lokacijom iste u naseljenom mjestu Ljetinić. Zbog prilika na terenu se u međuvremenu odustalo od ove lokacije, te je umjesto nje izgrađena TS 400/110 kV na području Stanara. Izgradnja TS 400/110 kV Doboj 4 zajedno sa spojnim 400 kV vodovima su povučeni iz novih planova razvoja elektroprijenosne mreže, te nisu prikazani ni u ovom planskom dokumentu.

Izgraditi DV 110 kV Jelah-Tešanj (uz izgradnju dalekovodnog polja 110 kV Jelah, mjernog polja MP 110 kV i kompletiranje nekompletnog dalekovodnog polja 110 kV Maglaj u TS 110/(20) 10/35 Tešanj) i time kompletirati dalekovod DV 110 kV Jelah - Maglaj i omogućiti dvostrano napajanje TS 110/(20) 10/35 kV Tešanj.

U TS 110/(20) 10/35 kV Tešanj planirati rekonstrukciju MP 110 kV, te uzemljenje zvjezdista transformatora na 10 (20) kV.

Za svaki postojeći i novoplanirani elektroenergetski infrastrukturni objekt mora biti osiguran priključak na elektroenergetsku mrežu. Elektroenergetska mreža se projektira i izvodi u saglasnosti sa posebnim propisima prema planskim rješenjima. Do svake trafostanice treba biti osiguran saobraćajni pristup.

Razvoj mreže srednjeg napona temeljiti na dva djelomično povezana načela: zamjena naponskog nivoa 10 kV sa 20 kV i postupno uvođenje direktne transformacije 110/10(20) kV, te ukidanje mreže 35 kV.

Razvoj mreže niskog napona treba temeljiti na sljedećim načelima: kratki izvodi niskog napona i pojednostavljene trafostanice 10-20/0,4 kV s transformatorima relativno male nazivne snage i kratkom priključenom mrežom niskog napona.

U gušće naseljenim područjima i na lokacijama poslovnih zona treba planirati zamjenu postojećih stubnih trafostanica sa slobodno stojećim, a nadzemnih dalekovoda sredjenaponskim podzemnim kablovima (20) 10 kV, što bi omogućilo brži razvoj na tim lokalitetima.

Raditi na modernizaciji i proširenju javne rasvjete, što će dovesti do značajnih ušteda u potrošnji električne energije i smanjenju emisije CO₂.

Omogućiti razvoj elektromobilnosti i povećati broj punionica električnih vozila.

Član 44.

(Zaštitni pojasevi elektroenergetske infrastrukture)

Odlukom Državne regulatorne komisije za električnu energiju (DERK) br. 05-28-190-9/07 od 27.02.2008. godine uspostavljene su zone sigurnosti za nadzemne elektroenergetske vodove nazivnih napona od 110 kV do 400 kV. Prema važećem „Pravilniku o zonama sigurnosti nadzemnih elektroenergetskih vodova nazivnog napona od 110 kV do 400 kV“ („Službeni glasnik Bosne i Hercegovine“, broj: 23/08 od 18.03.2008.godine), potrebno je zadovoljiti širine područja zone sigurnosti horizontalne ravnine za dalekovode naponskih nivoa:

nazivni napon dalekovoda	širina područja sigurnosti
1. 400 kV	40 m
2. 220 kV	30 m
3. 110 kV	20 m

Zavješjenja krajnjih faznih provodnika su podjednako udaljena od granice zone sigurnosti.

Zona sigurnosti uspostavlja se za izgrađene dalekovode, nove dalekovode i objekte oko izgrađenih i novih dalekovoda, osim u slučajevima definiranim članom 4. „Pravilnika o zonama sigurnosti nadzemnih elektroenergetskih vodova nazivnog napona od 110 do 400 kV“, koji se odnosi na objekte izgrađene prije stupanja na snagu ovog Pravilnika.

Unutar koridora postojećeg dalekovoda napona od 110 kV do 400 kV nije dopuštena nova gradnja.

Pri prolasku elektroenergetskih nadzemnih vodova preko građevina, odnosno približavanje vodova građevinama, građevine moraju biti udaljene od vodova za minimalnu sigurnosnu visinu i udaljenost utvrđenu u Pravilniku o tehničkim normativima za izgradnju nadzemnih elektroenergetskih vodova nazivnog napona od 1 kV do 400 kV "Službeni list SFRJ", broj 65/88 ("Odluka DERK-a 05-28-190-10/07 od 27. 02.2008. godine).

Okvirne širine zona sigurnosti nadzemnih srednjenaponskih dalekovoda su:	
nazivni napon dalekovoda	širina područja sigurnosti
4. 35 kV	15 m
5. 10 (20) kV	10 m

Izuzetno, može se odobriti izgradnja objekata namjenjenih stanovanju ili boravak ljudi u zaštitnom pojasu dalekovoda, pod uslovima koje odredi nadležni nezavisni operator sistema u Bosni i Hercegovini (NOS) za visokonaponsku mrežu ili nadležni operator distribucijskog sistema (ODS) za srednjenaponsku mrežu.

Član 45. (Plinovodna infrastruktura)

Magistralni plinovodi se projektiraju i izvode u skladu s važećim propisima „Pravilnik o tehničkim uslovima i normativima za siguran transport tekućih i gasovitih ugljikovodika magistralnim naftovodima i gasovodima i naftovodima i gasovodima za međunarodni transport“, prema BAS EN 1594, te drugoj važećoj tehničkoj regulativi za magistralne plinovode i plinovode s radnim tlakom većim od 16 bar-a.

Plinifikacija općine Tešanj je planirana i definirana u sklopu projekta izgradnje transportnog plinovoda (Bosanski) Brod – Zenica, čija je implementacija bila predviđena još devedesetih godina prošlog stoljeća.

Projekt Brod - Zenica je i dalje aktuelan u BH-Gasu i uvršten je u razvojne strateške dokumente BiH / Federacije BiH: Okvirna energetska strategija BiH do 2035 iz 2018 god., Strateški plan i program razvoja energetskog sektora Federacije BiH iz 2009. god., te aktuelni Program javnih investicija Federacije BiH 2020 - 2022.

Projekt je uvršten u usvojenu Prostornu osnovu Prostornog plana Federacije BiH za period 2008.-2028., a relevantni podaci o projektu su uobzireni i pri izradi Prostornog plana posebnih obilježja na Koridoru VC - PPPPO „Koridor V-C“.

Planirana interkonekcija Brod - Zenica prolazi kroz općinu Tešanj i proteže se zapadnom stranom općine, prolazeći kroz naseljena mjesta Trepče i Šije.

Plinifikacija općine Tešanj je planirana i vezivanjem buduće trase plinovoda kroz općinu Tešanj za planirani magistralni plinovod Slavonski Brod – Derventa – Modriča - Doboj – Teslić, koji prelazi preko općine Tešanj. Trasa ovog plinovoda prikazana u grafičkom prilogu je preuzeta iz Prostornog plana Republike Srpske do 2015. godine.

Ova mogućnost je zadržana i u ovom Prostornom planu.

Uraditi idejni projekt kojim bi se definirala lokacija odvojka s magistralnog plinovoda i trase kroz općinu Tešanj.

Imajući u vidu prednosti plina kao energenta, očekuje se da će privredni subjekti na području općine Tešanj iskazati interes za priključenje na planirani magistralni plinovod, prije svega za potrebe alternativnog načina grijanja u općini Tešanj.

Trasa magistralnog plinovoda prikazana u Prostornom planu predstavlja planski koridor, dok će se njena konačna trasa utvrditi kroz izradu projektne dokumentacije i postupke propisane posebnim propisima. Nakon utvrđivanja konačne trase, korištenje prostora izvan zaštitnog pojasa plinovoda odobrava se u skladu sa odredbama ovog Prostornog plana i posebnim propisima.

Član 46. (Zaštitni pojas magistralne mreže plinovoda)

Širina zaštitnog pojasa magistralnog plinovoda iznosi po 30 metara s jedne i s druge strane, računajući od osovine plinovoda.

U zaštitnom pojasu magistralnog plinovoda, nakon izgradnje istog, zabranjeno je graditi stambene zgrade namijenjene stanovanju ili boravku ljudi, bez obzira na stepen sigurnosti izgrađenog plinovoda i bez obzira na razred pojasa plinovoda.

Iznimno od prethodnog stava, zgrade namijenjene stanovanju ili boravku ljudi mogu se graditi u pojasu užem od 30 metara, ako je gradnja već bila predviđena dokumentima prostornog uređenja prije projektiranja plinovoda i ako se primijene posebne zaštitne mjere pod uvjetima koje odredi nadležno preduzeće za upravljanje plinovodom, s tim da najmanja udaljenost stambene zgrade od plinovoda mora biti:

6. za promjer plinovoda do 125 mm	10 m,
7. za promjer plinovoda od 125 mm do 300 mm	15 m,
8. za promjer plinovoda od 300 mm do 500 mm	20 m,
9. za promjer plinovoda veći od 500 mm	30 m.

U pojasu širokom 5 metara s jedne i s druge strane, računajući od osovine plinovoda, zabranjeno je saditi biljke čije korijenje raste dublje od 1 metra, odnosno za koje je potrebno obrađivati zemljište dublje od 0,5 metra.

Član 47. **(Termoenergetska infrastruktura)**

Smanjiti potrošnju energije od fosilnih goriva, primjenom principa energijske efikasnosti, ugradnjom toplinske izolacije i nove stolarije, prvenstveno u objektima javne namjene.

Revitalizirati cijelu vrelovodnu mrežu, odnosno stare dijelove sistema po prioritetu i mogućnosti mijenjati novijim i efikasnijim dijelovima.

Prema Investicionom elaboratu ulaganja u kotlove sa pogonom na drvenu biomasu, izvršiti rekonstrukciju „Toplane“ uz izgradnju toplovodnog kotla na biomasu snage 8 MW, koji bi radio zajedno sa postojećim vrelovodnim kotlovima, paralelno ili pojedinačno.

Izvršiti redovne zamjene plameno-dimnih i ekranskih cijevi vrelovodnog kotla, čime će se povećati njegov radni vijek.

Promijeniti i pogonski režim toplifikacije toplane u 110/65 °C.

Postojeći vrelovodni kotao redovnim remontima održavati u dobrom stanju.

Pristupiti realizaciji projekta izgradnje energane u naselju Jelah (Glinište), kao i izgradnji vrelovodne mreže prema Idejnom projektu toplifikacije općine Tešanj.

Proširiti obuhvat toplifikacije daljinskog sistema grijanja;

U slučaju napredovanja izgradnje magistralnog plinovoda kroz općinu Tešanj, planirati mogućnost upotrebe zemnog plina u centralnom sistemu daljinskog grijanja.

U cijeloj općini Tešanj podržati izgradnju centralnih sistema grijanja koji bi obuhvatili veći broj objekata, kako bi se smanjio broj privatnih dimnjaka.

7. Saobraćajna infrastruktura

Član 48. **(Kategorizacija javnih cesta)**

Zakonom o cestama Federacije BiH, javne ceste se ovisno o njihovom društvenom, privrednom i teritorijalnom značaju, razvrstavaju na autoceste, brze, magistralne, regionalne i lokalne ceste, te saobraćajnice u naseljima.

Kolovoz ulica u naseljima i gradovima, kroz koje prolaze javne ceste, smatraju se dijelovima tih cesta.

Član 49. **(Cestovna infrastruktura)**

Na području općine Tešanj registrovana je sljedeća cestovna infrastruktura:

- Autocesta A1 (Svilaj-Sarajevo–Bijača) u dužini od 16,75 km;
- Magistralna cesta M17 u ukupnoj dužini od 3,55 km;
- Magistralna cesta M4 u ukupnoj dužini od 12,78 km;
- Regionalne ceste 474 (Granica entiteta – Jelah-Tešanj-Novi Šeher-Ozimica) u dužini od 24,3 km;
- Lokalne ceste,
- Nerazvrstane ceste.
-

Član 50. **(Širina zaštitnog cestovnog pojasa)**

Zaštitni pojas uz javne ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite javne ceste i sigurnosti saobraćaja na njoj od štetnih uticaja i različitih aktivnosti u prostoru pored javne ceste.

Zaštitni pojas u smislu stava 1.ovog člana mjeri se od vanjskog ruba cestovnog pojasa, tako da je u pravilu

širok sa svake strane :

- Autoceste 40m
- brze ceste 30m
- magistralne ceste 20m
- regionalne ceste 10m
- lokalne ceste 5m

Izuzetno od stava 2.ovog člana na urbanim područjima (sa režimom gradnje I i II stepena) zaštitni cestovni pojas utvrđuje se odgovarajućim planskim dokumentom.

U dijelovima naselja (sa režimom gradnje III i IV stepena) zaštitni cestovni pojas utvrđuje se urbanističkom saglasnošću ili lokacijskom informacijom, odnosno odobrenjem za građenje, a u skladu sa Zakonom o cestama i odredbama koje se utvrđuju ovom odlukom.

Unutar zaštitnih pojaseva mogu se graditi drugi objekti od javnog interesa (vodovodi, dalekovodi, gasovodi, itd.), te odmorišta/parkirališta, moteli, benzinske pumpe i drugi objekti kojim se opslužuju korisnici cestovne infrastrukture.

U postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar zaštitnog pojasa javne ceste, organ nadležan za prostorno uređenje obavezan je zatražiti prethodnu saglasnost, odnosno odobrenje od nadležnog upravitelja ceste.

Član 51.

(Širina zaštitnog pojasa na izgrađenim prostorima)

Širina koridora za javne ceste unutar izgrađenih dijelova, građevinskih područja i područja zaštićenih dijelova prirode određuje se prema posebnim propisima i uslovima nadležnih upravnih tijela ovisno o kategoriji ceste i kategoriji zaštite dijela prirode.

Građenje objekata iz predhodnog člana, stav 1. alineja 2. ove odluke može se dozvoliti na građevinskoj liniji javne ceste, osim autoceste ukoliko je to predviđeno usvojenom prostorno planskom dokumentacijom.

Ukoliko za naseljeno mjesto nije usvojena prostorno planska dokumentacija, odnosno ako nije riješeno plansko priključivanje novih objekata na postojeće magistralne, regionalne i lokalne ceste, ne može se odobriti nikakva gradnja u zaštitnom pojasu tih cesta.

Građevine koje će se graditi uz autocestu, magistralnu, regionalnu ili lokalnu cestu, ne smiju biti na udaljenosti manjoj od udaljenosti određene propisima o javnim cestama.

Član 52.

(Priključak i prilaz na javnu cestu)

Priključak i prilaz na javnu cestu može se izvesti samo na osnovu odobrenja upravitelja cesta.

Priključke na javnu cestu treba riješiti, gdje god je to moguće preko internih zajedničkih saobraćajnica.

Član 53.

(Telekomunikaciona infrastruktura)

Sve telekomunikacijske veze (mrežni kablovi, koaksijalni kablovi i dr.) u pravilu se trebaju polagati u koridorima postojeće ili planirane saobraćajne ili druge infrastrukture.

U urbanim područjima izgradnja TT vodova se vrši podzemno, a na ostalom građevinskom zemljištu može i nadzemno.

U oblasti mobilnih telekomunikacija u planskom periodu završiti 99 % pokrivanje signalom 4G mreže, te omogućiti izgradnju 5G mreže. Ova mobilna mreža zajedno sa izgradnjom optičke mreže do kraja planskog perioda omogućit će svim domaćinstvima pristup brzinom do 100 Mbit/s.

U oblasti zemaljske televizije (TV kuće) uvesti emitiranje digitalnog televizijskog signala kao televizije visoke rezolucije.

Kablovski operateri do kraja planskog perioda, kroz infrastrukturu koja će se bazirati na optičkim kablovima, trebaju omogućiti pristup govornim servisima, prenosu slike i podataka za sva domaćinstva na prostoru općine.

Poštansku infrastrukturu razvijati na način da se izgradnjom poštanskih jedinica priđe što bliže korisniku.

Član 54.
(Zaštita telekomunikacione infrastrukture)

Djelatnost telekomunikacija Bosne i Hercegovine regulisana je Zakonom o komunikacijama Bosne i Hercegovine, a nadzor i zaštitu nad radom telekomunikacijskih preduzeća obavlja Regulatorna agencija za komunikacije Bosne i Hercegovine koja u sklopu svog djelovanja donosi pravila telekomunikacijskih preduzeća i uspostavlja kriterije koji se prilikom izgradnje i rada moraju poštovati.

Član 55.
(Emisija elektromagnetnog zračenja)

Članom Zakona o komunikacijama Bosne i Hercegovine, br. 94/2021, propisani su uslovi o zaštiti elektromagnetnih polja u frekencijskom opsegu od 9kHz do 300 GHz i posebnim uslovima upotrebe nepokretnih radio stanica koji odašilju radio signal.

Član 56.
(Zaštita telekomunikacione infrastrukture)

Potrebno je osigurati zadržavanje izgrađene telekomunikacijske infrastrukture i omogućiti daljnu izgradnju infrastrukture na cijelom području općine Tešanj, sve u skladu s Zakonom o komunikacijama Bosne i hercegovine, njegovim propisima i potrebama korisnika, prateći potrebe za gospodarskim razvojem pojedinih sredina.

8. Privreda i turizam

Član 57.
(Privredno-poslovne zone)

Površine za smještaj privrednih i poslovnih objekata i pratećih sadržaja utvrđuju se kao privredno - poslovne zone u granicama urbanih područja ili kao izdvojena građevinska zemljišta izvan urbanih područja. Građevinska zemljišta utvrđena ovim Prostornim planom kao veće izdvojene planirane i postojeće privredno – poslovne zone su:

R.B.	NAZIV POSLOVNE ZONE	POVRŠINA (m ²)	PROCENAT	STATUS
1.	Bukva-Vila	54,12	28,32 %	postojeće
2.	Medakovo	33,23	13,70%	planirano
3.	Mrkotić	6,73	2,80 %	planirano
4.	Glinište-Ciglana	52,85	21,80 %	postojeće
5.	Ekonomija	10,71	4,40 %	postojeće
6.	Ribarska	56,82	23,50 %	planirano
7.	Ljetinić	12,14	5,00 %	planirano
8.	Ljetinić 2	15,47	6,40 %	planirano
UKUPNO:		242,07	100 %	

Član 58.
(Granice privredno-poslovnih zona)

Prostornim planom utvrđuje se obaveza izrade detaljnih planskih dokumenata za sve privredne i poslovne zone i komplekse navedene u prethodnom članu.

Precizne granice privrednih i poslovnih zona i kompleksa biće definisane detaljnim planskim dokumentima, a do njihovog donošenja primjenjivaće se odredbe ove odluke.

Član 59. **(Uslovi za smještaj privrednih djelatnosti)**

U cilju zaštite prostora i okoliša privredne djelatnosti smještene u utvrđenim privredno-poslovnim zonama treba da ispune slijedeće:

- racionalno korištenje prostora, u cilju bolje iskoristivosti postojećih površina namijenjenih ovim djelatnostima, kako bi se spriječilo neopravdano zauzimanje novih površina;;
- primjena savremenih tehnologija koje ne zagađuju okoliš;
- zadovoljavanje zakonom propisanih mjera zaštite okoliša (obaveza poduzimanja mjera zaštite zraka, tla, vode, mjera zaštite od mirisa i buke, i sl.);
- kontinuirano vođenje aktivnosti u cilju smanjenja zagađenja okoliša.

13. Društvena infrastruktura

Član 60. **(Društvena infrastruktura)**

U cilju omogućavanja i podsticanja razvoja ljudskih resursa, kao i u cilju obezbjeđenja uvjeta za normalno funkcioniranje naselja i njihovih dijelova, u okviru izgradnje i uređenja urbanih područja i općenito napretka unutar jedne zajednice, neophodno je obezbijediti izgradnju objekata društvene infrastrukture i urbane opreme (obrazovanje, nauka, kultura, turizam, sport i fizička kultura, zdravstvo, socijalna zaštita, vjerski objekti, objekti dnevnog i povremenog snabdijevanja, usluge, servisi, zelene i rekreativne površine i sl.) u skladu sa opredjeljenjima iz Prostornog plana.

Izgradnju objekata društvene infrastrukture i urbane opreme planirati unutar urbanih područja u skladu sa njegovim centralitetom, vodeći računa o uvjetima gravitacije, kao i radijusu opsluživanja (udaljenosti korisnika) i u skladu sa opredjeljenjima Prostornog plana.

Prostornim planom su uspostavljeni ciljevi razvoja društvene infrastrukture u pojedinačnim oblastima na teritoriji općine, a detaljnim dokumentima prostornog uređenja je neophodno dati prijedloge lociranja objekata društvene infrastrukture i urbane opreme uz poštivanje Prostornim planom utvrđenih ciljeva i uspostavljenih centraliteta u odnosu na korisnike.

Član 61. **(Otvorena strelišta)**

Potencijalni lokaliteti za izgradnju otvorenih strelišta utvrđuju se na lokalitetima Kahvica, Karadaglije i Raduša, u skladu sa grafičkim dijelom Prostornog plana.

Izgradnja i korištenje otvorenih strelišta može se odobriti isključivo na osnovu planske dokumentacije, uz ispunjavanje uslova propisanih posebnim propisima iz oblasti prostornog uređenja i građenja, zaštite okoliša te propisima kojima se uređuje osnivanje i rad civilnih strelišta. Prije odobravanja izgradnje obavezno je pribaviti saglasnost nadležnog kantonalnog ministarstva unutrašnjih poslova, kao i druge saglasnosti i odobrenja propisana posebnim zakonima. Lokacija strelišta mora biti planirana na način kojim se osigurava zaštita života i zdravlja ljudi, imovine, okoliša, infrastrukture i drugih prostora od posebnog značaja.

Član 62. **(Lovački domovi, lovačke kuće i čeke)**

Lovačke kuće/čeke su lovno-tehnički objekti, čije su lokacije i način postavljanja definisani kroz Lovno-privredne osnove, koje se rade za svako od lovnih područja. Lovno-privredne osnove rade se za period od deset godina. Uz lovno-privrednu osnovu se obavezno radi godišnji plan gospodarenja kako bi se utvrdio stepen stepen realizacije.

Lovno - tehnički objekti se instaliraju na period od deset godina, a sve ide po javnom pozivu Ministarstva za poljoprivredu, vodoprivredu i šumarstvo čija je ovo i nadležnost.

Za razliku od lovačkih kuća / čeka, lovački domovi obavezno moraju biti na građevinskom zemljištu, jer je riječ o trajnim objektima sa svom pratećom infrastrukturom.

14. Kulturno-historijsko i prirodno naslijeđe

Član 63.
(Objekti i područja kulturno-historijskog naslijeđa)

Prostornim planom utvrđuju se objekti i područja kulturno-historijskog naslijeđa iz različitih historijskih perioda koje treba zaštititi, a ovisno o utvrđenom stanju ovog naslijeđa neophodno je provoditi mjere zaštite od strane nadležnih institucija.

Značajni objekti i područja kulturno-historijskog naslijeđa na području općine Tešanj, koja je potrebno zaštititi hronološki pripadaju različitim historijskim periodima, utvrđenim u tekstualnom i grafičkom dijelu Prostornog plana, kao i ovom odlukom:

Prahistorijski period**Paleolit**

Red. Br.	Spomenik ili spomenička cjelina, arheološki lokalitet	Lokacija	Opis	Valorizacija	Trenutno stanje	Tip intervencije
1.	Križanovo brdo (Redalje)	Medakovo, K.O. Medakovo 1239, 1238710, 1238/11	Pronađene su brojne rožnjačke alatke na površini, na osnovu obrade može se zaključiti da se radi o musterijskim (retuširanim) alatkama.	Lokalitet su 2018. g. otkrili MA arheologije Ago Mujkanović Miralem Mulabdić, a u rekognosciranjima je učestvovao i Admir Agić.	Lokalitet je obrastao šumom i nalazi se nedaleko od kuća, trenutno mu ne prijeti opasnost od uništavanja.	Obzirom da se radi o mjestu gdje su boravili lovci i gdje su izrađivali svoje alatke, dobro bi bilo u budućnosti uraditi manje sondažno istraživanje.
2.	Šljivice	Trepče K.O. Trepče 722/1, 722/2, 722/3, 722/4 723, 724, 726/4, 721/1, 721/2, 721/3, 193/1	Na površini su vidljivi brojni tragovi lomljene litike, kao i tragovi poluobrađenih kamenih alatki, očito je da se radi o paleolitskoj radionici.	Lokalitet su 2019. g. otkrili MA arheologije Ago Mujkanović i Admir Agić.	Lokalitet je djelimično oštećen izgradnjom puteva prema Trebačkom brdu i putem koji spaja Trepče i Kosovu, te oranjem na jednom dijelu.	Obzirom da se u budućnosti planira spajanje ova dva naselja i dvije općine asfaltnim putem, tokom radova treba obezbijediti stručni arheološki nadzor.
3.	Selište	Medakovo K.O. Medakovo 1076/2, 1076/3, 1076/4, 1076/8, 1073/1, 1073/3, 1074/5, 1074/7	Nalazište se nalazi nedaleko od Bijelog potoka, na brijegu elipsoidnog oblika. Đuro Basler je ovo nalazište datirao u paleolitsko doba.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988. i <i>Prahistoriji jugoslovenskih zemalja I</i> , Sarajevo 1979. g.	Dio lokaliteta se obrađuje, a dio je obrastao šumom. Spiranjem se otkrivaju jezgre, alatke i otkrhc nastali tokom obrade.	NAPOMENA: Lokalitet se nalazi u KO Medakovo a ne KO Trepče kako se navodi u literaturi. Neophodno je povremeno vršiti obilazak terena tokom poljoprivrednih radova i obaviti razgovor s vlasnicima parcela.

4.	Veliki Majdan/ Trebačko brdo	Trepče K.O. Trepče k.č. 703/1, 703/3	Lokalitet je evidentiran 1974. g. kada je na njemu pronađen reprezentativan musterijanski šiljak.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988. i <i>Prahistoriji jugoslovenskih zemalja I</i> , Sarajevo 1979. g.	Lokalitet je uništen tokom eksploatacije kamenja. Ostali dio lokaliteta je istražen tokom 2020. i 2021. godine od strane Instituta za arheologiju iz Sarajeva, prema zahtjevu koncesionara firme AB Trans Tešanj.	Neophodno je izvršiti rekognosciranja i utvrđivanje tačnog pojasa zaštite ovog lokaliteta na samom vrhu Trebačkog brda, te prema Šljivicama i Konjskom brdu. Općina Tešanj bi posebno trebala da zaštiti ovaj lokalitet jer je on od ogromnog značaja za najstariji period ljudskog života na ovom prostoru.
5.	Krčevina	Trepče K.O. Trepče 726/1, 1874, 1875	Lokalitet je otkriven tokom terenskih rekognosciranja. Na površini su primjetni brojni tragovi litičke lomljevine. Lokalitet se nalazi na nekadašnjoj trasi starog drumca, nedaleko od naselja Šljivice.	Lokalitet su rekognoscirali i otkrili MA arheologije Ago Mujkanović i Admir Agić tokom 2019.g.	Lokalitet je nekada u prošlosti iskrcen i sada je obrastao travom i nižim rastinjem, ne prijeti mu opasnost od uništavanja.	Neophodno je povremeno obilaziti teren i obaviti razgovor s vlasnikom parcele s ciljem preventivne zaštite arheološkog lokaliteta.
6.	Dubalj	Novo Selo K.O. Novo Selo 1006, 1009/1, 1009/2, 1010, 1110	Na širokom prostoru, na površini se nalaze djelovi litičke lomljevine i alatke.	Lokalitet su 2019. g. evidentirali MA Arheologije Ago Mujkanović i Miralem Mulabdić.	Lokalitet se svake godine ore i većim dijelom je poremećen kontekst arheoloških nalaza.	Neophodno je svake godine prilikom poljoprivrednih radova obilaziti lokalitet i obaviti razgovor s vlasnikom parcele s ciljem preventivne zaštite.

Neolit

Red. Br.	Spomenik ili spomenička cjelina, arheološki lokalitet	Lokacija	Opis	Valorizacija	Trenutno stanje	Tip intervencije
7.	Stjenčice	Šije K.O. Šije k.č. 642, 643/1, 643/2, 643/3, 643/4 i 1/1 Debela meja-K.O. Kosova/Maglaj	Lokalitet je tokom 1960. i 1961. g. istraživao Alojz Benac.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.	Lokalitet je tokom rata oštećen izgradnjom tranšea, a u novije vrijeme na ovom lokalitetu je formirano više deponija smeća. Jedan dio lokaliteta se ore, što uveliko oštećuje arheološke slojeve.	Neophodno je u sараdњи s mjesnom zajednicom Šije spriječiti dalje uništavanje lokaliteta formiranjem divljih deponija, te obaviti razgovor s vlasnicima parcela koje se obrađuju u cilju preventivne zaštite.

8.	Krčevine	Medakovo K.O. Medakovo k.č. 481/1	Pronađene su brojne litičke alatke kao i neolitski kameni žrvanj za žitarice i glačana sjekira od kamena.	Tokom 2018.g. lokalitet su rekognoscirali i otkrili Miralem Mulabdić i MA arheologije Ago Mujkanović, a u rekognosciranjima lokaliteta učestvovali su još i Elvedin Kokić i Admir Agić.	Lokalitet se svake godine obrađuje, a prilikom tih radova izbacili se veliki broj arheoloških artefakata. U jednom dijelu njive nalazila se i kuća nekadašnjeg tešanskog gradonačelnika Mehmeda Lalića.	Obzirom da se radi o njeni koja je vlasništvo općine Tešanj, Općina kao vlasnik bi trebala da obavještava Muzej o eventualnim radovima na ovoj parceli.
9.	Veliko brdo	Kalošević K.O. Kalošević k.č. 527/1, 526, 525/2, 441, 439, 438, 437, 436, 435/1, 435/2, 435/3, 434/4, 431/1, 431/4, 430, 442	Pronađen litički materijal iz neolitskog perioda, te tragovi kućnog lijepa i neolitske keramike.	Arheološka istraživanja vršio Alojz Benac. Nova terenska rekognosciranja izvršio MA arheologije Ago Mujkanović tokom 2018. godine.	Lokalitet je obrastao šumom, te zbog toga nije ugrožen.	Neophodno je povremeno vršiti rekognosciranja lokaliteta u jesenjem i proljetnom periodu.
10.	Malo brdo	Kalošević K.O. Kalošević k.č. 387/1, 387/2, 422, 421, 423, 420, 419, 417, 418	Pronađen litički materijal iz neolitskog perioda, te tragovi kućnog lijepa i neolitske keramike.	Arheološka istraživanja vršio Alojz Benac. Nova terenska rekognosciranja izvršio MA arheologije Ago Mujkanović tokom 2018. godine.	Lokalitet je obrastao šumom, i samo manji dio se obrađuje.	Neophodno je povremeno vršiti rekognosciranja lokaliteta u jesenjem i proljetnom periodu

Bronzano doba

Red. Br.	Spomenik ili spomenička cjelina	Lokacija	Opis	Valorizacija	Trenutno stanje	Tip intervencije
11.	Paklenica	Tešanj K.O. Tešanj I 1153/1, 1153/2, 1337/1, 1337/2, 1156	Na ovom brdu pronađena je ostava iz kasnog pronzanog doba, koja se danas čuva u Zemaljskom muzeju BiH. Zemljanim radovima razorena tri groba sa bogatim bronzanim priložima: mač, kelt, brijač, ukrasno dugme, igle, pinceta i sl. Svi prilozi su bogato ukrašeni urezanim geometrijskim motivima. Takođe ispod samog nalazišta nalazi se poznata Kudret voda.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988. i <i>Prahistoriji jugoslovenskih zemalja</i> , IV, Bronzano doba, Sarajevo 1983. g.	Lokalitet je obrastao u šikaru, jedan dio je uništen izgradnjom predajnika, a jedan poljoprivrednim radovima.	Obzirom da se radi o grobištu u budućnosti bi se trebala izvršiti geofizička snimanja, kako bi se utvrdile pozicije ostalih grobova. Osim toga smanjio bi se i opseg zaštite na daleko manji prostor, obzirom da je Paklenica jako veliki prostor.

12.	Grič	Hrvatinići K.O. Tešanj II k.č. 58, 60, 65, 98, 111, 114/4	Arheološka istraživanja su provedena na tri mjesta, plato gradine, potkapina i Vilina vrata (potkapina). Pronađen je brojni litički i koštani materijal, kao i mnoštvo dijelova keramičkih posuda, pršljenci, te veliki čup. Tokom 2020.g. u podnožju gradine otkriven je bronzani kelt (sjekira) manjih dimenzija.	Lokalitet je 2014.g. otkrio Ago Mujkanović, nakon čega su objavljena arheološka istraživanja. Objavljena je i knjiga pod naslovom <i>Grad u bronzi, 2015.g.</i> , autora Aleksandra Jašarevića i Ernada Prnjavorca.	Lokalitet je obrastao u šumu i rastinje. Nije ugrožen izgradnjom, ispod samog Griča nalazi se više potkapina koje su korištene za stanovanje i druge namjene u različitim periodima.	Neophodno je završiti iskopavanja u potkapini ispod Griča, gdje je otkriven jedan od najvećih pitosa na tlu BiH, trenutno je iskopana samo 1/3 ove potkapine.
13.	Stražba	Mrkotić K.O. Mrkotić k.č. 196, 216, 219/1, 223/3, 226, 206, 207, 225/1, 205	Gradinsko naselje iz bronzanog doba. Tokom juna 2019.g. provedena su probna arheološka istraživanja. Pronađeni su dojelovi posuda, tragovi topljenja metala, te litički materijal.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988. Tokom 2019. godine Muzej Tešanj je u saradnji s Institutom za arheologiju organizovao arheološka istraživanja.	Lokalitet je obrastao, nije ugrožen urbanizacijom.	Obzirom da se najveći dio gradine nalazi na parceli koja je u vlasništvu Općine Tešanj neophodno je izvršiti zaštitu i u slučaju eventualnih radova neophodno je obezbijediti arheološki nadzor.
14.	Tepe	Kalošević K.O. Kalošević k.č. 4, 6, 8, 9, 744, 745, 748, 750, 751	Gradinsko naselje iz kasnog bronzanog doba. Rekognoscira njem je ustanovljeno da se radilo o jako prostranom naselju i tom prilikom su pronađeni dijelovi keramičkih posuda i dio kamenog žrvnja.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988., a detaljnije informacije o ovom lokalitetu su objavljene u knjizi <i>Grad u bronzi, 2015.g.</i> , autora Aleksandra Jašarevića i Ernada Prnjavorca.	Lokalitet je obrastao šumom, u jednom dijelu se nalazi deponija smeća.	Neophodno je u saradnji s mjesnom zajednicom i vlasnicima parcela zaštititi lokalitet od formiranja divljih deponija.
15.	Srpska Varoš	Tešanj K.O. Tešanj Sve čestice koje se nalaze na području Srpske Varoši.	Nalazište/ostava iz bronzanog doba	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.	Radi se o urbanom području/naselju.	Prilikom građevinskih radova neophodno je obezbijediti arheološki nadzor.
16.	Gradina	Putešić K.O. Mrkotić k.č. 1466/1 (dio parcele), 1462, 617, 609, 582	Gradinsko naselje iz bronzanog doba. Pronađeni su brojni nalazi keramičkih posuda i dijelovi litike.	Lokalitet su u novembru 2021. godine otkrili MA arheologije Ago Mujkanović, Admir Agić, Elvedin Kokić i Samir Hatkić	Radi se o području obraslo šumom i rastinjem.	U budućnosti je neophodno izvršiti sondažna istraživanja kako bi se utvrdila stratigrafija arheoloških nalazišta.

Bakarno doba – eneolit

Red. Br.	Spomenik ili spomenička cjelina	Lokacija	Opis	Valorizacija	Trenutno stanje	Tip intervencije
17.	Popov hendek	Tešanj K.O. Tešanj II k.č. 238/1, 244, 245, 239, 240, 243/1, 242 k.č. 150/1,151, 152,233/1, 234/1, 234/2, 235, 237/1, 237/4, 238/1, 238/2, 239, 240, 242, 243/3/1, 244, 245,246, 247/2	Pronađena je prahistorijska ostava koja je sadržavala tri sjekire tipa Kladari. Ovi nalazi se čuvaju u Zemaljskom muzeju BiH.	Lokalitet je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.	Radi se o području obraslom šumom i rastinjem.	Prilikom građevinskih radova neophodno je obezbijediti arheološki nadzor.

Rimski/antički period

Red. Br.	Spomenik ili spomenička cjelina	Lokacija	Opis	Valorizacija	Trenutno stanje	Tip intervencije
1.	Kučerine	Jelah Polje K.O. Novi Miljanovci 1331/1, 1332, 274, 276	Prilikom oranja otkriveni su temelji rimske vile. Prilikom rekognosciranja terena 2019.g. pronađeno je više komada rimske opeke, crijepa, te rimske keramike.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet se nalazi na oranici, te se prilikom oranja izorava bogat arheološki materijal.	Ovo naselje/vilu bi trebalo zaštititi obzirom da je jedino ovakvog tipa na području općine Tešanj. Iskopavanjima bi se moglo pretvoriti u turističku atrakciju.

Srednji vijek

Red. Br.	Spomenik ili spomenička cjelina	Lokacija	Opis	Valorizacija	Trenutno stanje	Tip intervencije
1.	Obrovac	Medakovo K.O. Medakovo k.č. 787/1, 787/2,785	Usamljeni stećak u obliku sljemenjaka, izuzetno dobro obrađen. Rekognoscira njima ovog lokaliteta u jesen 2019. ustanovljeni su ostaci srednjovjekovne keramike iznad stećka, vjerovatno se radi o ostacima srednjovjekovnog naselja.	Stećak je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g., te u radovima Šefika Bešliagića, <i>Stećci centralne Bosne</i> , Sarajevo 1967. i <i>Stećci, Kataloško-topografski pregled</i> , Sarajevo 1971.	Stećak se nalazi u jako dobrom stanju.	Povremeno čišćenje i održavanje.
2.	Ibrahimkadići	Medakovo K.O. Medakovo k.č. 357,358, 359/1, 360, 364, 365, 366	Tokom građevinskih radova, pronađen grob sa priložima. Ostala je sačuvana polovina mača.	Lokalitet je zabilježen u katalogu Jasmina Mandžukića i <i>Mensure Mujkanović, Stećci u okolini Tešnja</i> , Tešanj 2016.	Lokalitet je uništen izgradnjom štale za goveda.	xxxxxxxxx

3.	Divsko groblje (Hrašće)	Trepče K.O. Trepče 1716/2, 1718	Na ovom lokalitetu nalazi se više stećaka od konglomerata, jedan od njih je okrenut bočno, vjerovatno uslijed djelovanja „tragača za blagom“.	Stećak je zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g., te u radovima Šefika Bešlagića, <i>Stećci centralne Bosne</i> , Sarajevo 1967. i <i>Stećci, Kataloško-topografski pregled</i> , Sarajevo 1971.	Lokalitet je Obrastao šumom i rastinjem.	Čišćenje i održavanje.
4.	Podbonce/Greblje	Trepče K.O. Trepče k.č. 1112	U zaseoku Zlatići u lokalnom greblju nalazi se više stećaka izrađenih od konglomerata, neki od njih su utonuli u zemlju.	Lokalitet je zabilježen u knjizi Kemala Ljevkovića, <i>Od Trebića do Trepča</i> , Tešanj 2006.	Lokalitet se nalazi na lokalnom mezaristanu.	Redovno se održava.
5.	Bridje/Zlatići	Trepče K.O. Trepče k.č. 1551, 1568/1, 1572/1	Lokalitet je evidentiran od strane uposlenika JU Muzej Tešanj. Stećci su izrađeni od konglomerata.	Lokalitet je zabilježen u katalogu Jasmina Mandžukića i Mensure Mujkanović, <i>Stećci u okolini Tešnja</i> , Tešanj 2016.	Nekropola je uređivana i otkrivena je većina stećaka, mada ih ima još dosta koji se naziru na površini, a koji nisu opkopani.	Neophodno je očistiti nekropolu i izvršiti opkopavanje ostalih stećaka.
6.	Bogumilska šuma	Jablanica K.O. Jablanica k.č. 510	U narodu je od prije poznato da je na ovom mjestu bilo više stećaka, koji su uništeni tokom izgradnje puta. Zadnji stećak nalazi se pored džamije u Jablanici i tokom zadnjeg rata pogođen je granatom. Prije rata korišten je kao mejtaš.	Lokalitet je zabilježio Ago Mujkanović tokom 2015.g.	Stećci na ovom lokalitetu su uništeni tokom izgradnje puta, a zadnji stećak uništen granatom tokom zadnjeg rata.	*
7.	Džinsko greblje na Ogradici	Šije K.O. Šije k.č. 1720/1, 1720/2	Tokom oranja pronalažene su ljudske kosti. Arheolog Branko Belić je ovo nalazište datirao u kasni srednji vijek.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet se nalazi u dvorištu.	Redovno se održava.
8.	Visovi	Šije K.O. Šije k.č. 1152/1	Donedavno su se na ovom mjestu nalazila tri stećka, koje su Šefik Bešlagić i Nada Miletić datirali u kasni srednji vijek.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Nadgrobni spomenici su uništeni.	Obaviti razgovor s vlasnikom parcele. U slučaju otkrivanja skeletnih ostataka da obavijesti Muzej.

9.	Humac	Tešanj K.O. Tešanj I, k.č. 1079/1 (kod stadiona u Ošvama – dio parcele)	Srednjovjekovna nekropola otkrivena tokom 2020.g. nalazi se nedaleko od granice općine Maglaj. Kod stadiona u Ošvama.	Lokalitet je 2020.g. otkrio Enver Bešo, a evidenciju je obavio Ago Mujkanović.	Lokalitet je obrastao šumom i rastinjem.	Izvršiti čišćenje nekropole.
10.	Vis	Jevadžije K.O. Jevadžije k.č. 113/8, 113/2, 116	Nedaleko od zgrade MZ nalazi se jedan usamljeni stećak u obliku sanduka, izrađen od konglomerata. Prema svjedočanstvima , na ovom mjestu je bilo više stećaka koji su uništeni izgradnjom puta, zgrade MZ i rezervoara za vodu.	Ovaj lokalitet je otkrio 2014.g. Ago Mujkanović, evidentiran je u katalogu Jasmina Mandžukića i Mensure Mujkanović, <i>Stećci u okolici Tešnja</i> , Tešanj 2016.g.	Stećak je obrastao u ostruge i rastinje.	Izvršiti čišćenje nekropole
11.	Karamut/Spomen obilježje	Raduša K.O. Raduša k.č. kod spomen obilježja 2877/1 (cesta)	Srednjovjekovna nekropola stećaka. Na osnovu sačuvanih dijelova moguće je utvrditi da su stećci bili u obliku sanduka. Izrađeni su od konglomerata, koji se brzo osipa uslijed djelovanja atmosferskih prilika.	Lokalitet je 2018.g. evidentirao Ago Mujkanović. Na nekropolu je ukazao Edin Hadžalić iz Raduše.	Nekropola je uređenja i nalazi se u sastavu spomen obilježja.	Redovno se održava.
12.	Šišića brdo	Raduša K.O. Raduša k.č. 669, 670	Srednjovjekovna nekropola stećaka. Na vrh brijega sačuvan je jedan stećak u obliku sanduka.	Lokalitet je 2018.g. evidentirao Ago Mujkanović. Na nekropolu je ukazao Edin Hadžalić iz Raduše.	Lokalitet se nalazi u dvorištu.	Redovno se održava.
13.	Omahića greblje	Raduša /Dolac K.O. Raduša k.č. 2105	Srednjovjekovna nekropola stećaka, koja se nalazi unutar Omahića greblja.	Lokalitete je 2018.g. otkrio Muris Prnjavorac iz Tešnja, a evidentirao ga Ago Mujkanović.	Lokalitet se nalazi na Omahića greblju.	Povremeno se održava.
14.	Pavlovići	Raduša K.O. Raduša k.č. 2211	Nedaleko od kuća u Pavlovićima nalazi se jedan stećak u obliku sanduka.	Lokalitet je 2015. g. evidentiran u katalogu Jasmina Mandžukića i Mensure Mujkanović, <i>Stećci u okolici Tešnja</i> , Tešanj 2106.g. Stećak je otkrio Ago Mujkanović.	Lokalitet se nalazi na njivi.	Povremeno se održava.

15.	Kamen	Oraš Planje K.O. Oraš Planje k.č.131/2, 131/1, 133/5 odvojeni lokaliteti	Nekropola se sastoji od 46 stećaka, različite kvalitete i materijala od kojeg su izrađeni. Većina stećaka je u obliku sanduka i ploče, a neki od njih imaju amorfan oblik.	Nekropolu je otkrio i naučno obradio Ago Mujkanović tokom 2014.g. U časopisu Baština, objavljen je rad istog autora pod naslovom <i>Novootkrivena nekropola stećaka u naselju Oraš Planje kod Tešnja.</i>	Lokalitet se nalazi na njivi.	Održavanje i čišćenje.
16.	Brusovi	Oraš Planje K.O. Oraš Planje k.č. 67	Veći dio nekropole je uništen izgradnjom porodične kuće porodice Unkić.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Nekropola je uništena.	
17.	Dolac	Oraš Planje K.O. Oraš Planje k.č. 71/3	Usamljeni sljemenjak pored puta Potočani-Planje, uz njega je 2016.g. pronađena alatka (avan) iz kasnog srednjeg vijeka.	Nekropolu je otkrio i naučno obradio Ago Mujkanović tokom 2014.g. U časopisu Baština, objavljen je rad istog autora pod naslovom <i>Novootkrivena nekropola stećaka u naselju Oraš Planje kod Tešnja.</i>	Nekropola se nalazi u dvorištu.	Redovno se održava.
18.	Kamenica	Oraš Planje K.O. Oraš Planje k.č. 111, 104	Usamljeni sljemenjak pored livadskog puta, koji ide od nekropole Kamen ka Jevadžijama.	Nekropolu je otkrio i naučno obradio Ago Mujkanović tokom 2014.g. U časopisu Baština, objavljen je rad istog autora pod naslovom <i>Novootkrivena nekropola stećaka u naselju Oraš Planje kod Tešnja.</i>	Stećak se nalazi u rastinju.	Izvršiti čišćenje.
19.	Doc	Oraš Planje K.O. Oraš Planje k.č. 69/1, 70/1	Pored puta Potočani-Oraš Planje s lijeve strane, nalazi se usamljeni stećak u obliku sanduka.	Nekropolu je otkrio i naučno obradio Ago Mujkanović tokom 2014.g. U časopisu Baština, objavljen je rad istog autora pod naslovom <i>Novootkrivena nekropola stećaka u naselju Oraš Planje kod Tešnja.</i>	Nekropola se nalazi u dvorištu.	Redovno se održava.

20.	Groblje	Kalošević K.O. Kalošević k.č. 1016	Na ovom lokalitetu nalazi se najveća nekropola stećaka u sjevernom dijelu Bosne. Do sada je evidentirano 82, a moguće je da ih ima i više koji su utonuli.	Nekropolu je otkrio Semir Bošnjak 2018.g., a evidentirao ju je Ago Mujkanović.	Nekropola je očišćena od rastinja, smeća i drveća.	Nekropola je očišćena od rastinja, smeća i drveća. Postavljen je most, tabla, izvršena su snimanja stećaka i nastavlja se sa čišćenjem i održavanjem. Općina Tešanj bi posebno trebala da zaštiti ovaj lokalitet jer je on najbrojnija nekropola stećaka u sjevernom dijelu Bosne.
21.	Groblje na Ogradici	Kalošević K.O. Kalošević k.č. 240/1, 240/2	Stećci su u obliku sljemenika i sanduka. Datirani su u kasni redni vijek.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Nekropola se nalazi u dvorištu.	Redovno se održava.
22.	Japage	Blaževci K.O. Vitkovci Donji k.č. 1706/1, 1706/2, (cesta)	Dva stećka, jedan pomjeren iz prvobitnog položaja i jako oštećen, a drugi je djelimično utonuo u zemlju.	Nekropolu je otkrio Ago Mujkanović tokom 2015.g.	Nekropola se nalazi na njivi.	Redovno se održava.
23.	Obli kamen	Piljužići K.O. Piljužići k.č. 54, 56, 57	Stećci u obliku sljemenjaka i sanduka, oštećeni usljed izgradnje tranšea.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet je obrastao šumom i rastinjem, ugrožen formiranjem divlje deponije smeća.	Održavanje i krčenje.
24.	Staro groblje	Bobare K.O. Bobare k.č. 985	Na ovom lokalitetu nalaze se dva stećka iz kasnog srednjeg vijeka.	Evidentirani su u naučnoj literaturi	Očišćeni	Održavanje
25.	Himzići	Rosulje K.O. Rosulje k.č. 644, 645/1, 645/2	Usamljeni stećak, na istaknutom brežuljku. Izrađen je od konglomerata, koji je sklon osipanju uslijed djelovanja atmosferskih prilika.	Stećak je evidentirao Ago Mujkanović.	Lokalitet se nalazi u dvorištu porodice Himzić.	Redovno se održava.
26.	Katin brijeg	Logobare K.O. Novo Selo k.č. 805/1, 805/2	Nekropola stećaka, smještena na istaknutom brijegu pored puta koji vodi za naselje Dubalj.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet se nalazi u dvorištu.	Redovno se održava.

27.	Bajina glava	Vukovo K.O. Rosulje k.č. 1182, 1183, 1185, 1186, 1187, 1188, 1189	Ovu nekropolu je 1875.g. evidentirao poznati engleski putpisac sir Artur Džon Evans.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Danas je mali dio nekadašnjih stećaka sačuvan.	Neophodno je izvršiti krčenje i opkopavanje jednog utonulog stećka. Općina Tešanj bi posebno trebala da zaštiti ovaj lokalitet jer je on od ogromnog značaja što je prvi zabilježen kod Artura Džon Evansa.
28.	Ulice	Kraševo K.O. Kraševo k.č. 526	Srednjovjekovni nadgrobni spomenici. Nada Miletić ih je datirala u kasni srednji vijek.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet se nalazi u dvorištu.	Redovno se održava.
29.	Orašje	Kraševo K.O. Kraševo k.č. 594	Srednjovjekovni nadgrobni spomenici. Nada Miletić i Šefik Bešlagić su ih datirali u kasni srednji vijek.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet se nalazi u dvorištu.	Redovno se održava.
30.	Staro greblje	Tešanjka K.O. Tešanjka k.č. 71/2, 84/1, 84/2	Srednjovjekovni nadgrobni spomenici. Nada Miletić ih je datirala u kasni srednji vijek.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Lokalitet je obrastao šumom i rastinjem, ugrožen formiranjem divlje deponije smeća.	Održavanje i krčenje.
31.	Logobare	Logobare K.O. Novo selo k.č. 816, 822	Srednjovjekovni nadgrobni spomenici.	Lokalitet zabilježen u <i>Arheološkom leksikonu BiH</i> , Tom 2., Arheološka nalazišta od 1-13., Sarajevo 1988.g.	Dijelom obrastao šumom, a dijelom u dvorištu.	Održavanje i čišćenje.

31.	Stari grad Tešanj	Tešanj, k.č. 901, 902, 896/2 i 897, K.O. Tešanj I (prema Odluci)	Višeslojni arheološki lokalitet. Grad se sastoji iz dva dijela: prvi koji je nastao u doba srednjovjekovne Bosanske države i drugi iz osmanskog perioda.	Nacionalni spomenik/ Odluka Komisije za očuvanje nacionalnih spomenika BiH (Sarajevo, br. 06-893/03-2 od 02. jula 2003. godine)	U cjelini spomenik je u dobrom stanju.	Na nacionalni spomenik se primjenjuju mjere zaštite utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02 i 6/04).
32.	Podgrađe	Tešanj, k.č. 914, 902/2, 914, 911, 910, 902/4, 897, 896, 895, 1548/2 K.O. Tešanj	Višeslojni arheološki lokalitet	Parcele koje tangiraju na nacionalni spomenik su pripadale nekadašnjem podgrađu Starog grada Tešnja.	Prilikom izgradnje novih objekata redovno se nailazi na arheološke ostatke iz starijih perioda.	Obezbiijediti arheološki nadzor tokom izvođenja građevinskih radova.

Otomanski period

Red. Br.	Spomenik ili spomenička cjelina	Lokacija	Opis	Valorizacija	Trenutno stanje	Tip intervencije
1.	Urbana cjelina Tešanj - Gornja čaršija	Uža gradska jezgra Tešnja – granice obuhvata regeneracije Stare čaršije Tešanj (zona A) – preuzete iz Studije „Vrijednosti stare Tešanjske čaršije“	Gornja čaršija se razvila oko poznate Tešanjske tvrđave, tačnije u njenom podnožju i veoma rano postala je središte privrednog i kulturnog života Tešnja. Historijska urbana cjelina sa Tvrđavom (nacionalni spomenik), čaršijom i pripadajućim objektima.	Prostorni plan Ze-do kantona („Sl. novine Ze-do kantona, br. 4/09) predviđa zaštitu ovog područja kao kulturnog krajolika.	To je kompaktna i većim dijelom očuvana historijska urbana cjelina.	Intervencije u obuhvatu granica vršiti u skladu sa navedenom Studijom.

2.	Čaršijska (Gazi Ferhad-begova) džamija	U centru starog Tešnja, k.č. 966 K.O. Tešanj	Graditeljska cjelina se sastoji od džamije i harema sa Ferhad-begovim turbetom.	Nacionalni spomenik/ Odluka Komisije za očuvanje nacionalnih spomenika BiH (Sarajevo, br. 07.2-2-248/04-4 od 17. januara 2007. godine)	U cjelini spomenik je u dobrom stanju.	Na nacionalni spomenik se primjenjuju mjere zaštite utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02 i 6/04).
3.	Hasanbegovića džamija, Harman džamija	Na Gumnu, Tešanj K.O. Tešanj I k.č. 659/1	Tipični objekat, jednospratna džamija	Lokalni značaj, ambijentalna vrijednost	Objekat je u relativno dobrom stanju	Održavanje-rehabilitacija tip A
4.	Abdulah pašina/Avdi pašina džamija sa grebljem	Ulica 29. Novembar, Tešanj K.O. Tešanj I k.č. 639	Tipični objekat, jednospratna džamija	Lokalni značaj, ambijentalna vrijednost	Objekat je u relativno dobrom stanju, održavan uz manje neadekvatne intervencije.	Održavanje-rehabilitacija tip A.
5.	Dibekhana (donja) džamija	Ugao Maršala Tita i Trga revolucije, Tešanj k.č 1264 K.O. Tešanj I	Tipični objekat, jednospratna džamija	Lokalni značaj, ambijentalna vrijednost	Objekat je u relativno dobrom stanju.	Održavanje-rehabilitacija tip A.
6.	Hamzabegova džamija	Tešanj k.č. 1239 K.O. Tešanj I	Tipični objekat, jednospratna džamija	Lokalni značaj, ambijentalna vrijednost	Objekat je u relativno dobrom stanju.	Održavanje-rehabilitacija tip A.
7.	Sahat Kula	Tešanj, gradsko jezgro U sklopu podrgrada, k.č. 902//1 K.O. Tešanj I	Osnovica sahat-kule je kvadrat sa stranicom od 3,2 m, a visina sahat-kule je oko 18 metara. Najvjerovatnije izgrađena početkom 18. stoljeća.	Nalazi se na Privremenoj listi nacionalnih spomenika BiH pod rednim brojem 620.	Objekat je u dobrom stanju.	Redovno održavanje, rehabilitacija tip A.
8.	Most na Krndiji	Tzv. Rimski most K.O. Tešanj I k.č. 428/2	Izgrađena benzinska pumpa		Ostaci više ne postoje	Odbijen prijedlog za proglašenjem nacionalnim spomenikom, Odluka broj: 02-02.4-73/2010-1

9.	Eminagića konak	U središtu grada, k.č. 787 (novi premjer) K.O. Tešanj I, odnosno k.č. 28/40, 28/41, 28/97 (stari premjer)	Predstavlja jedan od najstarijih a ujedno i najljepših objekata stambene arhitekture Tešnja. Predpostavlja se da je mogao nastati u prvoj polovini 19. stoljeća.	Nacionalni spomenik/ Odluka Komisije za očuvanje nacionalnih spomenika BiH (Sarajevo, br. 07.2-2-963/03-7 od 27. lipnja 2005. godine)	2006.g. pristupilo se potpunoj obnovi i dovođenju ovog objekta u prvobitno stanje, kako po vanjskom tako i po unutrašnjem uređenju. Danas je depadans JU Muzej Tešanj.	Na nacionalni spomenik se primjenjuju mjere zaštite utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02 i 6/04).
10.	Zgrada Muftijinog konaka	Na prostoru označenom kao k.č. 967, K.O. Tešanj I (novi premjer), što odgovara k.č. 11/40 K.O. SP Tešanj (stari premjer)	Historijski spomenik.	Nacionalni spomenik/ Odluka Komisije za očuvanje nacionalnih spomenika BiH (Sarajevo, br. 06.1-2.3-53/13-28. Od 3. Septembra 2013. godine)		Na nacionalni spomenik se primjenjuju mjere zaštite utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02 i 6/04).
11.	Begovske kuće: Smailbegovića, Mešića, Mulalića, Terzića i dr.	Tešanj Donja čaršija K.O. Tešanj I k.č. 782, 734, 736	Na ovim kućama karakterističan je stil gradnje porodičnih kuća imućnih Tešnjaka		Objekti su u ruševnom ili vrlo lošem stanju.	Potrebna je hitna zaštita i sanacija.

12.	Tešanjaska musala	Tešanj Središte grada K.O. Tešanj II k.č. 348/8	To je slobodan otvoren prostor na kome se obavljala džuma-namaz.	Lokalni značaj	Nakon 1945.g. zemljište je uzurpirano izgradnjom dva stambena objekta. Danas su sačuvani samo ostaci mihraba isklesanog u stijeni i mimbera dozidanog uz stijenu.	Održavanje
13.	Stari drum/ Paklenica	Tešanj K.O. Tešanj I, k.č. 1540	Na prostoru između poligona na Ravnama i mezarja Donlagička nalaze se ostaci starog osmanskog drumu.	Lokalitet je poznat u narodu. Rekognosciranje terena obavio je Ago Mujkanović 2019.g.	Lokalitet je ugrožen divljim deponijama, i djelimično je obrastao rastinjem	Izvršiti čišćenje i uređivanje.

Rehabilitacija Tip A -za strukture koje se nisu značajnije izmijenile.

Austrougarski period

Red. br.	Spomenik ili spomenička cjelina	Lokacija	Opis	Valorizacija	Trenutno stanje	Tip intervencije
1.	Žandarmerijska stanica K.O. Tešanj II k.č. 449/2	Uže gradsko jezgro Tešnja K.O. Tešanj I k.č. 449/2	Danas objekat Razvoj Projekt	Lokalni značaj	Objekat je renoviran i u funkciji	Održavanje
2.	Šareni makteb	Uže gradsko jezgro Tešnja K.O. Tešanj II k.č. 346	Manji objekat u pseudomaurskom stilu	Lokalni značaj	Objekat je renoviran i u funkciji	Održavanje
3.	Adem-agina banka	Uže gradsko jezgro Tešnja K.O. Tešanj I k.č. 923	Objekat u klasicističkom stilu sa tornjem na uglu	Lokalni značaj	Objekat je renoviran i u funkciji	Održavanje
4.	Katolička crkva sv. Petra i Pavla	Na lokalitetu Zvečaj u podgrađu tešanjskog starog grada (Gradine). Na prostoru označenom kao k.č. 319 K.O. Tešanj II (novi premjer), što odgovara k.č. 5/25 K.O. SP_Tešanj (stari premjer)	Jednobrodna građevina longitudinalne osnove sa simetrično postavljenim tornjem, u kombinaciji neoromantičkog i neogotičkog duha, koju 1910. godine projektuje Josip pl. Vancas.	Nacionalni spomenik Odluka Komisije za očuvanje nacionalnih spomenika BiH (Sarajevo, br. 06.1-2.3-58/16-4 od 02. 02. 2016. godine)	Temeljito je obnovljena između 1998. i 2002.g.	Na nacionalni spomenik se primjenjuju mjere zaštite utvrđene Zakonom o provedbi odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02 i 6/04).

5.	Kuća Adem age Mešića*	Uže gradsko jezgro Tešnja K.O. Tešanj I k.č. 985/3	Stambeni objekat	Zgrada je izgrađena u austrougarskom periodu.	Kuća u dobrom stanju.	Održavanje
6.	Osnovna škola Tešanjka*	Tešanjka K.O. k.č. 227/3	Objekat u klasicističkom stilu	Zgrada škole izgrađena u austrougarskom periodu.	Objekat je u dobrom stanju. Na objektu je preuređena fasada.	Održavanje
7.	Stara željeznička stanica – Jelah*	Centar Jelaha	Tipični objekat za svoju namjenu na ovim prostorima	Zgrada je uništena.	Objekat nije uvršten u grafički prilog kulturno-historijsko naslijeđe.	Odbijen prijedlog za proglašenjem nacionalnim spomenikom, Odluka broj: 07.8-2.4-39/18-6
8.	Zgrada Spitalja*	Tepe K.O. Tešanj II k.č. 322/2	Jednostavan manji objekat	Zgrada nekadašnje bolnice sagrađene u austrougarskom periodu	Objekat je u dobrom stanju	Održavanje
9.	Zgrada Općine Tešanj	Uže gradsko jezgro Tešnja K.O. Tešanj I k.č. 1262	Objekat u klasicističkom stilu	Zgrada izgrađena u austrougarskom periodu. Lokalni značaj	Objekat je u dobrom stanju	Održavanje

Član 64.

(Režim i mjere zaštite kulturno-historijskog naslijeđa)

Prema Zakonu o zaštiti kulturne baštine Zeničko-dobojskog kantona kulturno-historijsko naslijeđe na području općine Tešanj može se svrstati u dvije kategorije:

- prva kategorija: Nacionalni spomenici Bosne i Hercegovine,
- druga kategorija: dobra od značaja za građane Zeničko-dobojskog kantona.

Za spomenike kulturno-historijskog naslijeđa prve kategorije potrebno je primijeniti mjere zaštite, utvrđene Zakonom o provedbi Odluka Povjerenstva za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u BiH.

Kao posebno zaštićena kulturno-historijska područja od šireg društvenog značaja, Prostornim planom, na području općine Tešanj utvrđeni su:

- Nacionalni spomenici BiH, proglašeni od strane Komisije za očuvanje nacionalnih spomenika,
- Privremena lista nacionalnih spomenika BiH,
- Spomenici utvrđeni planskom dokumentacijom višeg reda (lokalni ili regionalni značaj).

Obaveza nadležnih organa je da obezbijede zaštitu i očuvanje kulturno-historijskog naslijeđa i da u postupku izrade i donošenja detaljnih planskih dokumenata obezbijede odgovarajuću saradnju nosioca izrade planskih dokumenata sa nadležnim institucijama za očuvanje i zaštitu kulturno-historijskog naslijeđa.

Član 65.

(Područja prirodnih vrijednosti)

Prostornim planom općine Tešanj utvrđuje se obaveza planiranja i zaštite područja sa visokim stepenom biološke raznolikosti, kao i zaštita prirodnih vrijednosti, a sve u cilju stvaranja mogućnosti racionalnog i održivog korištenja prirodnih resursa, kao i njihove zaštite.

U vezi sa prethodnim stavom daju se preporuke za zaštitu, kao i prijedlog kategorije zaštite u skladu sa Zakonom o zaštiti prirode FBiH. Analizom terena, hidroloških i geoloških karakteristika, kao i strukture šumskog fonda, te nakon terenskih obilazaka, usmenih i pismenih sugestija od strane pojedinaca, predstavnika raznih udruženja, kao i na osnovu prijedloga Nosioca pripreme, ovim Prostornim planom se predlaže uspostava:

- Zaštićeno područje - „Zaštićeni pejzaž Crni vrh“

Predloženo zaštićeno područje obuhvata I, II i III sanitarnu zonu zaštite izvorišta Trebačka rijeka (Stupa) i Mekiš potok. Utvrđena granica obuhvata budućeg zaštićenog područja djelimično ili potpuno obuhvata sljedeće katastarske čestice: k.č. 1678/2 K.O. Karadaglije, k.č. 9/1 K.O. Karadaglije, k.č. 43/1 K.O. Karadaglije, k.č. 1404 K.O. Mekiš, k.č. 42 K.O. Karadaglije, k.č. 2831 K.O. Raduša, k.č. 2661 K.O. Raduša. Pretpostavljena granica zaštite obuhvata površinu od cca 1.197 ha.

Primarni cilj predložene kategorije jeste zaštita i održanje važnih kopnenih pejzaža i parkova prirode sa vrijednostima koje su nastale interakcijom ljudi i prirode kroz tradicionalnu praksu upravljanja.

Član 66.

(Uspostava zaštićenih područja)

Zaštićena područja prirodnih vrijednosti shodno Zakonu o zaštiti prirode FBiH proglašava Zakonom Parlament Federacije BiH ili Skupština Kantona, ovisno o kojoj kategoriji zaštite se radi, te u ovisnosti da li je zaštićeno područje na jednom ili zahvata više kantona, odnosno oba entiteta. Sadržaj Zakona o zaštiti prirodne vrijednosti se zasniva na Stručnom obrazloženju koje sadrži detaljan opis obilježja i vrijednosti koja se zaštićuje, ocjenu stanja prirodne vrijednosti koja se želi zaštititi, posljedice koje će donošenjem akta o proglašenju proisteći, kao i Odluku nadležnog organa o izdvajanju pod zaštitu.

Kako bi se stekli uslovi za realizaciju aktivnosti iz prethodnog stava, neophodno je od strane općine Tešanj, a na osnovu pretpostavljenih granica budućeg obuhvata zaštićenog područja „Zaštićeni pejzaž Crni vrh“, formirati Stručni tim koji će sprovesti detaljnu zakonsku proceduru uspostave zaštićenog područja, uraditi Studiju izvodljivosti zaštite konkretnog područja, a sve u skladu sa Zakonom o zaštiti prirode FBiH.

Član 67.

(Zaštita i unaprijeđenje okoliša)

Sa aspekta zaštite i unapređenja okoliša potrebno je sačuvati i unaprijediti kvalitet zraka, vode i tla, održati postojeću biološku raznolikost (biodiverzitet), kao i poboljšati sveukupni kvalitet života stanovnika Općine, te izbjeći svaki vid degradacije okoliša.

Degradirane površine sanirati i rekultivirati u skladu sa zakonskom regulativom.

Sve intervencije u prostoru moraju biti usklađene sa održivim razvojem.

Član 68.

Za postizanje kvaliteta zraka neophodno je:

- Permanentno usklađivati i dorađivati postojeće propise i pravilnike koji se odnose na zaštitu zraka sa legislativom EU. Strukturno i djelotvorno provoditi donesene zakonske propise iz oblasti zaštite zraka, posebno propise koji se odnose na monitoring emisija zagađujućih materija (SO₂, CO, PM₁₀, PM_{2,5} čestice, NO, NO_x);
- Smanjenje uticaja saobraćaja preko izduvnih gasova primjenom katalizatora, bezolovnog benzina;
- Smanjiti opterećenja koja dolaze iz malih kućnih ložišta koja koriste ekološki neprihvatljive energente za zagrijavanje;
- Vršiti stalni monitoring kvalitete zraka;
- Smanjenje emisije SO₂ i CO₂ do 2030.godine prema SECAP-u.

Član 69.

(Mjere zaštite od zagađenja tla)

Da bi se tlo adekvatno zaštitilo od raznih vidova degradacije i devastacije neophodno je provoditi sljedeće mjere zaštite:

- Izvršiti sanaciju klizišta i divljih deponija,
- Očuvanje šumskih ekosistema,
- Zaštita agrozone I od ilegalne gradnje i neplanske urbanizacije
- Plansko pošumljavanje degradiranih šumskih površina,

- Primjenu adekvatnih agrotehničkih mjera u poljoprivrednoj proizvodnji,
- Adekvatan pristup zakonski propisanih mjera za rekultivaciju degradiranih površina.
- Vršiti redovan monitoring tla (mjerenja koncentracije anorganskih polutanata, teških metala, pesticida, herbicida).

Član 70. **(Mjere zaštite od zagađenja vode)**

U cilju zaštite voda neophodno je provesti mjere za očuvanje kvaliteta voda i mjere za sprječavanje akcidentnih zagađenja.

Mjere za sprječavanje i smanjenje zagađenja voda obuhvataju:

- Planiranje, rekonstrukcija i izgradnju sistema za prikupljanje i odvođenje komunalnih otpadnih voda, oborinskih voda, te toksičnih procjednih voda sa tijela deponije,
- Smanjenje opterećenja otpadnih voda iz raznih tehnoloških procesa i prilagođavanje sastava otpadnih voda dopuštenim vrijednostima opasnih i drugih materija koje se ispuštaju u sistem javne kanalizacije ili prirodni recipijent – rijeka Bosna,
- Zamjena postojećih tehnologija sa boljim i čistim tehnologijama u tehnološkim procesima gdje opasne i druge materije zagađuju vode,
- Uvođenje programa mjera za smanjenje zagađenja voda od agrotehničkih sredstava,
- Uređenje erozijskih područja i sprječavanje ispiranja gradnjom regulacijskih vodnih objekata,
- Pošumljavanjem, pravilnom obradom zemljišta i pravilnom upotrebom agrotehničkih sredstava u poljoprivredi,
- Uklanjanje divljih deponija iz riječnih korita,
- Redovne mikrobiološke i fizičko-hemijske analize vode sa lokalnih izvorišta, kao i sa gradskih vodovoda,
- Strogo voditi računa o sanitarnim zonama zaštite izvorišta, kao i o zabranama u I i II zoni.

16. Ugrožena područja

Član 71. **(Gradnja na uslovno-stabilnom i nestabilnom tlu)**

Zabranjena je gradnja objekata na uslovno-stabilnim i nestabilnim terenima, dok se na osnovu tehničko-tehnoloških ekspertiza ne utvrdi da je moguća izgradnja na takvim zemljištima.

Područja uslovno-stabilnih i nestabilnih terena potrebno je u što kraćem roku utvrditi kroz izradu studijskih inženjersko-geoloških istraživanja na području cijele općine Tešanj, na geodetskim podlogama u razmjeri 1:2500 koje omogućavaju detaljnije sagledavanje kategorija terena, što će direktno utjecati na uslove građenja na pojedinim građevinskim zemljištima.

Član 72. **(Inženjersko-geološki uslovi)**

Za izgradnju građevina i drugih zahvata u prostoru potrebno je pribaviti inženjersko-geološki i geomehanički nalaz i uslove temeljenja od strane stručnog, ovlaštenog subjekta, a statički proračun se mora dimenzionirati za uslove najmanje VIII^oMCS.

Tehnička dokumentacija za realizaciju novih objekata mora biti u saglasnosti sa preporukama vezanim za konstruktivne elemente i građevine i neophodnih radova na okolnom terenu na osnovu inženjersko-geološkog i geotehničkog izvještaja, koji treba biti urađen od strane stručnog i ovlaštenog subjekta.

Obim i kvalitet izvedenih radova vezanih za inženjersko-geološke uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 73. **(Lokacije klizišta)**

Na tematskim kartama Prostornog plana lokacije klizišta, s obzirom na propisanu razmjeru za izradu ove vrste planskog dokumenta date su orijentaciono, što je razlog obavezne provjere inženjersko-geoloških karakteristika i stabilnosti terena za svaku intervenciju u prostoru, odnosno izgradnju građevina, bez obzira na stabilnost terena i pozicije klizišta definisane ovim Prostornim planom.

U što kraćem roku, potrebno je izvršiti pozicioniranje svih klizišta, odnosno, načiniti katastar klizišta sa prijedlogom sanacije i monitoringom.

Član 74. (Gradnja na klizištima)

Na površinama koje su utvrđene kao klizišta ili koja se u planskom periodu pokazuju kao potencijalna klizišta i aktivna klizišta, nije dozvoljena gradnja niti izvođenje bilo kakvih radova koji mogu ugroziti stabilnost terena.

Izvođenje radova i izgradnja objekata na ovim zemljištima moguća je samo pod uslovom da se dobije nalaz o uspješnoj sanaciji i otklanjanju prepreka za gradnju, kao i uputstvo o izvođenju radova od strane stručnog i ovlaštenog subjekta.

Član 75. (Korištenje opasnih materija)

Zabranjena je upotreba svih kancerogenih materija, uređaja i postrojenja koja emitiraju radioaktivna zračenja štetna po zdravlje ljudi. Obavezno je pojačati kontrolu nad privrednim subjektima hemijske i petrohemijske industrije koje koriste opasne hemijske materije, čija je koncentracija onečišćenja u vodu i zrak iznad dozvoljenih.

Član 76. (Bujična i plavna područja)

Bujična, plavna i erozivna područja definisana su u tekstualnom i grafičkom dijelu Prostornog plana, a utvrđene mjere zaštite od poplava i erozija se obavezno ugrađuju u sve planske dokumente, čiju će realizaciju pratiti nadležne službe i institucije. Na područjima koja su proglašena erozivnim ne može se graditi niti mijenjati katastarska kultura zemljišta, bez prethodno navedenih mjera i radova.

Obavezno je ažuriranje svih planskih dokumenata koje tretiraju ovu oblast.

Član 77. (Minirana područja)

Zabranjeno je korištenje zemljišta za bilo kakvu namjenu površina kontaminiranih minama i minsko – eksplozivnim sredstvima dok se ne izvrši njihovo deminiranje. U Prostornom planu u tekstualnom i grafičkom dijelu prikazane su sumnjive površine date kroz kategorizaciju (I, II i III kategorija), ažuriranje koje je izvršilo BHMAG (stanje 2024.godine).

Općina mora izraditi planove etapne realizacije deminiranja u skladu sa definisanim namjenama prostora, a u procesu realizacije etapnog deminiranja prostora, prioritet moraju imati građevinska zemljišta u urbanim područjima ili van njih, namijenjena stanovanju, privrednim kompleksima, poljoprivrednoj proizvodnji, kao i područja saobraćajnih komunikacija i lokaliteti od strateškog značaja.

Etapne planove uskladiti s važećom Strategijom protivminskog djelovanja.

Član 78. (Mjere za ograničavanje negativnih efekata)

Mjere za ograničavanje negativnih efekata prirodnim i ljudskim djelovanjem izazvanih nesreća detaljno su utvrđene u tekstualnom dijelu Prostornog plana, koji je sastavni dio ove Odluke.

Član 79. (Sklanjanje ljudi i materijalnih dobara)

Sklanjanje ljudi i materijalnih dobara obuhvaća: planiranje i izgradnju skloništa, drugih zaštitnih objekata, kao i zaklona pogodnih za zaštitu i sklanjanje, njihovo održavanje i korištenje za zaštitu ljudi i materijalnih dobara, od ratnim djelovanjem izazvanih opasnosti.

Uslovi za sklanjanje ljudi i materijalnih dobara, u smislu prethodnog stava moraju biti obezbijeđeni u skladu sa važećim zakonskim propisima koji uređuju ovu oblast.

IV ZAŠTITA URBANOG STANDARDA

Član 80. **(Minimalni uvjeti zaštite urbanog standarda)**

U cilju obezbjeđenja osnovnih životnih, graditeljskih i socijalnih uvjeta, određuju se minimalni uvjeti u cilju zaštite urbanog standarda:

- vodosnabdijevanje urbanog područja Tešanj, vodom za piće, vršit će se iz gradske vodovodne mreže,
- u dijelovima urbanog područja Tešanj, u obuhvatu Urbanističkog plana, a gdje još uvijek ne postoje tehnički uvjeti za vodosnabdijevanje stanovništva iz gradske vodovodne mreže, vodosnabdijevanje vodom za piće se može osigurati iz lokalnih izvora uz prethodnu sanitarnu kontrolu vode za piće,
- na ostalim urbanim područjima, snabdijevanje vodom za piće, do izgradnje centralnih vodoopskrbnih sistema, može se vršiti iz lokalnih izvora uz prethodnu sanitarnu kontrolu vode za piće,
- izgradnja vodovoda i drugih vodoopskrbnih objekata na području Općine, kao i upravljanje tim objektima i njihovo održavanje može se vršiti samo pod uvjetima propisanim važećom zakonskom regulativom,
- odvođenje otpadnih voda sa urbanog područja Tešanj vršit će se putem gradske kanalizacione mreže,
- na dijelovima urbanog područja Tešanj, gdje ne postoji sistem gradske kanalizacione mreže, do izgradnje kanalizacione mreže odvođenje otpadnih voda će se vršiti samo putem nepropusnih, propisno izgrađenih septičkih jama (pojedinačnih ili za više objekata),
- odvođenje otpadnih voda na ostalim urbanim područjima Općine, do izgradnje sistema kanalizacione mreže, će se vršiti putem nepropusnih, propisno izgrađenih septičkih jama,
- otpadne vode sa područja Općine ne mogu se neprečišćene ispuštati u otvorene vodotoke rijeka i potoka,
- sva urbana područja na području Općine moraju imati kvalitetno snabdijevanje
- električnom energijom, te svi objekti u kojima se obavlja određena djelatnost ili stanovanje moraju biti priključeni na električnu mrežu,
- urbana područja ili njihovi dijelovi moraju biti povezani sa telekomunikacijskim vodovima,
- urbana područja ili njihovi dijelovi moraju imati obezbijeđene objekte društvene infrastrukture i urbane opreme (obrazovanje, objekti dnevnog snabdijevanja, zdravstvo, kultura, fizička kultura, vjerski objekti i sl.), ovisno o centralitetu, tj. njegovom statusu,
- koeficijent izgrađenosti za stambene cjeline unutar urbanih područja utvrđuje se urbanističkim planom ili provedbenim detaljnim planskim dokumentima ili na osnovu stručne ocjene ovisno o statusu urbanog područja,
- urbana područja u Općini moraju biti povezana kolskim saobraćajnicama sa urbanim područjem Tešanj i Jelah.
- skupljanje i odvoz otpada sa urbanih područja Općine i deponovanje otpada vršit će se na način i pod uvjetima utvrđenim u posebnoj odluci Općinskog vijeća, a u skladu sa Planom upravljanja otpadom.

V REŽIM GRAĐENJA

Član 81. **(Režim građenja)**

Intenzitet i karakter građenja na pojedinim područjima određuje se prema utvrđenom javnom interesu, potrebama i mogućnostima korisnika i drugim lokalnim ograničenjima, tako da se ovim Prostornim planom utvrđuju slijedeći režimi građenja:

a) „režim zabrane građenja“ - za područja od značaja za Federaciju BiH, Kanton ili Općinu na kojima, nije dozvoljeno građenje novih građevina niti izvođenje drugih zahvata u prostoru osim tekućeg održavanja i građevinskih zahvata s ciljem obezbjeđenja osnovnih higijenskih uslova, promjene namjene unutar postojećih gabarita građevina i uređaja koji podržavaju postojeću funkciju tih područja (objekti neophodne infrastrukture, neophodni javni objekti, bjekti za opskrbu i sl.). Režim zabrane građenja utvrđuje se i za područja za koja je, u skladu sa Zakonom, donesena odluka o zabrani građenja ili odluka o pristupanju izradi planskog dokumenta kojom je propisana zabrana građenja. Za građevinsko zemljište Jelen zabranjuje se gradnja novih objekata do izrade glavnog projekta zaobilaznice Jelaha, rješavanja vlasničkih odnosa i ishodovanja potrebnih dozvola za gradnju zaobilaznice, te nakon toga donošenja detaljnog planskog dokumenta. Ova zabrana se ne odnosi na udaljenost do maksimalno 250 metara od obale postojećeg jezera i objekte i zahvate od javnog interesa utvrđene posebnim propisima, dok se na postojećim legalno izgrađenim objektima mogu odobriti radovi rekonstrukcije, sanacije, adaptacije, dogradnje i drugi zahvati.

b) „režim građenja prvog stepena“ – primjenjuje se na područjima za koja je ovim Prostornim planom utvrđena obaveza izrade provedbenog planskog dokumenta (zoning plana, regulacionog plana ili urbanističkog projekta), uključujući područja planirana za novu izgradnju, rekonstrukciju ili sanaciju, zaštićena područja kulturno-historijskog i prirodnog naslijeđa, turistička, sportsko-rekreativna i zdravstvena područja, te privredne zone veće od 5 ha. Uslovi za odobravanje građenja utvrđuju se na osnovu zoning plana, regulacionog plana, odnosno urbanističkog projekta kada je njegova izrada predviđena planskim dokumentom ili propisana zakonom. Na manjim dijelovima užeg urbanog područja koji su već izgrađeni, a na kojima nije planirana intenzivna izgradnja, rekonstrukcija ili sanacija, uslovi za odobravanje građenja mogu se utvrditi na osnovu urbanističkog projekta ukoliko nije donesen odgovarajući provedbeni planski dokument. Utvrđivanje režima zabrane građenja ne proizlazi automatski iz činjenice da je Prostornim planom predviđena izrada provedbenog planskog dokumenta, već se provodi u slučajevima i na način propisan Zakonom.

c) „režim građenja drugog stepena“ – primjenjuje se na područjima obuhvaćenim Urbanističkim planom Tešanj i Urbanističkim planom Jelah. Uslovi za odobravanje građenja utvrđuju se na osnovu urbanističkog plana, plana parcelacije kada je isti donesen, a za pitanja koja navedenim planskim dokumentima nisu uređena primjenjuju se odredbe ove Odluke.

U slučaju preklapanja režima građenja, primjenjuje se strožiji režim, osim ako ovom Odlukom ili posebnim propisom nije drugačije određeno.

d) „režim građenja trećeg stepena“ – na urbanim područjima izvan granica urbanističkog plana za koja se uslovi za odobravanje građenja utvrđuju na osnovu ovog Prostornog plana i plana parcelacije;

e) „režim građenja četvrtog stepena“ – na područjima za koja nije utvrđena obaveza donošenja plana parcelacije, a za koja se uslovi za odobravanje građenja vrše po postupku koji je utvrđen ovim Prostornim planom i Zakonom o prostornom uređenju i građenju.

VI UVJETI ZA IZGRADNJU I KORIŠTENJE PROSTORA

Član 82.

(Odobravanje građenja)

Građenje i izvođenje drugih zahvata u prostoru se odobrava u skladu sa Prostornim planom, drugim planskim dokumentima donesenim na osnovu ovog Plana, odredbama ove Odluke, Zakonom o prostornom uređenju i građenju Zeničko-dobojskog kantona i drugim posebnim propisima kojima se uređuju uslovi građenja i korištenja prostora.

Član 83.

(Uvjeti građenja)

Građenje građevina i drugi zahvati u prostoru (u daljem tekstu: građenje) mogu se odobriti samo u okviru urbanih područja i na građevinskom zemljištu van urbanih područja u skladu sa njihovom namjenom, utvrđenom ovim Prostornim planom.

U urbanim područjima mogu se graditi stambeni, poslovni, proizvodni objekti, infrastrukturni, te objekti koji služe stanovnicima za redovno opsluživanje (objekti urbane opreme kao što su škole, zdravstveni objekti, trafostanice, pošte, dječija igrališta, objekti za sport i rekreaciju i sl.).

Na građevinskim zemljištima van urbanog područja mogu se graditi objekti u skladu sa namjenom građevinskog zemljišta van urbanog područja koja je definisana Prostornim planom.

Izuzetno, izvan granica urbanog područja i građevinskog zemljišta van urbanog područja, može se odobriti građenje koje, s obzirom na svoj karakter, zauzima prostore izvan urbanih područja i građevinskih zemljišta van urbanih područja, i to:

- infrastrukturni koridori (saobraćajna, energetska, komunalna, telekomunikaciona i dr.);
- zdravstvene, rekreacijske i sportske građevine;
- građevine za potrebe odbrane,
- stambene i privredne građevine poljoprivrednog proizvođača ili seoski turizam uključujući i sisteme za navodnjavanje, te objekti za povremeni boravak sa obezbijeđenom infrastrukturom;
- istraživanja, iskorištavanja i uređenja prostora prirodnih dobara (mineralne sirovine, poljoprivrede, šume);
- komunalne i slične građevine (deponije komunalnog otpada, centri za upravljanje otpadom, groblja, spomen obilježja i sl.)
- objekti na vodnim površinama (ribogojilišta, plutajuće platforme i sl.)
- dogradnja, nadogradnja i rekonstrukcija postojećih stambenih objekata, s tim da se korisna površina može

povećati najviše do 50% postojeće korisne površine.

Član 84. **(Zaštićena područja, zone i pojasevi)**

Izgradnja objekata i vršenje radova iz prethodnog člana ove Odluke ne može se odobriti na zemljištima koja su Prostornim planom, odredbama ove Odluke i drugim dokumentima utvrđena kao zaštićena područja, zone i pojasevi.

Izuzetno od stava (1) ovog člana, građenje i izvođenje drugih zahvata u prostoru može se odobriti ukoliko je to predviđeno Prostornim planom, drugim planskim dokumentom ili posebnim propisom, odnosno kada se radovi izvode radi zaštite, uređenja ili unapređenja zaštićenog područja, zone ili pojasa.

Član 85. **(Građenje na urbanim područjima i građevinskim zemljištima van urbanih područja)**

Građenje u prostoru na urbanim područjima i na građevinskom zemljištu van urbanih područja, za koja nije planirana izrada razvojnog odnosno provedbenih detaljnih planskih dokumenata ili detaljni planski dokumenti nisu usvojeni, vršit će se prema sljedećim uvjetima:

- za nove građevine do tri nadzemne etaže visine (do P+2) rastojanje od postojeće ili planirane susjedne građevine ne može biti manje od 6 metara, a udaljenost nove građevine od regulacione linije (javni put) ne može biti manja od 3 metra,
- za nove građevine sa četiri i više nadzemnih etaža (P+3 i više), rastojanje od postojeće ili planirane susjedne građevine ne može biti manje od 2/3 ukupne visine više građevine; izuzetno, rastojanje se može smanjiti na 1/2 ukupne visine više građevine ukoliko na bočnim fasadama obje susjedne građevine nema otvora za osvjetljenje stambenih i poslovnih prostorija i ateljea, s tim da minimalno rastojanje građevine od bočne i zadnje granice građevinske parcele ne može biti manje od 3,0 m.
- U prostoru propisanih minimalnih udaljenosti dozvoljena je izgradnja pomoćnih i infrastrukturnih građevina koje po svojoj funkciji ne utiču na ispunjenje uslova osunčanja, provjetravanja, zaštite od požara i sigurnosti susjednih objekata, kao što su potporni zidovi, vanjske stepenice, šahtovi za osvjetljenje, rampe, podzemni objekti za komunalije, skloništa, tarase, trafo i gasne stanice, jarboli, parkirališta i sl.
- rastojanje novih građevina od prizemnih građevina (garaže, pomoćni objekti, šupe itd.), može biti i manje, ako su zadovoljeni i drugi uvjeti iz ove Odluke, ali to rastojanje ne može biti manje od 3 metra i da su zadovoljeni protupožarni uvjeti,
- rastojanje između granice neizgrađene parcele i buduće građevine ne može biti manje od 1,5 m,
- rastojanje između dvije građevine može biti i manje, uz ovjerenu pisanu saglasnost vlasnika susjedne parcele, ukoliko takvo rješenje nije u suprotnosti sa Zakonom, ovom Odlukom i posebnim propisima, te ukoliko položaj planirane građevine ne ugrožava stabilnost, sigurnost i redovno korištenje susjedne građevine, osnovne sanitarno-higijenske uslove stanovanja i mjere zaštite od požara.
- U stambenim, stambeno-poslovnim i poslovno-stambenim građevinama može se odobriti poslovna namjena, pod uslovom da njenim korištenjem nisu ugroženi uslovi stanovanja, da uticaji na okoliš ne prelaze granične vrijednosti propisane posebnim propisima i da je na osnovu idejnog projekta i druge dokumentacije pribavljene u postupku moguće utvrditi ispunjenost navedenih uslova
- prenamjena postojeće građevine ili njenog dijela može se odobriti ukoliko je planirana namjena u skladu sa namjenom prostora utvrđenom ovim Prostornim planom, ako se na osnovu idejnog projekta i druge dokumentacije pribavljene u postupku utvrdi da su ispunjeni uslovi propisani ovom Odlukom i posebnim propisima, ukoliko se prenamjenom ne narušavaju uslovi korištenja predmetne i susjednih građevina i pripadajućeg zemljišta, te ukoliko su za planiranu namjenu obezbijeđeni odgovarajući pristup, potreban broj parking mjesta i drugi infrastrukturni uslovi, kada je to propisano ovom Odlukom ili posebnim propisima.
- Urbanistička saglasnost može se izdati samo za zahvat u prostoru čija je namjena određena idejnim projektom i zahtjevom investitora, na osnovu kojih je moguće utvrditi ispunjenost uslova propisanih ovom Odlukom i posebnim propisima.

Pod postojećim građevinama u smislu prethodnog stava ovog člana smatraju se svi stalni objekti bez obzira na njihov karakter (stambeni, trgovački, poslovni i slično).

Rastojanje se mjeri okomito na podužne vanjske zidove objekta (dubina) i paralelno sa zidom (širina).

Rastojanje između građevina i od granica građevinske parcele mjeri se kao najkraće horizontalno rastojanje između vanjskih zidova građevina, odnosno vanjskog zida građevine i granice građevinske parcele, osim ako ovom Odlukom nije drugačije propisano.

Pojmovi prizemlja, podruma, suterena, sprata, potkrovlja, galerije, visine građevine, ukupne visine građevine, bruto građevinske površine i drugi pojmovi koji nisu posebno uređeni ovom Odlukom primjenjuju se u značenju utvrđenom Zakonom o prostornom uređenju i građenju Zeničko-dobojskog kantona. Ovi uvjeti se primjenjuju i na prostore za koje je Prostornim planom predviđena izrada planskih dokumenata u slučaju da isti nisu doneseni, sve do njihovog donošenja.

Član 86. (Parcelacija)

Izgradnja objekata na građevinskim zemljištima, može se odobriti samo ako je prethodno izvršena parcelacija građevinskog zemljišta na građevinske parcele.

Izuzetno od prethodnog stava ovog člana može se odobriti gradnja pojedinačnog objekta na njemu pripadajućoj parceli uz uvjet ispunjenja minimalnih urbanističko-tehničkih uvjeta.

Parcelacija građevinskog zemljišta vrši se na osnovu detaljnih planskih dokumenata i planova parcelacije, a njena veličina zavisi od namjene, načina gradnje i drugih uvjeta koji su postavljeni u projektnom zadatku pri izradi planskih dokumenata.

Građevinska parcela mora da ima površinu i oblik koji obezbjeđuje izgradnju građevine u skladu sa prostorno-planskim dokumentom i urbanističko-tehničkim uslovima.

Parcela mora da ima trajan pristup na ulicu, odnosno put.

Ukoliko građevinska parcela jednom svojom stranom ne graniči sa ulicom, odnosno putem, onda se mora obezbijediti pristup parceli u najmanjoj širini od 3,0 m kao sastavni dio parcele sa trajnim pravom služnosti prolaza.

Koeficijent izgrađenosti građevinske parcele (K_i) i procenat zauzetosti građevinske parcele (P_i) će definirati veličinu i visinu objekta na toj parceli ovisno od njene namjene.

Minimalni urbanističko-tehnički uvjeti koje parcela mora ispunjavati su: priključak na elektro, komunalnu i saobraćajnu infrastrukturu.

Minimalna površina građevinske parcele za izgradnju individualnog stambenog objekta (max P+2) iznosi 180 m².

Član 87. (Regulacione i građevinske linije)

Regulaciona i građevinska linija određuju se u skladu sa definicijama propisanim članom 2. Zakona o prostornom uređenju i građenju Zeničko-dobojskog kantona ("Službene novine ZDK", broj 17/23), a utvrđuju se planskim dokumentom ili na osnovu planskog dokumenta, u skladu sa ovom Odlukom.

Regulaciona linija je planska linija definirana grafički i numerički detaljnim planskim dokumentom kojom se utvrđuju pojedinačne građevinske parcele ili koja odvaja zemljište planirano za javne površine od zemljišta planiranog za druge namjene.

Građevinska linija je planska linija koja se utvrđuje grafički i numerički detaljnim planskim dokumentom i označava liniju prema kojoj se gradi, odnosno iskolčava građevina, ili liniju koju građevina ili gabarit građevine ne smije preći.

Podzemna građevinska linija za podzemne objekte koji se grade u zoni namijenjenoj izgradnji objekata od općeg interesa (podzemni i pješački prolazi, podzemni javni garažni prostori, komunalna postrojenja i sl.) utvrđuje se u pojasu regulacije.

Građevinska linija utvrđuje se provedbenim planskim dokumentom. Na područjima za koja nije propisana obaveza donošenja provedbenog planskog dokumenta, građevinska linija utvrđuje se urbanističkom saglasnošću i predstavlja liniju koju najistureniji dio građevine ne može preći, bez obzira na njenu visinu.

Član 88. (Namjena)

Namjena objekata mora biti u skladu sa Prostornim planom, ovom odlukom i važećom zakonskom regulativom.

Ukoliko postojeći objekti ne odgovaraju planiranoj namjeni za njih je predviđeno tekuće održavanje shodno važećim propisima, do momenta uklanjanja ili prilagođavanja planiranoj namjeni.

Za postojeće objekte koji odgovaraju planiranoj namjeni dozvoljava se dogradnja, nadogradnja i konstruktivna adaptacija, samo ako je to u skladu sa detaljnim planskim dokumentom, ili ako postoje uslovi da se radovi izvode na osnovu urbanističke saglasnosti koja je donesena neposredno na osnovu ove odluke i Prostornog plana.

Sve izgrađene građevine, koje nisu u skladu sa Prostornim planom, zadržavaju se do privođenja zemljišta krajnjoj namjeni i na njima je moguće vršiti radove tekućeg održavanja ili sanacije od posljedica ratnog djelovanja.

Član 89. (Namjena objekata u urbanom području)

Prostornim planom namjena objekata unutar urbanog područja je planirana kao dozvoljena, uvjetno dozvoljena i zabranjena.

Dozvoljena namjena je: stanovanje, objekti društvene infrastrukture i urbanog standarda, poslovanje, privredni i poslovni objekti u sklopu poslovnih zona i poslovnih kompleksa.

Uslovno dozvoljena namjena unutar urbanih područja je: poslovna i proizvodna djelatnost koja ne ugrožava osnovnu funkciju stanovanja, pojedinačni vikend objekti, komunalni objekti u poslovnim zonama i poslovnim kompleksima.

Zabranjena namjena: objekti koji svojom namjenom i djelatnošću ugrožavaju čovjekovu okolinu.

Ispunjenost uslova za uslovno dozvoljenu namjenu utvrđuje se u postupku izdavanja urbanističke saglasnosti na osnovu idejnog projekta i druge dokumentacije pribavljene u postupku, u skladu sa ovom Odlukom i posebnim propisima.

Član 90. (Namjena objekata na građevinskom zemljištu van urbanog područja)

Prostornim planom je definisana osnovna namjena građevinskih zemljišta van urbanog područja i to: stanovanje, poslovna zona - poslovanje, turizam, sport i rekreacija, površinski kop i deponija.

Na građevinskom zemljištu namijenjenom stanovanju dozvoljena je izgradnja stambenih objekata i objekata društvene infrastrukture, kao i manjih proizvodnih i poslovnih objekata koji ne narušavaju osnovnu funkciju stanovanja, a uslovno dozvoljena namjena vikend objekata.

Za ostala građevinska zemljišta van urbanih područja preporučuje se izrada detaljnih planskih dokumenata, koji će decidno odrediti namjene objekata u skladu sa osnovnom namjenom.

Član 91. (Uvjeti za zaštitu prava lica sa smanjenim tjelesnim sposobnostima)

Pri izradi detaljnih planskih dokumenata obavezno je definirati uvjete i mjere svim učesnicima u planiranju, projektovanju i izgradnji javnih i stambenih objekata, za njihovo normalno korištenje licima sa smanjenim tjelesnim sposobnostima i u tom smislu obaveza je učesnika da u svakoj fazi propisuje konkretne uvjete zavisno od nivoa planskih dokumenata koji se izrađuju i donose.

Građevine sa više stambenih jedinica, javni objekti, te uslužni i privredni objekti moraju biti projektovani i izgrađeni tako da je licima sa umanjnim tjelesnim mogućnostima trajno osiguran nesmetan pristup, kretanje, boravak i rad, a shodno Zakonu o prostornom uređenju i građenju.

Uslovi iz prethodnog stava definisani su Uredbom o prostornim standardima, arhitektonsko-tehničkim uslovima i normativima za sprječavanje stvaranja arhitektonsko-urbanističkih prepreka za osobe sa umanjnim tjelesnim mogućnostima.

Za uklanjanje arhitektonsko-urbanističkih prepreka, odnosno omogućavanje slobodnog pristupa građevini i kretanja u građevini licima sa umanjnim tjelesnim mogućnostima, odgovoran je vlasnik građevine, odnosno investitor, a uklanjanje arhitektonsko-urbanističkih prepreka će se izvesti o trošku vlasnika građevine.

Član 92.

(Izgradnja kuća za odmor – objekti za povremeni boravak)

Objekti za odmor, odnosno povremeni boravak, moraju biti tako građeni da zadovoljavaju arhitektonsko-estetske uvjete i predviđenu namjenu za ovu vrstu objekata, te da budu u skladu sa okolinom.

Kuća za odmor je građevina na posebnoj građevinskoj parceli, sa jednom nadzemnom etažom bruto površine do 100 m² ili dvije nadzemne etaže bruto razvijene površine do 200 m² namijenjena isključivo povremenom i privremenom boravku ljudi. U površinu ulaze i svi pomoćni objekti na istoj građevinskoj parceli.

Član 93.

(Građenje izvan građevinskog zemljišta)

Izvan granica građevinskog zemljišta može se odobriti građenje u skladu sa Zakonom o prostornom uređenju i građenju Ze-do kantona i posebnim propisima za:

- a. infrastrukturne koridore, građevine i opremu saobraćajne, energetske, vodoprivredne, telekomunikacijske i druge infrastrukture;
- b. zdravstvene, rekreacijske i sportske građevine, kao i kuće za odmor za koje postoje uslovi za priključak na infrastrukturu;
- c. građevine za potrebe odbrane;
- d. stambene i privredne građevine poljoprivrednog proizvođača za potrebe poljoprivredne proizvodnje ili seoskog turizma, uključujući melioracione sisteme i sisteme navodnjavanja;
- e. istraživanje, iskorištavanje i uređivanje prostora prirodnih dobara (mineralne sirovine, šume, vode, poljoprivredno zemljište i dr);
- f. komunalne i druge slične građevine (deponije komunalnog otpada, centri za upravljanje otpadom, groblja, spomen obilježja i sl.);
- g. objekti na vodenim površinama (ribogojilišta, plutajuće platforme i sl.).

Član 94.

(Izgradnja gospodarskih objekata)

Gospodarskim objektima, u smislu ove Odluke, smatraju se objekti namijenjeni poljoprivrednoj proizvodnji, uključujući objekte za držanje i uzgoj stoke i peradi, spremišta poljoprivrednih proizvoda, stočne hrane, mehanizacije, alata, opreme i drugi pomoćni objekti koji služe obavljanju poljoprivredne djelatnosti. Na ruralnom području, izvan utvrđenog građevinskog zemljišta, može se izdati urbanistička saglasnost za izgradnju gospodarskih građevina za držanje, odnosno smještaj stoke, živine i stočne hrane. Za građevine iz stava 1. ovog člana urbanistička saglasnost se ne može izdati na zemljištima koja su utvrđena kao zaštitne zone.

Na ruralnom području izgradnja gospodarskih građevina u sklopu domaćinstva može se, u skladu sa uslovima utvrđenim ovom Odlukom, vršiti na građevinskim zemljištima namijenjenim za individualnu stambenu izgradnju isključivo za potrebe porodičnog poljoprivrednog domaćinstva i u kapacitetu koji ne narušava uslove stanovanja.

Izgradnja gospodarskih objekata nije dozvoljena u granici Urbanističkog plana.

Izgradnja gospodarskih objekata na ostalim urbanim područjima općine Tešanj je dozvoljena u skladu sa zakonskim propisima (minimalne udaljenosti, način lociranja i sl.) i dokumentima prostornog uređenja.

Minimalna udaljenost od stambenih objekata je 10 m, a u izgrađenim dijelovima urbanog područja

rastojanje može biti i manje, samo ako su obezbijeđeni higijensko-tehnički uvjeti koji su propisani posebnom odlukom općine Tešanj.

Gospodarski objekti, đubrišta, septičke jame i slični objekti koji su izvor zagađivanja sredine ili to mogu biti, ne mogu se graditi na rastojanju manjem od 30 metara od zaštitnog pojasa objekta za lokalno snabdijevanje vodom za piće.

Gospodarski objekti se ne mogu graditi između stambenih zgrada, niti između stambenih zgrada i puta.

Na urbanim područjima ili njihovim dijelovima, đubrišta, osočne i septičke jame moraju se graditi od betona, kao vodonepropusni objekti.

Septičke i osočne jame moraju biti pokrivene betonskom pločom, obezbijeđene od pristupa ljudi i životinja, a đubrišta ograđena i obezbijeđena od pristupa ljudi i životinja.

Objekti za spremanje stočne hrane (sijeno, slama i dr.), koji se grade od tvrdog materijala, ne mogu se graditi na rastojanju manjem od 10 metara od susjednih objekata.

Objekti građeni od nepostojanog materijala ili objekti sa krovovima od slame, odnosno od lako zapaljivog materijala, ne mogu se graditi na rastojanju manjem od 15 metara od susjednih objekata.

Postojeći gospodarski objekti koji po svojoj lokaciji ne odgovaraju namjeni prostora iz dokumenata prostornog uređenja moraju se porušiti u roku koji odredi nadležni općinski organ.

Član 95.

(Bespravna gradnja)

Građenje građevina bez odobrenja za građenje nije dozvoljeno.

Priključenje građevina na elektroenergetsku, vodovodnu, kanalizacionu i drugu komunalnu infrastrukturu vrši se u skladu sa posebnim propisima kojima je uređena ta oblast.

Član 96.

(Uslovi izgradnje infrastrukture)

Svi objekti koji se grade, kao i postojeći objekti koji služe za stanovanje, rad, rekreaciju ili poslovnu djelatnost moraju se priključiti na električnu mrežu, vodovod i kanalizaciju, bez obzira da li je u vrijeme izdavanja odobrenja za izgradnju bila izgrađena javna infrastruktura.

Korisnici i vlasnici postojećih objekata koji nemaju ugrađene instalacije i uređaje iz predhodnog stava, a nalaze se na prostorima na kojima postoji mogućnost priključenja na infrastrukturnu mrežu dužni su ugraditi instalaciju i izvršiti priključivanje objekata na mrežu.

Na područjima na kojima nije izgrađen javni kanalizacioni sistem ili nije moguće priključenje građevine na isti, odvodnja sanitarnih otpadnih voda rješava se putem vodonepropusne septičke jame, lokalnog uređaja za prečišćavanje otpadnih voda ili drugog odgovarajućeg sistema za tretman otpadnih voda, u skladu sa posebnim propisima.

Individualni sistemi odvodnje iz prethodnog stava moraju biti projektovani, izvedeni i održavani na način kojim se sprječava zagađenje površinskih i podzemnih voda, ugrožavanje zdravlja ljudi i onečišćenje okoliša, u skladu sa posebnim propisima.

Septičke jame i drugi objekti koji mogu predstavljati izvor zagađenja ne mogu se graditi na udaljenosti manjoj od 50 m od objekata lokalnog vodosnabdijevanja, osim ukoliko se odgovarajućom tehničkom dokumentacijom ili posebnim propisima dokaže da neće doći do ugrožavanja kvaliteta vode za piće.

Član 97.

(Uslovi ograđivanja parcela)

Na urbanim područjima je dozvoljeno podizanje ograda između dvije građevinske parcele.

Ograda može da bude zajednička ili da se nalazi samo na jednoj parceli u zavisnosti od sporazuma korisnika parcela. Ograda ne može da bude veća od 2,00 m iznad prirodnog ili nasutog terena.

Za izgradnju ograda za koje je prema Zakonu o prostornom uređenju i građenju ZDK potrebno pribaviti urbanističku saglasnost, uz zahtjev se prilaže dokumentacija propisana zakonom i ovom Odlukom, uključujući i saglasnost vlasnika susjedne parcele kada je ona propisana posebnim propisima.

Vrsta i način izvedbe ograde, materijali od kojih se gradi, utvrđuju se urbanističkom saglasnošću vodeći računa da ta ograda ne smeta preglednosti puta, raskrsnica, bezbjednom izlazu pješaka i vozila sa parcele, te da zadovoljava estetske kriterije.

Član 98. **(Uslovi za korištenje privremenih objekata)**

Privremenom građevinom smatra se građevina montažno-demontažne izvedbe postavljena privremeno na određenoj lokaciji za potrebe gradilišta, za primjenu odgovarajuće tehnologije građenja, kao i za organizovanje sajмова, javnih manifestacija i slično.

Izgrađeni privremeni objekti mogu ostati na mjestu na kojem je odobrena njegova izgradnja, odnosno postavljanje, onoliko vremena koliko je to odobreno urbanističkom saglasnošću, a najviše 3 godine.

Privremeni objekat se mora ukloniti (porušiti) odnosno izmjestiti na zahtjev općinskog organa uprave koji je izdao urbanističku saglasnost, odnosno odobrenje za građenje, bez prava vlasnika ili korisnika na naknadu ili obaveze davanja nove lokacije.

Nakon isteka roka iz stava (2), nadležni organ na zahtjev korisnika privremenog objekta može taj rok produžiti.

Član 99. **(Pomoćni objekti)**

Ovom Odlukom propisuju se vrste pomoćnih objekata, koji služe korištenju osnovnog objekta (stambenog, poslovnog ili drugog objekta), a postavljaju se ili grade se na istoj/pripadajućoj građevinskoj parceli, te uslovi za njihovo postavljanje, građenje i uklanjanje.

Pomoćni objekti su: garaže za lična vozila, ljetne kuhinje, šupe za smještaj ogrjeva i alata, ostave, nadstrešnice, kao i pergole i pomoćni objekti infrastrukture i urbane opreme u funkciji održavanja i uređenja parcele u skladu sa namjenom i u okviru pripadajuće građevinske parcele (urbani mobilijar i oprema za vanjsko uređenje oko objekta).

Ovi pomoćni objekti mogu biti:

- a. objekti koji čine funkcionalnu i ekonomsku cjelinu sa objektom čijem korištenju služi pomoćni objekat: podzemne i nadzemne garaže, ostave za alat i drva, ljetnje kuhinje, spremišta, magacini, portirnice, objekti za radnike i sl.,
- b. objekti infrastrukture: rezervoari, bunari, septičke bio jame, kotlovnice, trafo-stanice, sistemi za hlađenje i grijanje, solarni sistemi i sl.,
- c. objekti vanjskog uređenja terena oko objekta: fontane, otvoreni bazeni sa bazenskom tehnikom, urbani mobilijar, potporni zidovi i zidići, nadstrešnice, pergole, manji sportski teren i dječije igralište, ograde i sl..

Nije dozvoljena promjena namjene pomoćnih objekata u stambene ili poslovne objekte.

Na pomoćne objekte se primjenjuju odredbe važećeg planskog dokumenta, kako u smislu urbanističkih parametara, tako i u smislu udaljenosti od granica parcele.

Površina pomoćne građevine koja se gradi kao zatvorena građevina, ulazi u obračun koeficijenta izgrađenosti i procenta zauzetosti parcele.

Član 100. **(Solarne elektrane)**

Solarne elektrane mogu se planirati i graditi isključivo na površinama koje su Prostornim planom određene za ovu namjenu ili na drugim površinama na kojima je njihova izgradnja dozvoljena ovom Odlukom i posebnim propisima.

Prilikom određivanja lokacija za solarne elektrane prioritet imaju:

- degradirane površine,
- eksploataciona polja nakon završetka eksploatacije,
- neplodno i manje vrijedno zemljište,
- industrijske, privredne i komunalne zone,
- krovovi postojećih objekata,
- parkirališta i druge izgrađene površine.

Izgradnja solarnih elektrana nije dozvoljena:

- na poljoprivrednom zemljištu I, II, III i IV bonitetne kategorije, osim pod uslovom da se ne mijenja namjena poljoprivrednog zemljišta i da je građenje na stubovima visine 2,5m i međusobnim razmakom minimalno 4m na period eksploatacije solarne energije do 30 godina i za iste se ne pribavlja poljoprivredna saglasnost;
- u zaštićenim područjima prirode, osim ako je posebnim propisom drugačije određeno;
- u zaštitnim zonama izvorišta, ukoliko je zabranjena posebnim propisima;
- u zaštitnim koridorima saobraćajne, elektroenergetske i druge infrastrukture.

Prilikom određivanja lokacije mora se dokazati da planirana solarna elektrana:

- ne ugrožava postojeću i planiranu namjenu prostora,
- ne narušava karakter naselja i vrijednih pejzaža,
- ne ugrožava kulturno-historijsko naslijeđe,
- omogućava nesmetano održavanje vodotoka, puteva i druge infrastrukture.

Solarne elektrane moraju biti planirane uz očuvanje prirodnih karakteristika prostora, uz obavezno krajobrazno uređenje i sanaciju terena nakon prestanka korištenja.

Za solarne elektrane instalisane snage za koje je prema posebnim propisima propisana procjena uticaja na okoliš ili prethodna procjena uticaja na okoliš, ista se provodi prije izdavanja urbanističke saglasnosti.

Priključenje solarnih elektrana na elektroenergetsku mrežu vrši se u skladu sa propisima iz oblasti energetike i uslovima nadležnog operatora sistema.

Lokacijski uslovi za izgradnju solarnih elektrana utvrđuju se u postupku izdavanja urbanističke saglasnosti, u skladu sa ovom Odlukom, Prostornim planom i posebnim propisima iz oblasti prostornog uređenja, zaštite okoliša, energetike, poljoprivrednog zemljišta, kao i drugim posebnim propisima koji se odnose na planirani zahvat.

Na solarne elektrane sa svim pratećim građevinama, uređajima i infrastrukturu koji služe njihovom funkcionisanju, u pogledu položaja na građevinskoj parceli i minimalnih rastojanja od granica susjednih parcela, primjenjuju se odredbe člana 85. ove Odluke, ukoliko ovom Odlukom ili posebnim propisima nije drugačije određeno.

VII PRELAZNE I ZAVRŠNE ODREDBE

Član 101.

(Potrebne aktivnosti za provođenje Prostornog plana)

U cilju realizacije Prostornog plana potrebno je da općinski organi u okviru svojih nadležnosti provode aktivnosti u smislu ostvarivanja zacrtanih ciljeva i opredjeljenja.

Da bi se ovo moglo sprovesti, potrebno je odmah pristupiti ostvarenju slijedećeg:

- izvršiti inventarizaciju raspoložive prostorno-planske dokumentacije svih nivoa izrade i donošenja, u tom postupku izvršiti selekciju i usklađivanje svih do sada donesenih dokumenata prostornoga uređenja,
- izvršiti usklađivanje svih dokumenata koji nisu u skladu sa Prostornim planom, a za dokumente kojima je

istekao rok važnosti donijeti odluku o daljoj primjeni u roku od godinu dana od dana donošenja Prostornog plana, ukoliko nisu u suprotnosti sa Prostornim planom,

- obezbijediti izradu planskih dokumenata propisanih Zakonom i Prostornim planom u roku od godinu dana od donošenja Prostornog plana.

Realizaciju mjera provedbe Prostornog plana će voditi Nosilac pripreme plana.

Član 102. (Distrikt)

Sportski tereni na Tešanjci sjeverno od puta na relaciji Doboj-Teslić, kao i teritorija koja taj teren pokriva uključujući i sjevernu polovinu puta koji graniči sa terenom, odnosno dio teritorije naseljenog mjesta Tešanjka prema karti iz Zakona o konstituiranju novih općina u FBiH i izmjeni područja općina podijeljenih međuentitetskim i međukantonalnom linijom (Službene novine FBiH broj: 6/98) je prostor koji obuhvataju prostorni planovi općina Tešanj i Usora, bez prejudiciranja njegovog konačnog statusa (pripajanja jednoj ili drugoj općini).

Član 103. (Prelazne odredbe)

Ova Odluka će se primjenjivati počev od dana objavljivanja saglasnosti Skupštine Zeničko-dobojskog kantona na Prostorni plan općine Tešanj za period 2025-2045 u Službenim novinama Zeničko-dobojskog kantona.

Do dana objave saglasnosti Skupštine Zeničko-dobojskog kantona u Službenim novinama Zeničko-dobojskog kantona, primjenjivat će se Odluka o provođenju izmjena i dopuna prostornog plana općine Tešanj ("Službeni glasnik Općine Tešanj", broj: 7a/09 i 10/17).

Svi postupci započeti prije stupanja na snagu Odluke o provođenju Prostornog plana općine Tešanj za period 2025-2045, nastaviti će se prema propisima koji su bili na snazi u vrijeme njihovog pokretanja osim u slučajevima u kojima je drugi organ prekinuo svoj postupak do donošenja novog Prostornog plana općine Tešanj. U tim predmetima će se primjenjivati Odluka o provođenju Prostornog plana općine Tešanj za period 2025-2045.

Član 104. (Stupanje na snagu)

Ova Odluka stupa na snagu danom objavljivanja u "Službenom glasniku općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

**Broj: 01-23-6-2453-70/18
Datum: 24.07.2026.godine**

Općinsko vijeće Tešanj je na svojoj 22. sjednici održanoj dana 23.07.2026. godine, razmatrajući Izvještaj o izvršenju Budžeta za I polugodište 2026.godine, donijelo sljedeći

Z A K L J U Č A K

Usvaja se Izvještaj o izvršenju Budžeta za I polugodište 2026.godine.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-11-2-1729-2/26

Datum: 24.07.2026. godine

IZVJEŠTAJ O IZVRŠENJU BUDŽETA OPĆINE TEŠANJ ZA PERIOD 01.JANUAR – 30. JUNI 2026. GODINE

SADRŽAJ:	Str.
1/ Uvod	2
2/ Ostvarenje prihoda, primitaka i finansiranja Budžeta	2
2/1 Porezni prihodi	6
2/2 Neporezni prihodi	6
2/3 Tekući grantovi	7
2/4 Kapitalni grantovi i primici	7
2/5 Prenesena sredstva iz prethodne godine	8
2/6 Finansiranje	8
3/ Ostvarenje rashodi i izdataka Budžeta	8
3/1 Analiza ostvarenja po grupama rashoda i izdataka	18
4/ Zaključak	21

1/ Uvod

Osnov za izvršenje Budžeta Općine u 2026. godini čine dokumenti: Budžet Općine Tešanj za 2026. godinu ("Službeni glasnik Općine Tešanj", broj: 12/25), Izmjene i dopune Budžeta Općine Tešanj za 2026. godinu ("Službeni glasnik Općine Tešanj", broj: 1/26 i 3/26) i Odluka o izvršavanju Budžeta Općine Tešanj za 2026. godinu ("Službeni glasnik Općine Tešanj", broj: 12/25).

Prihodi i primici Budžeta Općine sa prenesenim sredstvima planirani su u iznosu od 39.642.000 KM, a u izvještajnom periodu za prvo polugodište ostvareni su u visini od 22.179.219,77 KM, odnosno sa 55,95% planiranih godišnjih prihoda i primitaka. Na strani rashoda i izdataka ostvarenje iznosi 9.902.604,20 KM, odnosno 24,98 % planiranog godišnjeg nivoa Budžeta, a sa rezervacijama (započeti postupci nabavki/potpisani ugovori/radovi u toku) ovaj procent iznosi 45,69 %.

Do pripreme izvještaja su provedeni postupci javnih nabavki i potpisani ugovori za realizaciju kapitalnih projekata u visini **od 5,43 milion KM**. U ovaj iznos su uključeni i ranije ugovoreni i preneseni projekti iz prethodne godine čija realizacija je u toku. **To znači da se pored realizovanih (fakturisanih) radova od 2,36 miliona KM, u različitim fazama realizacije nalaze ugovoreni radovi vrijednosti 5,43 miliona**

KM, što ukupno čini 7,89 miliona KM kapitalnog dijela, što bitno utječe na procent ostvarenja Budžeta u cjelini.

Akumulirani suficit na dan 30.06. iznosi 12.276.615,57 KM, a na isti dan 2025. godine iznosio je 8.278.671,09 KM. Suficit izvještajnog perioda (bez prenesenih sredstava) iznosi 5.414.481,52 KM, a u istom periodu 2025. godine 3.318.133,96 KM.

2/ Ostvarenje prihoda, primitaka i finansiranja Budžeta

U okviru sačinjenog tabelarnog pregleda (Tabela1.) iskazano je izvršenje prihoda, primitaka i finansiranja Budžeta Općine Tešanj za I polugodište 2026. godine u ukupnoj visini od 22.179.219,77 KM, što je iznad linearano planiranog polugodišnjeg nivoa Budžeta za 12,82%, odnosno 2.521.132,10 KM.

Ostvarenje prihoda, primitaka i finansiranja iskazano je u narednom tabelarnom pregledu sa procentom izvršenja u odnosu na ukupan godišnji planirani nivo, a obrazloženja su data u daljem tekstu.

PRIHODI I PRIMICI	BUDŽET ZA 2026. GODINU	OSTVARENJE BUDŽETA ZA I POLUGODIŠTE 2026. GODINU	OSTVARENJE BUDŽETA ZA I POLUGODIŠTE 2025. GODINU	PRO- CENT 3/2	PRO- CENT 3/4
1	2	3	4	5	6
I PRIHODI OD POREZA	19.142.000,00	9.433.434,52	7.791.984,90	49,28	121,07
Porez na plate i dobit po staroj zakonskoj regulativi	2.000,00	53,75	780,35	2,69	6,89
Porez na dobit po staroj zakonskoj regulativi	1.000,00	35,00	512,34	3,50	6,83
Porez na plate po staroj zakonskoj regulativi	1.000,00	18,75	268,01	1,88	7,00
Porez na imovinu	2.950.000,00	1.729.351,06	1.071.162,76	58,62	161,45
Porez na imovinu	900.000,00	494.333,78	271.209,08	54,93	182,27
Porez na promet nepokretnosti	2.050.000,00	1.235.017,28	799.953,68	60,24	154,39
Porez na dohodak	7.200.000,00	3.579.103,26	3.200.892,10	49,71	111,82
Porez na dohodak	7.200.000,00	3.579.103,26	3.200.892,10	49,71	111,82
Prihodi od indirektnih poreza sa jedinственог računa	8.990.000,00	4.124.908,93	3.519.083,65	45,88	117,22
Prihodi od indirektnih poreza na ime finansiranja autocesta u Federaciji BiH (dio za općine)	230.000,00	96.603,17	94.557,62	42,00	102,16
Prihodi od indirektnih poreza koji pripadaju Direkciji za puteve (dio za općine)	760.000,00	379.992,30	325.341,60	50,00	116,80
Porez na dodatu vrijednost	8.000.000,00	3.648.313,46	3.099.184,43	45,60	117,72

Posebni porezi	0,00	17,52	66,04	#DIJ/0!	26,53
Porezi na promet proizvoda i usluga po staroj zakonskoj regulativi	0,00	0,00	0,00	#DIJ/0!	#DIJ/0!
Poseban porez na platu po staroj zakonskoj regulativi	0,00	17,52	66,04	#DIJ/0!	26,53
II NEPOREZNI PRIHODI	4.808.000,00	1.997.656,42	2.223.387,22	41,55	89,85
Prihodi od preduzetničkih aktivnosti i imovine	552.000,00	310.727,86	210.934,96	56,29	147,31
Prihodi od zakupa zemljišta - renta	25.000,00	10.147,59	12.325,49	40,59	82,33
Prihodi od iznajmljivanja poslovnih prostora i drugog	85.000,00	39.696,47	37.546,72	46,70	105,73
Prihodi od kamata za depozite u banci	50.000,00	42.860,89	38.945,43	85,72	110,05
Prihodi od davanja prava na eksploataciju prirodnih resursa, патената i autorskih prava	390.000,00	217.513,31	121.752,92	55,77	178,65
Ostali prihodi od imovine	2.000,00	509,60	364,40	25,48	139,85
Naknade, takse i prihodi od pružanja javnih usluga	4.131.000,00	1.613.217,49	1.949.666,43	39,05	82,74
Općinske administrativne takse	400.000,00	170.799,78	212.447,73	42,70	80,40
Taksa za ovjeru dokumenata	85.000,00	46.942,00	41.363,20	55,23	113,49
Taksa za vjenčanja i druge civilne registracije	27.000,00	11.900,00	13.500,00	44,07	88,15
Taksa za priključenje na općinsku vodovodnu, hidrantsku i kanalizacionu mrežu i priključenje na toplovodnu mrežu	160.000,00	65.975,00	79.500,00	41,23	82,99
Općinske komunalne takse - takse na firmu	75.000,00	21.944,82	372.011,31	29,26	5,90
Boravišna taksa	10.000,00	3.735,20	3.689,70	37,35	101,23
Sredstva Fonda za vatrogastvo - naknade za vatrogastvo	230.000,00	188.345,00	170.659,01	81,89	110,36
Prihodi od naknade za uređenje građevinskog zemljišta	630.000,00	211.337,14	161.697,25	33,55	130,70
Prihodi od naknade za korištenje građevinskog zemljišta	0,00	0,00	0,00	0,00	#DIJ/0!
Prihodi od komunalne naknade	760.000,00	71.487,50	61.987,50	9,41	115,33
Naknada za korištenje šuma	20.000,00	0,00	0,00	0,00	#DIJ/0!
Naknada za tehnički prijem građevina i legalizaciju	90.000,00	25.905,10	37.421,40	28,78	69,23
Naknada za korištenje podataka premjera i katastarsa	22.000,00	11.511,38	11.694,52	52,32	98,43

Naknada za vršenje usluga iz oblasti premjera i katastara	260.000,00	120.394,00	130.102,42	46,31	92,54
Naknade za upotrebu cesta za vozila pravnih lica	250.000,00	112.064,19	112.560,44	44,83	99,56
Naknade za upotrebu cesta za vozila građana	380.000,00	194.512,33	185.051,93	51,19	105,11
Posebne naknade za zaštitu od prirodnih i drugih nesreća	600.000,00	296.121,92	279.201,81	49,35	106,06
Naknade za protivpožarnu zaštitu od osiguravajućih društava	3.000,00	1.024,24	1.396,36	34,14	73,35
Općinske administrativne naknade	70.000,00	39.650,53	46.091,40	56,64	86,03
Sredstva taksi prijevoznika za održavanje i gradnju taksi stajališta	4.000,00	0,00	3.816,00	0,00	0,00
Prihodi od pružanja usluga PVJ	55.000,00	19.567,36	25.474,45	35,58	76,81
Novčane kazne i ostali prihodi	125.000,00	73.711,07	62.785,83	58,97	117,40
Novčane kazne po općinskim propisima	5.000,00	4.312,00	1.643,00	86,24	262,45
Prihodi raspoređeni od JP RAD Tešanj po osnovu funkcionisanja parkinga	60.000,00	45.000,00	34.154,81	75,00	131,75
Ostali neporezni prihodi	60.000,00	24.399,07	26.988,02	40,67	90,41
III TEKUĆI GRANTOVI	1.940.000,00	890.775,60	735.756,34	45,92	121,07
Primljeni transferi od inostranih vlada i međunarodnih organizacija	20.000,00	0,00	0,00	0,00	#DIJ/0!
Primljeni grantovi od Kantona - Fond za zaštitu okoliša	550.000,00	311.553,22	225.278,22	56,65	138,30
Primljeni tekući grantovi viših nivoa vlasti i fondova (sredstva za samozapošljavanje, stipendije i druge potrebe boračkih populacija i drugo)	1.370.000,00	579.222,38	510.478,12	42,28	113,47
IV KAPITALNI GRANTOVI I PRIMICI	6.590.000,00	2.973.094,22	1.203.270,36	45,12	247,08
Primljeni kapitalni transferi od inostranih vlada i međunarodnih organizacija	700.000,00	111.181,93	223.491,99	15,88	49,75
Primljeni kapitalni grantovi viših nivoa vlasti, fondova i drugih izvora	2.780.000,00	2.055.840,29	861.359,07	73,95	238,67
Sredstva Fonda za zaštitu okoliša FBiH za projekt prikupljanja i prečišćavanja otpadnih voda i drugo	800.000,00	333.915,19	39.005,60	41,74	856,07
Sredstva vodnih naknada	1.400.000,00	428.153,01	0,00	0,00	#DIJ/0!
Namjenska sredstva za industrijske zone	400.000,00	0,00	-54.313,35	0,00	0,00
Učešće mjesnih zajednica, građana i pravnih lica u finansiranju projekta	150.000,00	20.885,00	33.280,00	13,92	62,76
Ostali kapitalni primici	10.000,00	0,00	41.806,53	0,00	0,00

Primici od prodaje građevinskog zemljišta i druge imovine	350.000,00	23.118,80	58.640,52	6,61	39,42
V PRENESENA SREDSTVA IZ PRETHODNE GODINE	6.862.000,00	6.862.134,05	4.960.537,13	100,00	138,33
Prenesena sredstva iz prethodne godine – neraspoređeni dio	576.000,00	575.462,17	0,00	99,91	#DIJ/0!
Prenesena sredstva iz prethodne godine za realizaciju projekata	5.075.000,00	5.075.671,88	4.463.691,58	100,01	113,71
Prenesena namjenska sredstva Fonda za vatrogastvo i sredstva za zaštitu i spašavanje	1.211.000,00	1.211.000,00	496.845,55	100,00	243,74
VI FINANSIRANJE	300.000,00	22.124,96	187.548,64	7,37	11,80
Kredit za "Projekt prikupljanja, odvodnje i prečišćavanja otpadnih voda na području općine Tešanj" iz sredstava EIB-a, po Ugovoru sa Ministarstvom finansija FBiH	300.000,00	22.124,96	187.548,64	7,37	11,80
SVEUKUNO PRIHODI, PRIMICI I FINANSIRANJE	39.642.000,00	22.179.219,77	17.102.484,59	55,95	129,68

Tabela 1. – Ostvarenje prihoda, primitaka i finansiranja Budžeta za I polugodište 2026. godine sa ostvarenjem 2025. godine.

2/1 Porezni prihodi

Porezni prihodi planirani su u iznosu od **19.142.000,00 KM**, a u I polugodištu 2026. godine ostvareni su u iznosu od **9.433.434,52 KM**, odnosno **49,28%** godišnjeg plana. U odnosu na isti period prethodne godine, kada su iznosili **7.791.984,90 KM**, ostvareni su u većem iznosu za **1.641.449,62 KM**, odnosno za oko **21%**.

Najznačajniji rast ostvaren je kod **poreza na imovinu**, koji je realizovan u iznosu od **1.729.351,06 KM**, odnosno **118,22%** linearno planiranog polugodišnjeg iznosa. U okviru ove podgrupe posebno se izdvaja **porez na promet nepokretnosti**, ostvaren u iznosu od **1.235.017,28 KM**, odnosno **121,49%** linearno planiranog polugodišnjeg iznosa. Rast ovih prihoda rezultat je povećanog prometa nekretnina, kao i izmjene zakonske regulative ZDK, što je bio jedan od osnova za izradu rebalansa Budžeta već u martu 2026. godine.

Izuzev dvije podgrupe prihoda koje se odnose na poreze po staroj zakonskoj regulativi, (ukupno planirani prihod iznosi svega **2.000,00 KM**), sve ostale osnovne podgrupe poreznih prihoda ostvarene su u rasponu od približno **92% do 118%** linearno planiranog polugodišnjeg nivoa.

Nešto manje ostvarenje zabilježeno je kod **prihoda od indirektnih poreza za finansiranje autocesta u Federaciji BiH (dio koji pripada općinama)**, koji su ostvareni sa **84,70%** linearno planiranog iznosa.

Ovi prihodi zavise od raspodjele prihoda sa državnog nivoa i dinamike uplata, te njihovo ostvarenje nije pod direktnim uticajem Općine.

Na osnovu navedenog može se zaključiti da su porezni prihodi ostvareni na približno planiranom polugodišnjem nivou Budžeta, uz neznatno odstupanje od svega **0,62%** u odnosu na linearni plan, dok ostvarenje u odnosu na isti period prethodne godine potvrđuje nastavak pozitivnog trenda rasta poreznih prihoda (rast od 21%).

Potrebno je naglasiti da je, u skladu sa dinamikom priliva pojedinih vrsta poreznih prihoda tokom godine, ovakav nivo ostvarenja iznad očekivanog, budući da se značajan dio poreznih prihoda ostvaruje u drugoj polovini godine. Navedeno potvrđuju i **Projekcije prihoda Federalnog ministarstva finansija iz maja 2026. godine**, kojima je izvršena korekcija naviše u odnosu na projekcije iz oktobra 2025. godine. Shodno tome, do kraja budžetske godine može se očekivati ostvarenje poreznih prihoda na nivou planiranog, uz mogućnost njihovog djelimičnog uvećanja.

2/2 Neporezni prihodi

Neporezni prihodi planirani su u iznosu od **4.808.000,00 KM**, a u prvom polugodištu 2026. godine ostvareni su u iznosu od **1.997.656,42 KM**, odnosno **41,55%** godišnjeg plana. U odnosu na isti period prethodne godine, kada su iznosili **2.223.387,22 KM**, ostvareni su u manjem iznosu za **225.730,80 KM**, odnosno za **10,15%**.

Od ukupno tri podgrupe neporeznih prihoda, dvije su ostvarene iznad linearno planiranog polugodišnjeg nivoa, dok je najveća podgrupa ostvarena ispod planirane dinamike.

Podgrupa **Prihodi od poduzetničkih aktivnosti i imovine** ostvarena je u iznosu od **310.727,86 KM**, odnosno **56,29%** godišnjeg plana i sa **113,52%** linearno planiranog polugodišnjeg nivoa, odnosno za **13,52%** iznad linearno definisanog plana. Najveće učešće u ovoj podgrupi imaju prihodi od davanja prava na eksploataciju prirodnih resursa, koji su ostvareni u iznosu od **217.513,31 KM**, odnosno **12,47%** iznad planiranog nivoa, dok su prihodi od kamata na depozite ostvareni za **72,86%** iznad plana.

Podgrupa **Novčane kazne i ostali prihodi** ostvarena je u iznosu od **73.711,07 KM**, odnosno **58,97%** godišnjeg plana i sa **118,92%** planiranog polugodišnjeg nivoa, odnosno za **18,92%** iznad plana. Veće ostvarenje rezultat je prvenstveno prihoda ostvarenih od JP Rad d.d. Tešanj po osnovu godišnjeg obračuna prihoda od naplate parkinga, kao i većeg ostvarenja novčanih kazni po općinskim propisima.

Najveća podgrupa neporeznih prihoda odnosi se na **naknade, takse i prihode od pružanja javnih usluga**, koji su ostvareni u iznosu od **1.613.217,49 KM**, odnosno **39,05%** godišnjeg plana i sa **78,75%** planiranog polugodišnjeg nivoa, odnosno **21,25%** ispod plana. Najveće odstupanje zabilježeno je kod prihoda od **komunalne naknade**, koji su ostvareni sa svega **18,97%** planiranog polugodišnjeg iznosa. Razlog tome je usvajanje Izmjena i dopuna Odluke o općinskim komunalnim naknadama, kojom je proširen obuhvat obveznika u V i VI zoni. Kako je u toku priprema i donošenje rješenja za nove obveznike, kao i sama izrada rješenja za postojeće obveznike, veći dio prihoda očekuje se u drugoj polovini godine, zbog čega se do kraja godine očekuje ostvarenje na planiranom nivou.

S druge strane, pojedine vrste prihoda ostvarene su iznad planiranog nivoa, među kojima se izdvajaju **sredstva Fonda za vatrogastvo**, ostvarena sa **165,14%** planiranog polugodišnjeg iznosa, odnosno za **65,14%** iznad plana. Razlog tome je plaćanje od strane obveznika odmah po prijemu rješenja kojim se obaveza formira, tako da se na godišnjem nivou ne očekuje uvećano ostvarenje iznad visine razreza, a koji je usklađen sa planom Budžeta.

Pored Fonda za vatrogastvo, uvećano ostvarenje je evidentirano i kod prihoda od naknade za upotrebu cesta za vozila građana (**103,22%**), te općinskih administrativnih naknada (**114,23%**).

Na osnovu navedenog može se zaključiti da su neporezni prihodi u prvom polugodištu ostvareni ispod linearno planiranog nivoa prvenstveno zbog dinamike naplate pojedinih vrsta naknada i taksi, dok se, imajući u vidu karakter ovih prihoda i dosadašnju dinamiku njihovog ostvarivanja, očekuje veće ostvarenje u drugoj polovini godine.

2/3 Tekući grantovi

Ova grupa prihoda je ostvarena u manjem obimu od linearno planiranog polugodišnjeg nivoa za **7,41%**, odnosno **71.251,80 KM**. Razlog za to je dinamika realizacije planiranih aktivnosti i programa kao što su stipendije Ministarstva obrazovanja i drugo. Proces dodjele stipendija Ministarstva i doznaka ovih sredstava se očekuje u drugoj polovini godine.

Na godišnjem nivou se može očekivati ostvarenje ove grupe prihoda u potpunosti.

2/4 Kapitalni grantovi i primici

Kapitalni grantovi i primici su ostvareni u visini od **2.973.094,22 KM**, sa umanjnjem u odnosu na polugodišnji planirani nivo od **294.823,59 KM**.

Ponovo naglašavamo da se grant sredstva različito transferišu u zavisnosti od uslova definisanih javnim pozivom i ugovorima, te se različito realizuju po godinama. Jednim dijelom, kao što je slučaj sa grantovima po pozivu Vlade Federacije BiH, sredstva se transferišu odmah općinama/gradovima, a potom se vrši pravljenje utroška po realizaciji. Veći dio grantova se doznava u vidu refundacije, po okončanju realizacije projekta ili dijela projekta uz dostavu računa i dokaza o plaćanju za izvedene radove.

Stoga se u narednom periodu očekuje doznaka sredstava za projekte koji su već u realizaciji ili su realizovani u cjelini, a potom se čeka doznaka sredstava koja su već odobrena i ugovorena.

Pored toga, Općina po javnim pozivima institucija viših nivoa vlasti koji su planirani usvajanjem budžeta i planova finansiranja, kandiduje niz projekata, kao što je to bio slučaj i proteklih godina. Rezultati javnih poziva se objavljuju tokom cijele godine, a potom se ugovara njihova implementacija.

Shodno tome, kontinuirano se potpisuju ugovori o dodjeli grant sredstava Općini i očekuje se njihovo dalje potpisivanje u narednom periodu.

2/5 Prenesena sredstva iz prethodne godine

Prenesena sredstva su u cijelosti iskazana u okviru Izvještaja o izvršenju Budžeta za 2025. godinu i ona iznose ukupno 6.862.134,05 KM. Kao što je to već naglašeno, ova sredstva su veća od prvobitno planiranog nivoa, zbog čega je već izvršeno usklađivanje odgovarajućih budžetskih pozicija sa prenesenim ugovorima na martovskoj sjednici Općinskog vijeća. U okviru rebalansa i Izvještaja za 2025. godinu data su pojašnjenja razloga prijenosa i njegov raspored u cjelini.

2/6 Finansiranje – kreditno zaduženje

Finansiranje je realizovano sa povlačenjem manjeg dijela sredstava kredita za 92,63% od ukupno planiranih sredstava, a povučena sredstva iznose 22.124,96 KM. Dalje povlačenje kreditnih sredstava će

se vršiti po okončanju pojedinih faza radova i dostavi faktura izvođača radova, a kao razlika od sredstava koja će biti povučena po osnovu odobrenog IPA granta za isti projekt zbrinjavanja otpadnih voda.

Izveštaj o ukupnom dugu za II kvartal 2026. godine se nalazi u materijalima.

3/ Ostvarenje rashoda i izdataka Budžeta

U okviru načinjenog tabelarnog pregleda (Tabela 2.) iskazano je izvršenje rashoda, izdataka i povrata sredstava finansiranja Budžeta Općine Tešanj za I polugodište 2026. godine u ukupnoj visini od **9.902.604,20KM**. Ovakvo ostvarenje u odnosu na proteklu godinu, koje je iznosilo **8.823.813,50 KM**, je **veće za 12,23%**.

Umanjeno ostvarenje rashoda i izdataka budžeta je uobičajeno vezano za dinamiku realizacije kapitalnog dijela, kao i dijela stavki tekućeg budžeta vezano za opštedruštvene potrebe (tekuće održavanje infrastrukture). Ova dinamika realizacije kapitalnog dijela Budžeta se dodatno odražava na ukupno ostvarenje u tekućoj godini zbog visokog učešća u Budžetu od 50,57%, dok sa sredstvima tekućeg održavanja čini više od polovine općinskog Budžeta (preko 61%).

Ostvarenje rashoda, izdataka i povrata sredstava finansiranja Budžeta Općine Tešanj za I polugodište 2026. godine je iskazano u narednom tabelarnom pregledu.

NAZIV POZICIJE BUDŽETA	BUDŽET ZA 2026. GODINU	OSTVARENJE BUDŽETA ZA I POLUGODIŠTE 2026. GODINU	OSTVARENJE BUDŽETA ZA I POLUGODIŠTE 2025. GODINU	PRO-CENT 3/2	PRO-CENT 3/4
1	2	3	4	5	6
I SREDSTVA ZA PLATE I NAKNADE	4.670.000,00	2.252.099,43	2.055.934,95	48,22	109,54
Bruto plate i naknade plata Organa uprave	3.800.000,00	1.794.526,80	1.562.295,34	47,22	114,86
Naknade troškova zaposlenih - prijevoz radnika	75.000,00	24.598,72	27.994,66	32,80	87,87
Naknade troškova zaposlenih - topli obrok	370.000,00	156.311,29	153.124,76	42,25	102,08
Naknade troškova zaposlenih - regres	85.000,00	72.615,00	74.932,50	85,43	96,91
Ostale naknade troškova zaposlenih (otpremnine, naknade za liječenje, smrtnu pomoć, jednokratne pomoći i dr.)	80.000,00	79.607,51	43.910,00	99,51	181,30
Nagrade zaposlenim za postignute rezultate rada	50.000,00	24.777,34	21.352,38	49,55	116,04
Doprinosi poslodavca na plate i naknade Organa uprave	210.000,00	99.662,77	172.325,31	47,46	57,83
II SREDSTVA ZA MATERIJAL, ENERGIJU I USLUGE	6.015.000,00	1.880.824,24	1.608.871,09	31,27	116,90

1. Direktni materijalni rashodi organa uprave	1.822.000,00	710.555,23	656.194,23	39,00	108,28
Troškovi službenih putovanja u zemlji i inostranstvu	13.000,00	6.366,85	4.410,20	48,98	144,37
Izdaci za električnu energiju i grijanje	296.000,00	129.893,95	120.200,62	43,88	108,06
Izdaci telefonskih, komunikacijskih i poštanskih usluga	130.000,00	40.784,96	47.587,59	31,37	85,71
Izdaci za vodu, odvoz smeća i kanalizaciju Organa uprave	19.000,00	5.352,78	4.943,58	28,17	108,28
Kancelarijski i ostali materijal	95.000,00	43.711,26	57.101,90	46,01	76,55
Izdaci za usluge prijevoza, goriva i registracije motornih vozila	46.000,00	20.267,52	15.173,77	44,06	133,57
Unajmljivanje imovine i opreme	21.000,00	7.363,34	1.831,63	35,06	402,01
Materijal i usluge za tekuće održavanje zgrada	20.000,00	5.939,80	2.431,28	29,70	244,31
Materijal i usluge za održavanje i popravak opreme	18.000,00	4.124,89	3.931,52	22,92	104,92
Materijal i usluge za održavanje i popravak vozila	35.000,00	8.100,04	15.763,88	23,14	51,38
Troškovi osiguranja i bankarske usluge	28.000,00	6.887,41	4.215,13	24,60	163,40
Reprezentacija	32.000,00	20.633,78	18.150,27	64,48	113,68
Promotivno-reklamni materijal Općine, promocija turističkih potencijala i drugih vrijednosti lokalne zajednice	29.000,00	5.800,00	11.045,83	20,00	52,51
Izdaci za javno informisanje, štampanje i medije (službena glasila, časopisi i dr. literatura, izrada biltena, usluge štampanja, internet stranica i drugo)	61.000,00	11.883,39	20.721,92	19,48	57,35
Oglašavanje putem medija (informisanje javnosti o radu Vijeća, Organa uprave i drugo)	60.000,00	24.859,10	16.404,30	41,43	151,54
Oglašavanje po Zakonu o javnim nabavkama	18.000,00	6.877,00	6.811,90	38,21	100,96
Troškovi stručnog usavršavanja i obuke	12.000,00	4.250,50	3.717,26	35,42	114,34
Kompjuterske usluge (održavanje baza podataka, aplikacije, obuka i drugo)	30.000,00	11.438,20	10.873,90	38,13	105,19
Ugovori o djelu (neto iznos)	55.000,00	26.830,00	10.722,50	48,78	250,22
Naknade za angažman biračkih odbora i drugo (neto iznos)	37.000,00	0,00	0,00	0,00	#DIJ/0!
Izdaci za volonterski rad po osnovu ugovora	40.000,00	19.435,47	15.443,12	48,59	125,85
Rad općinskih komisija (neto iznos)	160.000,00	55.282,65	72.612,98	34,55	76,13
Naknade vijećnicima (neto iznos)	278.000,00	126.637,00	93.752,92	45,55	135,08
Naknade Općinskoj izbornoj komisiji (neto iznos)	53.000,00	15.080,65	15.745,00	28,45	95,78
Porez i doprinosi po ugovorima o djelu i ostalim angažmanima fizičkih lica	115.000,00	58.858,54	51.663,00	51,18	113,93
Usluge vještačenja i drugi troškovi vođenja postupaka i prinudna izvršenja	40.000,00	9.160,60	2.800,00	22,90	327,16

Troškovi certificiranja i održavanja certifikata organa uprave	12.000,00	3.891,40	4.484,72	32,43	86,77
Ostale ugovorene i nespomenute usluge (osiguranje objekata, skeniranje katastarske dokumentacije, takse, naknade i drugo)	69.000,00	30.844,15	23.653,51	44,70	130,40
2. Ostale usluge za opštredruštvene potrebe	4.193.000,00	1.170.269,01	952.676,86	27,91	122,84
Program zaštite od prirodnih nesreća (obuka, rad Štaba CZ, tekuće opremanje i dr.)	40.000,00	6.240,00	8.201,10	15,60	76,09
Ostale medicinske usluge - deratizacija, uklanjanje uginulih životinja, uzorkovanje i druge analize	37.000,00	15.050,60	915,48	40,68	1.644
Ostale komunalne usluge - utrošak električne energije za javnu rasvjetu	520.000,00	192.939,61	186.136,16	37,10	103,66
Ostale komunalne usluge - sanacija javne rasvjete, ukrasne rasvjete i svjetlećih znakova	90.000,00	12.043,50	24.338,17	13,38	49,48
Održavanje autobuskih stajališta, dječijih igrališta, oglasnih tabli, zaštitnih ograda i spomen obilježja	70.000,00	35.820,72	19.659,11	51,17	182,21
Komunalno uređenje (program komunalne higijene, uređenje javnih površina, ukrašavanje javnih objekata, parkova i ulica za vrijeme praznika, numeracija objekata, uklanjanje divljih deponija i dr.)	760.000,00	278.618,09	230.719,99	36,66	120,76
Program uređenja potpornih zidova, novih zelenih površina i cvijetnjaka	80.000,00	0,00	0,00	0,00	#DIJ/0!
Podrška projektima prema usvojenoj Strategiji razvoja – tekuće aktivnosti i operativni troškovi realizacije	50.000,00	9.436,00	10.000,00	18,87	94,36
Zimsko održavanje puteva prema usvojenom Programu (mreža lokalnih puteva Općine)	450.000,00	193.512,17	146.391,50	43,00	132,19
Održavanje i sanacija makadamskih puteva, propusta i priključaka	340.000,00	100.688,91	82.951,62	29,61	121,38
Održavanje asfaltnih puteva i ulica (sanacija udarnih rupa, devijacija i drugih oštećenja)	1.250.000,00	245.945,83	226.117,94	19,68	108,77
Postavljanje i održavanje horizontalne i vertikalne signalizacije	122.000,00	16.404,18	0,00	13,45	#DIJ/0!
Uređenje taksi stajališta iz namjenskih sredstava	4.000,00	0,00	0,00	0,00	#DIJ/0!
Interventne i preventivne mjere - ublažavanje i otklanjanje posljedica prirodne nesreće i sprečavanje nastanka novih šteta	380.000,00	63.569,40	17.245,79	16,73	368,61
III TEKUĆI GRANTOVI (TRANSFERI), KAMATE I SREDSTVA REZERVII	8.600.000,00	3.276.783,75	2.710.961,97	38,10	120,87

1. Grantovi mjesnim zajednicama	915.000,00	435.179,00	379.341,00	47,56	114,72
Grantovi mjesnim zajednicama za redovnu djelatnost i knjigovodstvene usluge	480.000,00	224.110,00	176.480,00	46,69	126,99
Zimsko održavanje puteva prema usvojenom Programu (mreža lokalnih puteva Općine) putem mjesnih zajednica prema pojedinačnim sporazumima	345.000,00	157.150,00	134.406,00	45,55	116,92
Grantovi mjesnim zajednicama za održavanje javne rasvjete sa zamjenom postojećih svjetiljki energetski efikasnijim	90.000,00	53.919,00	68.455,00	59,91	78,77
2. Grantovi socijalne zaštite i pomoći	2.168.000,00	1.137.014,77	927.425,78	52,45	122,60
Grant Centru za socijalni rad Tešanj	620.000,00	310.000,02	285.000,00	50,00	108,77
Grant Centru za socijalni rad Tešanj za sufinansiranje rada komisije za utvrđivanje stepena invalidnosti lica sa teritorije općine Tešanj i sredstva putem Organa uprave	4.000,00	2.000,00	4.000,00	50,00	50,00
Grant Centru za socijalni rad Tešanj za nabavku ogrjeva za socijalno ugrožena lica	40.000,00	0,00	0,00	0,00	#DIJ/0!
Stalne socijalne pomoći Centra za socijalni rad Tešanj	85.000,00	42.499,98	41.500,02	50,00	102,41
Prošireni oblik socijalne zaštite - poboljšanje uslova za srednje obrazovanje učenika putem Centra za socijalni rad Tešanj i sufinansiranje prijevoza učenika srednjih škola	86.000,00	86.000,00	45.000,00	100,00	191,11
Jednokratne materijalne pomoći putem Centra za socijalni rad Tešanj	100.000,00	49.999,98	49.999,98	50,00	100,00
Jednokratne materijalne pomoći putem Centra za socijalni rad Tešanj djeci oboljeloj od specifičnih težih oboljenja (dijabetesmellitus, celijakija, multipla skleroza, cerebralna paraliza)	50.000,00	45.000,00	35.000,00	90,00	128,57
Stimulativne demografske mjere porođiljama (III, IV i više djece)	57.000,00	20.000,00	20.000,00	35,09	100,00
Stimulativne demografske mjere - podrška bračnim parovima za biomedicinski podpomognutu oplodnju	25.000,00	14.000,00	15.000,00	56,00	93,33
Sanacija i adaptacija stambenih prostora socijalno ugroženih lica i boračkih populacija	90.000,00	28.000,00	9.000,00	31,11	311,11
Sredstva za stambeno zbrinjavanje boračkih populacija iz Budžeta ZE-DO kantona	70.000,00	26.125,26	34.732,61	37,32	75,22
Sredstva za ostale pomoći boračkih populacija iz Budžeta ZE-DO kantona	350.000,00	244.516,30	173.214,00	69,86	141,16
Jednokratne materijalne pomoći putem ORVI Tešanj	37.000,00	18.499,98	15.000,00	50,00	123,33
Jednokratne materijalne pomoći putem Organizacije porodice šehida i pog.bor.Tešanj	37.000,00	18.499,98	15.000,00	50,00	123,33

Jednokratne materijalne pomoći putem JOB - Unije veterana Tešanj	49.200,00	24.600,00	18.600,00	50,00	132,26
Jednokratne materijalne pomoći Općine putem Udruženja penzionera	50.000,00	25.000,02	25.000,02	50,00	100,00
Jednokratne materijalne pomoći Općine putem Udruženje antifašista i boraca NOR-a u Tešnju za članove bez primanja	5.800,00	2.899,98	2.899,98	50,00	100,00
Sufinansiranje pravne zaštite boračkih populacija	30.000,00	0,00	0,00	0,00	#DIJ/0!
Sredstva za dobrovoljne davaoce krvi putem programa Crvenog križa Tešanj	27.000,00	13.500,00	10.416,65	50,00	129,60
Sufinansiranje projekta njega i pomoć u kući i starenje i zdravlje	30.000,00	9.999,99	9.000,00	33,33	111,11
Sredstva za dnevne aktivnosti pacijenata u Centru za mentalno zdravlje Doma zdravlja	5.000,00	2.500,02	2.500,02	50,00	100,00
Jednokratne materijalne pomoći putem organa uprave	130.000,00	67.580,00	47.630,00	51,98	141,89
Sredstva za podjelu robnih paketa najugroženijim licima	5.000,00	325,00	383,13	6,50	84,83
Grant za dnevni boravak djece sa poteškoćama u razvoju općine Tešanj	50.000,00	20.833,30	18.333,30	41,67	113,64
Subvencioniranje grijanja i komunalnih usluga i drugih potreba za penzionere i socijalno ugrožena lica	40.000,00	18.573,28	16.066,06	46,43	115,61
Sredstava za pomoć povratku raseljenih i izbjeglih lica i održavanje objekata kolektivnog smještaja	65.000,00	38.186,68	32.470,00	58,75	117,61
Sredstva za privremeno angažovanje nezaposlenih lica	30.000,00	7.875,00	1.680,01	26,25	468,75
3. Grantovi za kulturu, obrazovanje i mlade	1.798.000,00	472.304,49	476.066,35	26,27	99,21
Grantovi za projekte mladih i za mlade i podrška projektu Omladinska banka	100.000,00	55.894,00	44.558,94	55,89	125,44
Stambeno zbrinjavanje mladih	100.000,00	0,00	0,00	0,00	#DIJ/0!
Grant za predškolski odgoj	100.000,00	0,00	0,00	0,00	#DIJ/0!
Grantovi osnovnim školama	39.000,00	19.397,06	21.800,00	49,74	88,98
Nabavka školskog pribora i udžbenika za učenike prvih razreda osnovnih škola Tešnja	40.000,00	0,00	0,00	0,00	#DIJ/0!
Grant za posjetu završnih razreda osnovnih škola Srebrenici	28.000,00	0,00	0,00	0,00	#DIJ/0!
Grantovi srednjim školama	29.000,00	16.833,06	14.119,36	58,05	119,22
Program stipendiranja - Sredstva za stipendije Ministarstva obrazovanja i finansijska podrška školovanju iz budžeta Općine	350.000,00	0,00	0,00	0,00	#DIJ/0!
Sredstva za stipendije studentima boračkih populacija iz Budžeta ZE-DO kantona	230.000,00	66.075,00	94.525,00	28,73	69,90

Grant za postdiplomske studije i posebna dostignuća u obrzovanju, nauci i drugom	15.000,00	4.950,00	0,00	33,00	#DIJ/0!
Grant za izdavaštvo i podršku izdavaštvu	10.000,00	5.200,00		52,00	#DIJ/0!
Grant za angažovanje volontera u općinskim ustanovama i javnim preduzećima	15.000,00	0,00	0,00	0,00	#DIJ/0!
Grant Centru za kulturu i obrazovanje Tešanj (redovna djelatnost i održavanje zgrade)	240.000,00	120.000,00	118.749,98	50,00	101,05
Grant Muzeju Tešanj	59.000,00	29.500,00	26.500,00	50,00	111,32
Grant Općoj biblioteci Tešanj	60.000,00	30.000,00	26.500,00	50,00	113,21
Grantovi za promociju i unapređenje turističkih potencijala Općine i unapređenje kulturno-umjetničkih i drugih sadržaja na prostoru Tešnja	100.000,00	0,00	60.000,00	0,00	0,00
Grantovi ostalim organizacijama u oblasti kulture	55.000,00	16.500,00	8.500,00	30,00	194,12
Grant za Akademiju nauka i umjetnosti BiH	10.000,00	0,00		0,00	#DIJ/0!
Grant za Memorijalni centar Srebrenica	13.000,00	10.000,00	10.000,00	76,92	100,00
Podrška projektu UG Emaus - Centar za smještaj starih lica u Potočarima, opština Srebrenica	10.000,00	0,00	0,00	0,00	#DIJ/0!
Grant za podršku udruženju Srce za djecu oboljelu od raka	10.000,00	10.000,00		100,00	#DIJ/0!
Grant za uređenje i održavanje obilježja poginulih boraca i šehida (nišani, nadgrobni spomenici i drugo)	30.000,00	18.407,50		61,36	#DIJ/0!
Grantovi za obilježavanje praznika, jubileja, značajnih datuma Općine, kulturne i vjerske manifestacije i slično sa Programom obilježavanja tekovina odbrane 1992-95. i 1941-45. godine	155.000,00	69.547,87	50.813,07	44,87	136,87
4. Grantovi u oblasti sporta	983.000,00	483.733,27	386.965,37	49,21	125,01
Grantovi za rad sportskih klubova i društava i ljekarski pregled sportista	630.000,00	354.733,27	291.882,02	56,31	121,53
Grantovi klubovima i sportistima za izuzetne sportske rezultate	13.000,00	5.000,00	6.500,00	38,46	76,92
Grant za Sportski savez Općine Tešanj	10.000,00	0,00	4.000,00	0,00	0,00
Grant za Sportsko-rekreacioni centar za klizalište i škola klizanja (najam)	40.000,00	0,00	0,00	0,00	#DIJ/0!
Grant za Sportsko-rekreacioni centar za razvoj sporta, održavanje sportske infrastrukture, dječijih igrališta i poligona	240.000,00	100.000,00	84.583,35	41,67	118,23
Grantovi za razvoj sportske infrastrukture koja je na brizi sportskih	50.000,00	24.000,00	0,00	48,00	#DIJ/0!

kolektiva					
5. Grantovi udruženjima građana	222.000,00	103.100,00	80.723,33	46,44	127,72
Grantovi za rad udruženja od posebnog značaja za općinu Tešanj	132.000,00	56.400,00	48.883,33	42,73	115,38
Grantovi ostalim udruženjima građana za realizaciju projekata	90.000,00	46.700,00	31.840,00	51,89	146,67
6. Grantovi podrške privredi i ostalo	2.154.000,00	535.520,73	360.824,72	24,86	148,42
Grantovi za razvoj poljoprivrede	400.000,00	530,00	0,00	0,13	#DIJ/0!
Podrška drugim projektima iz oblasti poljoprivrede	50.000,00	26.328,09	22.369,68	52,66	117,70
Podrška razvoju start up ideja mladih	80.000,00	0,00	0,00	0,00	#DIJ/0!
Sredstva podrške za zapošljavanje i samozapošljavanje boračkih populacija iz Budžeta ZE-DO kantona	300.000,00	100.750,00	53.300,00	33,58	189,02
Grant sredstva za ublažavanje i otklanjanje posljedica prirodnih nesreća (namjenska i dodatna sredstva budžeta)	80.000,00	0,00	900,00	0,00	0,00
Grant sredstva za jedinice zaštite i spašavanja iz sredstava Fonda za vatrogastvo (DVD i drugi)	10.000,00	1.105,00		11,05	#DIJ/0!
Podrška sajamskim aktivnostima (Sajam privrede u Tešnju, sajam pčelarstva i drugo)	100.000,00	0,00	0,00	0,00	#DIJ/0!
Grant Agenciji za razvoj za bruto plate i naknade	105.000,00	52.500,00	47.500,02	50,00	110,53
Grant Agenciji za razvoj za materijalne troškove	43.000,00	21.499,98	20.500,02	50,00	104,88
Grant Agenciji za razvoj za podršku projektima	66.000,00	65.689,77	0,00	99,53	#DIJ/0!
Finansiranje Saveza općina i gradova FBiH	15.000,00	4.800,00	4.800,00	32,00	100,00
Grantovi za komunalne potrebe (uređenje fasada, zbrinjavanje pasa lualica i drugo)	250.000,00	50.953,00	50.870,00	20,38	100,16
Subvencioniranje usluga u javnom prijevozu	70.000,00	0,00	0,00	0,00	#DIJ/0!
Grantovi za podršku projektima prema usvojenoj Strategiji razvoja i akcionim planovima (džender akcioni plan, SECAP i drugi)	150.000,00	90.650,93	94.643,30	60,43	95,78
Grantovi klubovima vijećnika OV-a	105.000,00	52.500,00	52.071,25	50,00	100,82
Povrat poreza, izvršenja po presudama, prinudna izvršenja i sporazumna rješenja i otpis	330.000,00	68.213,96	13.870,45	20,67	491,79

8. Kamate i operativna budžetska rezerva	360.000,00	109.931,49	99.615,42	30,54	110,36
Kamate po osnovu kreditnog zaduženja	160.000,00	84.131,49	90.515,42	52,58	92,95
Operativna budžetska rezerva	200.000,00	25.800,00	9.100,00	12,90	283,52
IV KAPITALNI GRANTOVI (TRANSFERI) I IZDACI	20.047.000,00	2.361.782,55	2.291.596,47	11,78	103,06
1. Podrška projektima drugih izvora i utrošak namjenskih sredstava	7.541.000,00	646.799,34	989.328,20	8,58	65,38
Projekat prikupljanja, odvodnje i prečišćavanja otpadnih voda na području općine Tešanj	1.700.000,00	214.547,48	104.294,73	12,62	205,71
Izgradnja prečištača procjednih voda na deponiji komunalnog otpada Bukva	250.000,00	0,00		0,00	#DIJ/0!
Podrška projektima Evropske komisije i drugih institucija - općinsko učešće i drugo	375.000,00	6.000,00	0,00	1,60	#DIJ/0!
Podrška projektima i utrošak sredstava kapitalnih grantova viših nivoa vlasti i drugih izvora	640.000,00	285.435,03	64.224,92	44,60	444,43
Sufinansiranje projekata putne infrastrukture odobrenih po javnim pozivima ZE-DO kantona i FBiH	590.000,00	0,00	0,00	0,00	#DIJ/0!
Podrška projektima proizašlim iz realizacije projekta izgradnje autoputa na koridoru Vc	580.000,00	28.383,83	2.106,00	4,89	1.347,76
Sufinansiranje mjera energetske efikasnosti	200.000,00	0,00	145.423,21	0,00	0,00
Podrška Općine projektima organizacija i institucija van teritorije općine Tešanj	30.000,00	5.300,00	10.000,00	17,67	53,00
Rekonstrukcija raskrsnice Jelah	200.000,00	0,00	0,00	0,00	#DIJ/0!
Uređenje lokaliteta sportske dvorane Jelah i nabavka opreme	266.000,00	44.343,00	206.919,52	16,67	21,43
Utrošak sredstava od koncesija i naknade za korištenje šuma	410.000,00	0,00	0,00	0,00	#DIJ/0!
Opremanje civilne zaštite, jedinica i službi iz sredstava posebne naknade	1.110.000,00	0,00	448.477,04	0,00	0,00
Opremanje vatrogasne jedinice iz sredstava Fonda za vatrogastvo i budžeta	410.000,00	1.950,00	0,00	0,48	#DIJ/0!
Sredstva za uređenje Starog grada – Gradine Tešanj i očuvanje pisane i materijalne baštine	180.000,00	60.840,00	7.882,78	33,80	771,81
Uređenje industrijskih zona i poslovne infrastrukture	600.000,00	0,00	0,00	0,00	#DIJ/0!

2. Općinski projekti (novi projekti i nastavak započetih projekata)	6.675.000,00	702.031,66	1.027.618,68	10,52	68,32
Realizacija ranije ugovorenih i prenesenih projekata iz prethodnih godina	0,00	0,00	0,00	#DIJ/0!	#DIJ/0!
Uređenje centralnog spomen obilježja u Tešnju i obilježja na drugim lokalitetima	50.000,00	6.600,00	6.000,00	13,20	110,00
Revitalizacija rijeke Usore sa izradom riječnih pragova	200.000,00	4.000,00	0,00	2,00	#DIJ/0!
Uređenje izletišta Kiseljak	100.000,00	0,00	24.580,00	0,00	0,00
Uređenje i izgradnja odbojnih i zaštitnih ograda, trotoara, pješačkih i biciklističkih staza, autobuskih stajališta i javnih satova	682.000,00	137.928,14	16.344,41	20,22	843,89
Rekonstrukcija trotoara Kružni tok Tešanj - Bukva sa rekonstrukcijom kružnog toka	380.000,00	97.069,05	0,00	25,54	#DIJ/0!
Gradnja dječijih igrališta	20.000,00	0,00	138.787,06	0,00	0,00
Zamjena toplovoda pored zgrade Općine	180.000,00	0,00	0,00	0,00	#DIJ/0!
Nabavka dekorativne rasvjete i uređenje rasvjete u urbanim zonama Općine – zamjena postojećih svjetiljki LED rasvjetnim tijelima	124.000,00	0,00	0,00	0,00	#DIJ/0!
Eksproprijacija i otkup zemljišta	400.000,00	48.014,71	30.747,97	12,00	156,16
Izrada prostorno planske i druge projektne dokumentacije te projekata JPP	400.000,00	58.620,00	96.591,62	14,66	60,69
Vodosnabdijevanje (dodatne količine vode i razvoj distributivne mreže)	3.430.000,00	114.057,50	639.464,18	3,33	17,84
Izgradnja azila za pse - nova faza	30.000,00	0,00	0,00	0,00	#DIJ/0!
Uklanjanje arhitektonskih barijera za invalidna lica	50.000,00	0,00	0,00	0,00	#DIJ/0!
Nabavka opreme, objekata i vozila za potrebe funkcionisanja Organa uprave	200.000,00	13.920,92	7.605,00	6,96	183,05
Uređenje objekta Stara banka u Tešnju	40.000,00	0,00	0,00	0,00	#DIJ/0!
Uređenje prostora zgrade Narodne odbrane u Tešnju i dr.	250.000,00	139.516,22		55,81	#DIJ/0!
Informatička i druga oprema i nabavka softvera za Općinu (unapređenje hardverske infrastrukture, serverska oprema, digitalizacija usluga - e građevinska, tableti za Općinsko vijeće i drugo)	139.000,00	82.305,12	67.498,44	59,21	121,94

3. Preostala kapitalna ulaganja i grantovi	5.831.000,00	1.012.951,55	274.649,59	17,37	368,82
Kapitalna ulaganja (Plan kapitalnih investicija)	2.250.000,00	458.616,69	168.020,02	20,38	272,95
Rekonstrukcija dijela toplovodne mreže (sufinansiranje)	320.000,00	0,00		0,00	#DIJ/0!
Gradnja novog rezervoara Krndija i zamjena azbestnog cjevovoda Jevadžije-Krndija (sufinansiranje)	900.000,00	0,00		0,00	#DIJ/0!
Razvoj sportske infrastrukture	1.551.000,00	258.311,79	0,00	16,65	#DIJ/0!
Uređenje poligona Gimnazijalsko	0,00	9.056,95	0,00	#DIJ/0!	#DIJ/0!
Kapitalna ulaganja na objektu JU Centar za kulturu i obrazovanje Tešanj (kino sala i drugo)	330.000,00	206.966,12	2.664,15	62,72	7.768,5
Sufinansiranje kapitalnih ulaganja JU Doma zdravlja Tešanj	200.000,00	0,00	0,00	0,00	#DIJ/0!
Sufinansiranje kapitalnih ulaganja JU Opće bolnice Tešanj	200.000,00	0,00	0,00	0,00	#DIJ/0!
Adaptacija starog objekta JU Centra za socijalni rad Tešanj sa vanjskim uređenjem	0,00	0,00	48.465,42	#DIJ/0!	0,00
Grantovi za podršku projektima vjerskih zajednica i crkava	80.000,00	80.000,00	55.500,00	100,00	144,14
V POVRAT SREDSTAVA FINANSIRANJA	310.000,00	131.114,23	156.449,02	42,29	83,81
Otplate kredita EIB	270.000,00	131.114,23	131.114,23	48,56	100,00
Rezervisana sredstva za garancije date JP Toplana d.d. Tešanj i JP Rad d.d. Tešanj	40.000,00	0,00	25.334,79	0,00	0,00
UKUPNO RASHODI, IZDACI I FIANSNIRANJE	39.642.000,00	9.902.604,20	8.823.813,50	24,98	112,23

Tabela 2. – Ostvarenje rashoda, izdata i povrata sredstava finansiranja Budžeta za I polugodište 2026. godine, sa izvršenjem 2025. godine.

3/1 Analiza ostvarenja po grupama rashoda i izdataka

Sve grupe rashoda i izdataka pojedinačno su ostvarene bez prekoračenja planiranih polugodišnjih sredstava operativnog budžeta.

Procentualno ostvarenje po grupama rashoda i izdataka je iskazano u tabelarnom pregledu i tekstu koji slijedi.

R.br.	Grupa rashoda, izdataka i povrata kredita	Polugodišnji procent ostvarenja
1.	Sredstva za bruto plaće i naknade	96,45
2.a.	Direktni materijalni rashodi Organa uprave	78,00

2.b.	Opštedruštvene potrebe	55,82
3.	Tekući grantovi (transferi), kamate i sredstva rezervi	76,20
4.	Kapitalni grantovi (transferi) i izdaci	23,56
5.	Povrat sredstava finansiranja	84,59

Tabela 3. - Procentualno ostvarenje po grupama rashoda, izdataka i otplata kredita

1. **Sredstva za bruto plaće i naknade** predstavljaju grupu rashoda koja je posmatrano u cjelini ostvarena u manjem obimu od planiranog za **82.900,57 KM**, odnosno **3,55**.
Budući da je već izvršena isplata regresa na godišnjem nivou, do kraja godine se očekuje ostvarenje ispod planiranog nivoa, odnosno sa odgovarajućim uštedama po općinski budžet.
2. **Sredstva za materijal, energiju i usluge** posmatrana u cjelini realizovana su umanjeno za **1.126.675,76 KM**, odnosno **37,46%** u odnosu na linearno definisani polugodišnji plan. Posmatrano po podgrupama ostvarenje ovog dijela Budžeta je slijedeće:

- "**Direktni materijalni rashodi organa uprave**" realizovani su umanjeno za 22%, dok su u odnosu na 2025. godinu veći za 8,28%.

Potrebno je naglasiti, kao i prethodnih godina, da je umanjena realizacije ove podgrupe uzrokovana i neevidentiranjem dijela faktura koje se odnose na izvještajni period, a koje će tek prispjeti po isteku izvještajnog perioda, zbog čega iste nisu mogle biti uključene u Izvještaj. Evidentiranjem istih realizacija će biti daleko veća.

Pojedinačno posmatrano, određene stavke su ostvarene uvećano u odnosu na polugodišnji iznos planiranih sredstava. Dio stavki je uvećan sa rastom obima aktivnosti Organa uprave, kao što je slučaj sa stavkama „Rad općinskih komisija (neto iznos)“ i „Kancelarijski i ostali materijal“. Uvećano ostvarenje kancelarijskog materijala je vezano i za prijenos zaliha iz 2025. godine a koje će krajem godine biti stornirane u skladu sa Računovodstvenim politikama Općine.

- "**Ostale usluge za opštedruštvene potrebe**" realizovane su umanjeno za **44,18 %**, dok su u odnosu na 2025. godinu veći za **22,84%**.

Manji procent ostvarenja je rezultat prije svega dinamike utroška sredstava i provođenja javnih nabavki. Ističemo da je u prvom polugodištu u tri navrata bezuspješno provođen tender nabavke za usluge održavanje asfaltnih puteva i ulica (nije se javljao ni jedan ponuđač na jednom od lotova), tako da još uvijek nije ni ugovoren planirani iznos utrošak sredstava od blizu 300.000 KM.

Pored toga, kao i u slučaju prethodne podgrupe, fakture za izvedene radove, utrošak električne energije i slično u izvještajnom periodu, tek pristižu i bit će zaprimljene tokom jula, a da istovremeno neće biti iskazane u realizaciji I polugodišta.

U cjelini posmatrano ova podgrupa, nakon provođenja planiranih aktivnosti sa izmjenom dijela istih, može biti realizovana u približno planiranom obimu.

3. **Tekući grantovi (transferi), kamate i sredstva rezervi** posmatrano u cjelini realizovani su sa umanjnjem od **23,80%**, odnosno **1.023.216,25 KM** u apsolutnom iznosu. U odnosu na isti period prethodne godine, ostvarenje ove grupe rashoda je veće za **20,87%**.

Osnovni razlog umanjenog ostvarenja je dinamika realizacije stavki. Stoga ponovo ističemo da bi procent realizacije bio daleko veći da se iz analize isključe stavke koje su manje realizovane isključivo zbog uobičajene dinamike realizacije, kao što je slučaj sa stavkom „Grantovi za razvoj poljoprivrede“. Utrošak ovih sredstava se u skladu sa Programom podsticaja, realizuje u decembru mjesecu po obradi zahtjeva svih aplikanata, a ona iznosi 400.000,00 KM. Slično je i sa drugim poticajima.

Upravo je ova podgrupa „Podrška privredi i drugo“ u cjelini realizovana sa svega 49,72 % polugodišnjeg nivoa iz gore navedenog razloga.

S druge strane, podgrupa „Grantovi socijalne zaštite i pomoći“ realizovana je sa 104,89% linearno planiranog polugodišnjeg nivoa sredstava. Pojedine stavke su, zbog većeg iznosa doznačenih namjenskih sredstava viših nivoa vlasti ili zbog dinamike realizacije i iskazanih potreba korisnika budžetskih sredstava, ostvarene u većem iznosu od planiranog polugodišnjeg nivoa. I ove stavke će se u konačnici realizovati u planiranim godišnjim iznosima, korigovano za eventualno veće doznake namjenskih sredstva Kantona.

Podgrupa „Grantovi za kulturu, obrazovanje i mlade“ je realizovana sa 52,54% planiranog polugodišnjeg nivoa. Između ostalog razlog tome je spori proces dodjele stipendija Ministarstva obrazovanja, pa samim tim i podrške koju pruža Općina (350.000,00 KM). Pored toga niz aktivnosti je vezan za ljetni period i kulturno-umjetničke sadržaje u njemu. Stavka „Nabavka školskog pribora i udžbenika za učenike prvih razreda osnovnih škola Tešnja“ (40.000,00 KM) se realizuje početkom školske godine, tako da utroška sredstava u izvještajnom periodu nije ni bilo. Ovi grantovi će se realizovati u drugoj polovini godine.

Budžetska rezerva u izvještajnom periodu je utrošena u visini od 25.800,00 KM, odnosno u 12,90% planiranog godišnjeg nivoa. Budžetska rezerva iznosi 0,23% od ukupno ostvarenih poreznih i neporeznih prihoda u izvještajnom periodu.

Budžetska rezerva je korištena za slijedeće namjene:

R.br.	Datum rješenja	Primalac sredstava	Svrha doznake	Iznos sredstava
1	2	3	4	5
1	26.02.2026	Pejić Senka iz Mekiša	Pomoć za prevazilaženje teške materijalne socijalne situacije	1.000
2	26.02.2026	Petković Milenko iz Kotlanica	Pomoć za prevazilaženje teške mater. situacije porodice izazvane bolešću djeteta	1.000
3	17.03.2026	Porodice poginulih boraca	Posjeta porodicama poginulih boraca za Ramazanski bajram	1.000
4	19.03.2026	Martinović Jasip	Pomoć za liječenje	2.000
5	16.04.2026	Ahmić Rukija	Pomoć za troškove nastalih gubitkom muzne krave	800
6	16.04.2026	Smajić Mirnes	Pomoć za liječenje i nabavku generatora aparata za srce	3.000
7	04.05.2026	Rahmanović Amela	Pomoć za liječenje u inostranstvu	2.000
8	25.06.2026	UG Porodica šehida i poginulih boraca	Sanacija i uređenje nišana šehidskih obilježja	15.000,00
SVEGA				25.800,00

Tabela 4. Utrošak sredstava operativne budžetske rezerve.

4. Kapitalni grantovi (transferi) i izdaci su u cjelini realizovani sa **23,56%** (2024. godine 35,48%, 2025. godine 28,25%).

Realizovani su i evidentirani projekti u visini od **2.361.782,55 KM** (2024. godine **2.232.163,08 KM**, 2025. godine **2.291.596,47 KM**).

Pored toga u proteklom periodu su provedeni postupci javnih nabavki za realizaciju kapitalnih projekata u visini od 5,43 milion KM uključujući i prenesene projekte iz prethodne godine. **To znači da se pored realizovanih radova od 2,36 miliona KM u različitim fazama realizacije nalaze ugovoreni radovi od 5,43 miliona KM, što ukupno čini 7,89 miliona KM.**

Kao i u slučaju tekućih rashoda Organa uprave (materijalni troškovi i opštedruštvene potrebe), dio radova ove grupe rashoda je već realizovan, ali fakture za izvedene radove u izvještajnom periodu pristižu i bit će zaprimljene tokom jula, a da istovremeno neće biti iskazane u realizaciji I polugodišta.

Posmatrano pojedinačno po osnovnim podgrupama kapitalnog dijela budžeta može se istaći slijedeće:

- **"1. Podrška projektima drugih izvora i utrošak namjenskih sredstava"** je realizovana sa 17,15 % linearno planiranog polugodišnjeg nivoa.

Kao što je već poznato međuzavisnost budžeta različitih nivoa vlasti je posebno izražena u okviru kapitalnog dijela budžeta, kroz obezbjeđenje namjenskih grant sredstava. Niz kapitalnih projekata je vezan za odluke drugih, a Općina je često prinuđena na čekanje konačnih odluka i potpisivanje sporazuma/ugovora za realizaciju kako bi započela postupke nabavki i dalje aktivnosti.

Ta ovisnost se u najvećoj mjeri ogleda u realizaciji ove podgrupe koja je, kako i sam njen naziv govori, vezana za druge izvore i realizaciju namjenskih sredstava.

Po pitanju realizacije ove grupe izdataka ističemo da Općina Tešanj kontinuirano ulaže napore za pripremu što većeg broja projekata za učešće u javnim pozivima/konkursima. Tako je u 2025. godini kandidovala 35 projekata po različitim javnim pozivima viših nivoa vlasti i fondova uz tražena sredstva grantova od 6,4 miliona KM. Tokom godine je odobreno 15 projekata sa 2,17 miliona KM. Deset projekata je još uvijek u proceduri odabira i dodjele sredstava, sa ukupnim iznosom od blizu 1 miliona KM. Za svaki od poziva postoje posebna pravila i rokovi kandidiranja, provođenja nabavke, izvještavanja i načina plaćanja koji su različiti, a prije svega svi oni nisu usklađeni sa budžetskim kalendarom.

- **"2. Općinski projekti (novi projekti i nastavak započetih projekata)"** je podgrupa koja je ostvarena sa 21,03 %, odnosno 702.031,66 KM.

Pored realizovanog, u okviru ove podgrupe su izvršene rezervacije sredstava za pojedinačne projekte koji su u implementaciji, a koji iznose 1,35 miliona KM. Rezervisana i realizovana sredstva čine 2,05 miliona KM što predstavlja 61% polugodišnjeg linearno definisanog iznosa podgrupe. Dio projekata ove podgrupe takođe je vezan za namjenska sredstva koja se posebno ugovaraju, kao što su vodne naknade, dok je dio projekata vezan za druge učesnike u realizaciji, kao što je rekonstrukcija trotoara i javne rasvjete od Šarenog mekteba do zgrade PU Tešanj sa uređenjem saobraćajnice i rekonstrukcijom instalacija (JP Rad, JP Toplana, ZDK).

- **"3. Preostala kapitalna ulaganja i grantovi"** su ostvareni sa 34,74%. U odnosu na 2025. godinu ovo ostvarenje je veće za 268,82%.

Razlog umanjenog ostvarenja je isključivo dinamika realizacije i provođenje postupaka javne nabavke. I u ovom slučaju su izvršene rezervacije od 1,73 miliona KM, tako da je dio projekata u visini od 2,75 miliona KM okončan ili je u implementaciji.

Za dio grantova kao što je slučaj sa vjerskim ustanovama sredstva su već raspoređena dodjelom putem odgovarajućih rješenja. Za drugi dio, kao što je slučaj sa Općom bolnicom Tešanj i Domom zdravlja Tešanj potpisuju se sporazumi o sufinansiranju projekata koji su planirani budžetskom stavkom sa doznakom sredstava istim. Najveći dio sredstava se realizuje postupkom javnih nabavki kao što je slučaj sa listom kapitalnih ulaganja, koja su u toku i čija realizacija se očekuje u potpunosti do kraja budžetske godine.

5. Povrat sredstava finansiranja je realizovan u približno planiranom obimu od 84,59% planiranih sredstava, u skladu sa planiranom dinamikom i planom amortizacije kredita.

4/ Zaključak

Izvršenje Budžeta u izvještajnom periodu slično je izvršenju prethodne dvije godine i po dinamici realizacije, visini izvršenja stavki, okolnostima prijenosa sredstava, postupcima kandidovanja i odobravanja grantova i slično.

U sve tri godine su nakon pravovremenog usvajanja budžeta, načinjene izmjene i dopune budžeta, kojim su korigovana sredstva prijenosa, prilagođeni prihodi novoj zakonskoj regulativi i uključena odobrena grant sredstava. Sve to je dovelo do uvećanja budžeta, posebno kapitalnog dijela uz uvećanje aktivnosti organa uprave na realizaciji kompleksnih postupaka nabavki za pojedinačne projekte koji se u najvećoj mjeri sufinansiraju od strane viših nivoa vlasti. Niz projekata se realizuje u višegodišnjem periodu, tako da se konstantno vrši i prijenos jednog dijela projekata. Upravo zbog toga je Parlament Federacije BiH u 2025. godini usvojio Izmjene i dopune Zakona o budžetima kojim je definisana mogućnost uključenja započetih projekata (projekti koji su ugovoreni, a realizacija nije okončana) u izvještaj o izvršenju tekućeg budžeta svih nivoa vlasti.

Znači, projekti koji su ugovoreni i koji se prenose u narednu godinu, što je slučaj kod nas, mogu se uključiti i u izvještaj o izvršenju budžeta tekuće godine. Mi ovu mogućnost nismo koristili, niti imamo namjeru za isto, bez obzira da li se radi o izbornoj ili neizbornoj godini.

Može se reći da je realizacija Budžeta općine Tešanj u prvih šest mjeseci bila u planiranoj i uobičajenoj dinamici uz korekciju načinjenu zbog vanrednih izmjena regulative i odobravanja grant sredstava. Proces usvajanja, njegovo planiranje je bilo pravovremeno, a početkom godine su pokrenuti svi procesi realizacije Budžeta, Plan javnih nabavki, javne nabavke, raspisivanje javnih poziva, ugovaranje realizacije općinskih grantova i drugo.

OPĆINA TEŠANJ OPĆINSKO VIJEĆE

OPĆINSKI NAČELNIK Suad Huskić, s.r.

Broj: 02-11-2-1729/26

Datum: 08.07.2026. godine

Na osnovu člana 12. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13), člana 13. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Službeni glasnik Općine Tešanj", broj: 3/23) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj 22. sjednici, održanoj 23.07.2026. godine, donosi

ODLUKU

o potvrđivanju liste najboljih kandidata za članove Nadzornog odbora JP TOPLANA d.d. Tešanj

Član 1.

Utvrđuje se konačna lista kandidata za Nadzorni odbor JP TOPLANA d.d. Tešanj – tri (3) člana kako slijedi:

- Muris Imamović
- Sanela Hadžibegović
- Jasmin Ogrić

Član 2.

U skladu sa članom 1. ove Odluke, Skupština JP TOPLANA d.d. Tešanj će imenovati članove Nadzornog odbora JP TOPLANA d.d. Tešanj.

Član 3.

Ova odluka stupa na snagu narednog dana od dana objave u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s.r.

Broj: 01-04-2-536-9/26

Datum: 24.07.2026.godine

Na osnovu člana 4. Zakona o ministarskim, vladinim i drugim imenovanjima FBiH ("Službene novine FBiH", broj 12/03, 34/03 i 65/13), Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Službeni glasnik Općine Tešanj", broj: 3/23) i člana 14. Statuta Općine Tešanj („Službeni glasnik Općine Tešanj”, broj: 11/07), Općinsko vijeće Tešanj na svojoj 23. Hitnoj sjednici, održanoj dana 23.07.2026. godine donosi

ODLUKU
o davanju saglasnosti za privremeno
imenovanje članova Nadzornog odbora
JP RAD d.d. Tešanj

I

Za članove Nadzornog odbora JP RAD d.d. Tešanj a koji ispunjavaju uslove u skladu sa odredbama Zakona o ministarskim, vladinim i drugim imenovanjima FBiH („Službene novine Federacije Bosne i Hercegovine“, broj: 12/03, 34/03 i 65/13), imenuju se:

1. Adis Muminović, dipl ing građevine,
2. Ernad Garić, dipl ing. mašinstva,

II

Ovom Odlukom daje se saglasnost Skupštini JP „RAD“ d.d. Tešanj, da imenuje dva (2) privremena člana Nadzornog odbora. Privremeni članovi Nadzornog odbora mogu biti imenovani do okončanja konkursne procedure za izbor i imenovanje članova Nadzornog odbora a najduže na period od tri mjeseca.

III

Imenovanje članova Nadzornog odbora je privremenog karaktera, na period najviše tri mjeseca i isto se ne može ponoviti.

IV

Rješenje stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSEDavajući VIJEĆA
Amir Kurtić, s.r.

Broj: 01-04-2-1704-34/26
Datum: 24.07.2026.godine

Na osnovu člana 13. Zakona o principima lokalne samouprave ("Službene novine Federacije BiH", broj: 49/06 i 51/09) i člana 14. Statuta Općine Tešanj ("Službeni glasnik Općine Tešanj", broj: 11/07) Općinsko vijeće Općine Tešanj na svojoj 22. redovnoj sjednici, dana 23.07.2026.godine, donosi

ODLUKU
o kupovini zemljišta i uspostavljanju služnosti

Član 1.

ODOBRAVA SE kupovina zemljišta u korist Općine Tešanj, koje je označeno kao: k.p.broj: 193/3 zv. "Luka" njiva 1. klase površine 6 m² upisano u PL broj: 172 za K.O. Tešanjka Penava (Ivan) Krunislav iz Žabljaka, Usora (k.č. broj: 9/40 za K.O. SPŽabljak).

Član 2.

ODOBRAVA SE uspostavljanje služnosti u korist Općine Tešanj, radi polaganja cijevi, na dijelu zemljišta, koje je označeno kao: k.p.broj: 193/1 upisano u PL broj: 172 za K.O. Tešanjka na Penava (Ivan) Krunislav iz Žabljaka (dio k.č. broj: 9/5 za K.O. SP Žabljak), na površini od 26 m², k.p.broj: 811/1 upisano u PL broj: 1154 za K.O. Medakovo na Džemo (Ramo) Čamil iz Medakova (dio k.č. broj: 4528/4 za K.O. SP Tešanj) na površini od 16 m², k.p.broj: 810/1 upisano u PL broj: 249 za K.O. Medakovo na Dugalić (Čazim) Fuad iz Medakova (dio k.č. broj: 4528/40 za K.O. SP Tešanj) u površini od 12 m².

Član 3.

Općinski načelnik će u ime Općine Tešanj zaključiti kupoprodajni ugovor u formi notarski obrađene isprave sa Penava (Ivan) Krunislavom iz Žabljaka, Usora, kao i poduzeti sve druge potrebne radnje za kupovinu zemljišta iz člana 1. ove Odluke.

Općinski načelnik će u ime Općine Tešanj sa Penava (Ivan) Krunislavom iz Žabljaka, Usora, Džemo (Ramo) Čamilom iz Medakova i Dugalić (Čazim) Fuadom iz Medakova, zaključiti ugovor u formi notarski obrađene isprave radi uspostavljanja služnosti - trajnog korištenja dijela zemljišta potrebnog za izgradnju i polaganje cijevi za odvodnju na zemljištu iz člana 2. ove Odluke.

Član 4.

Vrijednost zemljišta označenog kao k.p.broj: 193/3 površine 6 m² K.O. Tešanjka procijenjena je iznosu od 600,00 KM po m², od stalnog sudskog vještaka od 06.06.2026.g.

Član 5.

Naknada za trajno korištenje zemljišta potrebnog za izgradnju i polaganje cijevi za odvodnju u površini od 26 m² označenog kao dio k.p.broj: 193/1 K.O. Tešanjka procijenjena je u ukupnom iznosu od 1.770,30 KM, od stalnog sudskog vještaka 06.06.2026.g.

Naknada za trajno korištenje zemljišta potrebnog za izgradnju i polaganje cijevi za odvodnju za dio k.p.broj: 811/1 K.O. Medakovo u površini od 16 m² procijenjena je u ukupnom iznosu od 800,00 KM i za dio k.p.broj: 810/1 K.O. Medakovo u površini od 12 m² procijenjena je u ukupnom iznosu 600,00 KM, od stalnog sudskog vještaka 21.05.2026.g.

Član 6.

Troškove zaključivanja ugovora, provođenje ugovora i sve druge troškove nastale prilikom realizacije ove Odluke snosi Općina Tešanj.

Član 7.

Ova Odluka stupa na snagu narednog dana od dana objavljivanja u Službenom glasniku Općine Tešanj.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s.r.**

Broj: 01-27-1-2272-11/26

Datum: 24.07.2026.godine

Na osnovu člana 8. stav 3. alineja 9. i člana 13. stav 2. alineja 5. Zakona o principima lokalne samouprave ("Službene novine Federacije BiH", broj: 49/06 i 51/09) i člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj, na svojoj 22. redovnoj sjednici, održanoj dana, 23.07.2026.godine, donosi

O D L U K U

**o davanju saglasnosti za izgradnju novog
rezervoara za vodu „Krndija“**

Član 1.

DAJE SE saglasnost JP „RAD“ d.d. Tešanj za izgradnju novog rezervoara za vodu „Krndija“ zapremine V=2000m³ na k.p.br. 1563 površine 4775m² za K.O. Tešanj I.

Član 2.

Saglasnost iz Člana 1. ove Odluke će služiti za potrebe izdavanja odobrenja za građenje na ime investitora JP „RAD“ d.d. Tešanj i za potrebe ulaska

u posjed nekretnine, radi poduzimanja radnji na izgradnji rezervoara na nekretnini k.p.br. 1563 za K.O. Tešanj I.

Član 3.

Ovlašćuje se Općinski načelnik da može u ime Općine Tešanj sa JP „RAD“ d.d. Tešanj, zaključiti Sporazum/Ugovor, čiji je cilj građenje objekta - rezervoara za vodu.

Zaključenju Sporazuma/Ugovora će se pristupiti nakon što se Općina Tešanj, upiše u zemljišnim evidencijama kao vlasnik sa dijelom 1/1 na nekretnini iz člana 1. ove Odluke.

Član 4.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Amir Kurtić, s. r.**

Broj: 01-02-1-1899-6/26

Datum: 24.07.2026.godine

Na osnovu članova 13. i 35. Zakona o principima lokalne samouprave ("Službene novine Federacije BiH", broj 49/06 i 51/09) i člana 14. Statuta Općine Tešanj ("Službeni glasnik Općine Tešanj", broj 11/07), rješavajući po zahtjevu stranaka Almir Ramić, Aldin Ramić, Šaha Valentić, Azra Kotorić, i Adila Tokmić, Općinsko vijeće na svojoj 22. sjednici održanoj 23.07. 2026. godine donijelo je

Z A K L J U Č A K

I

Daje se saglasnost Almiru Ramiću, Aldinu Ramiću, Šahi Valentić, Azri Kotorić, i Adili Tokmić da mogu izvršiti promet parcela označenih kao k.č. broj 20/1, zv. „Palučak“ oranica/njiva 2. klase površine 2.064 m² (stari premjer 4488/14 K.O. Tešanj) i k.č. broj 20/3 zv. „Palučak“ oranica/njiva 2. klase površine 1.780 m² (stari premjer 4488/15 K.O. Tešanj), upisane u posjedovni list broj: 1197 K.O. Medakovo na ime podnosioca zahtjeva, te da Općina Tešanj po navedenom zahtjevu neće koristiti pravo preče kupnje zabilježeno u "C" listu ZK uloška broj 6994 K.O. SP_Tešanj.

II

Obavezuje se ZK ured Općinskog suda u Tešnju da teret zabilježen u "C" listu, nakon dozvoljenog prometa – prodaje ili poklona parcela označenih kao k.č. broj 20/1 K.O. Medakovo (stari premjer 4488/14

K.O. Tešanj) i 20/3 K.O. Medakovo (stari premjer 4488/15 K.O. Tešanj) po ovom zaključku, prenese na novog vlasnika.

III

Pravo preče kupnje Općina Tešanj ima na osnovu Rješenja o određivanju granice vodnog dobra uz rijeku Tešanjku, K.O. Medakovo, općina Tešanj broj 05-25-18815-32/16 od 28.12.2017.godine izdatog od strane Ministarstva za poljoprivredu, šumarstvo i vodoprivredu ZDK, a na osnovu Zakona o vodama FBiH ("Službene novine FBiH", broj 70/06) koje je u ZK ulošku broj 6994 K.O. SP_ Tešanj, zabilježeno dana 09.11.2018.godine pod brojem 039-0-DN-18-008 884.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-2-1574-3/26

Datum: 24.07.2026.godine

Općinsko vijeće Tešanj je na svojoj 22. sjednici održanoj dana 23.07.2026. godine, razmatrajući Dnevni red 23.sjednice Općinskog vijeća donijelo sljedeći

ZAKLJUČAK

Prihvata se prijedlog Općinskog načelnika da se u Dnevni red 22.sjednice Općinskog vijeća uvrsti prijedlog Odluke o davanju saglasnosti za izgradnju novog rezervoara za vodu „Krndija“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-02-1-1899-7/26

Datum: 24.07.2026.godine

Općinsko vijeće Tešanj je na svojoj 22. sjednici održanoj dana 23.07.2026. godine, razmatrajući Prijedlog Odluke o usvajanju Prostornog plana općine Tešanj za period 2025 – 2045, donijelo sljedeći

ZAKLJUČAK

Ne prihvata se Amandman vijećnika Numić Damira kojim predlaže da se u tekstualnom i grafičkom dijelu Prijedloga Prostornog plana općine Tešanj za period 2025 – 2045 izvrši izmjena planskog rješenja za katastarsku parcelu označenu kao k.č. 134/5, k.o. Kraševo, koja je u važećem prijedlogu planirana

kao poljoprivredno zemljište III bonitetne kategorije, na način da se za navedenu parcelu utvrdi poslovna namjena i omogući izgradnja poslovnog objekta.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-23-6-2453-71/18

Datum: 24.07.2026.godine

Općinsko vijeće Tešanj je na svojoj 22. sjednici održanoj dana 23.07.2026. godine, razmatrajući Prijedlog Odluke o potvrđivanju liste najboljih kandidata za članove Nadzornog odbora JP „RAD“ d.d. Tešanj, donijelo sljedeći

ZAKLJUČAK

Ne usvaja se Prijedlog Odluke o potvrđivanju liste najboljih kandidata za članove Nadzornog odbora JP „RAD“ d.d. Tešanj.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-04-2-1704-32/26

Datum: 24.07.2026. godine

Općinsko vijeće Tešanj je na svojoj 22. sjednici održanoj dana 23.07.2026. godine, razmatrajući Izvještaj o radu Općinskog vijeća za period 01.01. – 30.06.2026.godine, donijelo sljedeći

ZAKLJUČAK

Usvaja se Izvještaj o radu Općinskog vijeća za period 01.01. – 30.06.2026.godine.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Amir Kurtić, s. r.

Broj: 01-45-1-1828-2/26

Datum: 24.07.2026. godine

Na osnovu člana 17. Zakona o javnim nabavkama ("Službeni glasnik BiH" broj: 39/14, 59/22 i 50/24), člana 30. Statuta općine Tešanj (Službeni glasnik općine Tešanj" broj:11/07), a u skladu sa Budžetom Općine Tešanj za 2026. godinu ("Službeni glasnik Općine Tešanj", broj: 12/25 od 29.12.2025.godine), Odlukom o izvršenju budžeta Općine Tešanj za 2026. godinu ("Službeni glasnik Općine Tešanj", broj: 12/25) na prijedlog Službi općinski Načelnik donosi:

ODLUKU
o dopuni i izmjeni Plana nabavki općine Tešanj za 2026.godinu

I

Općina Tešanj, kao Ugovorni organ iz člana 4. Zakona o javnim nabavkama, po zahtjevu Službe za društvene djelatnosti i investicije i Službe za boračko-invalidsku zaštitu i opće poslove općine Tešanj Plan javnih nabavki za 2026.godinu dopunjuje tako što se u dijelu Plana javnih nabavki "radovi" dodaju tačke: 35., 36., 37., 38. i 39. koje glase

1	2	3	4	5	6	7	8	9	10	11	12	13
Redni broj nabavke	Naziv predmeta javne nabavke	Brojčana oznaka i naziv predmeta nabavke iz JRJN	Vrsta postupka	Podjela na lotove Da ili Ne	Vrsta ugovora (radovi/ usluge/r obe)	Ugovor o javnoj nabavi i ili okvirni sporazum	Period trajanja ugovora o javnoj nabavi ili okvirnog sporazuma	Procijenjena vrijednost javne nabavke u KM bez PDV-a	Okvirni datum pokretanja postupka javne nabavke	Izvori finansiranja (budžet općine/viši nivoi vlasti)	Godina za koju se Plan donosi	Dodatne napomene
	RADOVI dopuna											
35	Priprema terena i izvođenje zemljanih radova za potrebe hitne sanacije komunalne infrastrukture u ulici Patriotske lige u Tešnju, općina Tešanj	45112000-5	direktni	ne	radovi	ugovor	10 dana	5.610,00	10.07.26	Općina Tešanj	2026	
36	Rekonstrukcija i asfaltiranje ulice Hasana Kjačije Pruščaka u Jelahu	45000000-7	otvoreni	ne	radovi	ugovor	30 dana	42.735,04	10.07.26	Općina Tešanj	2026	
37	Izgradnja potpornog zida na Lokalnoj	45262310-7	otvoreni	ne	radovi	ugovor	30 dana	95.000,00	15.07.26	Općina	2026	

	cesti LC 11, dionica Kiseljak									Tešanj		
38	Izmještanje računarske i mrežne opreme u matičnom uredu u Jelahu	45314320-0	direktni	ne	radovi	ugovor	10 dana	4.679,49	20.07.26	Općina Tešanj	2026	
39	Radovi na izvođenju istražno-eksploatacione bušotine u MZ Džemilić Planje	45121000-1	otvoreni	ne	radovi	ugovor	30 dana	25.000,00	20.07.26	Općina Tešanj	2026	

II

Općina Tešanj, po zahtjevu Službe za društvene djelatnosti i investicije općine Tešanj Plan javnih nabavki za 2026.godinu dopunjuje se tako što se u dijelu Plana javnih nabavki "robe" dodaju tačke: 57., 58. i 59. koje glas:

	ROBE dopuna											
57	Nabavka klima uređaja	42512000-8	direktni	ne	robe	ugovor	30 dana	5.900,00	15.07.26	Općina Tešanj	2026	
58	Zvučna izolacija i prigušivač buke na pozornici sale u CKO Tešanj	44112600-4	direktni	ne	roba	ugovor	10 dana	4.450,00	10.07.26	Općina Tešanj	2026.	
59	Protupožarna klapna u ventilacionom sistemu	44480000-8	direktni	ne	roba	ugovor	10 dana	2.900,00	10.07.26	Općina Tešanj	2026.	

III

Općina Tešanj, po zahtjevu Službe za društvene djelatnosti i investicije općine Tešanj Plan javnih nabavki za 2026.godinu mijenja se tako što se u dijelu Plana javnih nabavki "radovi" mijenjaju tačke 29. i 30. koje glase:

	Radovi izmjena											
29	Izgradnja vodovoda Rovine-Hrvatinići, općina Tešanj	45332200-5	otvoreni	ne	radovi	ugovor	60 dana	55.555,00	10.07.26	Općina Tešanj	2026	
30	Rekonstrukcija Muhića potoka i izgradnja propusta u Kotlanicama, općina Tešanj	45000000-7	otvoreni	ne	radovi	ugovor	60 dana	38.461,54	10.06.26	Općina Tešanj	2026	

IV

Općina Tešanj, po zahtjevu Službe za društvene djelatnosti i investicije i Službe za katastar, urbanizam i imovinsko pravne poslove općine Tešanj Plan javnih nabavki za 2026.godinu mijenja se tako što se u dijelu Plana javnih nabavki "usluge" mijenjaju tačke 7. i 31. koje glase:

	USLUGE izmjena											
7	Posjeta Srebrenici učenika završnih razreda OŠ (prijevoz učenika)	60172000-4	konkurentski	ne	usluge	ugovor	100 dana	22.340,00	15.07.26	Budžet Općine	2026	
31	Izrada izmjene i dopune Idejnog Urbanističkog rješenja „Vrata Grada 2” za period 2026-2036, Izrada izmjene dijela Urbanističkog projekta "Tešanj-Centar" Tešanj i Izrada izmjene i dopune Regulacionog plana „Poslovna zona Bukva", Tešanj za period 2026-2036	71000000-8	otvoreni	da	usluge	ugovor	165 dana	27.000,00	15.07.26.	Budžet Općine	2026	

V

Ova Odluka objavit će se na Portalu javnih nabavki i web stranici ugovornog organa i čini sastavni dio Plana Javnih nabavki za 2026.godinu.

VI

Ova Odluka stupa na snagu danom donošenja i objavit će se u Službenom glasniku Općine Tešanj.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 02-02-2-250-6/2026

Datum: 03.07.2026.godine

Na osnovu člana 17. Zakona o javnim nabavkama ("Službeni glasnik BiH" broj: 39/14, 59/22 i 50/24), člana 30. Statuta općine Tešanj (Službeni glasnik općine Tešanj" broj:11/07), a u skladu sa Budžetom Općine Tešanj za 2026. godinu ("Službeni glasnik Općine Tešanj", broj: 12/25 od 29.12.2025.godine), Odlukom o izvršenju budžeta Općine Tešanj za 2026. godinu ("Službeni glasnik Općine Tešanj", broj: 12/25) na prijedlog Službi općinski Načelnik donosi:

ODLUKU
o dopuni i izmjeni Plana nabavki općine Tešanj za 2026.godinu

I

Općina Tešanj, kao Ugovorni organ iz člana 4. Zakona o javnim nabavkama, po zahtjevu Službe za finansije, privredu, komunalne i inspeksijske poslove i Službe za društvene djelatnosti i investicije općine Tešanj Plan javnih nabavki za 2026.godinu dopunjuje tako što se u dijelu Plana javnih nabavki "radovi" dodaju tačke: 40., 41., 42., 43., 44., 45. i 46. koje glase

1	2	3	4	5	6	7	8	9	10	11	12	13
Redni broj nabavke	Naziv predmeta javne nabavke	Brojčana oznaka i naziv predmeta nabavke iz JRJN	Vrsta postupka	Podjela na lotove Da ili Ne	Vrsta ugovora (radovi/ usluge/r obe)	Ugovor o javnoj nabavci ili okvirni sporazum	Period trajanja ugovora o javnoj nabavci ili okvirnog sporazuma	Procijenjena vrijednost javne nabavke u KM bez PDV-a	Okvirni datum pokretanja postupka javne nabavke	Izvori finansiranja (budžet općine/viši nivoi vlasti)	Godina za koju se Plan donosi	Dodatne napomene
	RADOVI dopuna											
40	Sanacija većih oštećenja asfaltnih površina (sanacija devijacija i drugih oštećenja)	45000000-7	otvoreni	da	radovi	ugovor	90 dana	343.500,00	10.08.26	Općina Tešanj	2026	
41	Sanacija betonskih podzida	45000000-7	otvoreni	ne	radovi	ugovor	60 dana	10.000,00	15.08.26	Budžet Općine	2026	
42	Orezivanje i uklanjanje suhih stabala u Poslovnoj zoni „Vila“ Bukva	45111220-6	direktni	ne	radovi	ugovor	30 dana	2.850,00	10.08.26	Općina Tešanj	2026	

43	Utopljanje, Objekat Srednjoškolskog centra u Tešnju i Objekat FK Borac, Jelah	45000000-7	otvoreni	da	radovi	ugovor	90 dana	435.000,00	30.07.26	Općina Tešanj/ Min.za nauku, kulturu i sport ZDK/Fed.mi ni.prost.ure.	2026	
44	Rušenje i izgradnja doma u Šijama	45000000-7	otvoreni	ne	radovi	ugovor	90 dana	171.000,00	30.07.26	Općina Tešanj/ Min.za nauku, kulturu i sport ZDK	2026	
45	Sanacija i asfaltiranje ceste nakon izgradnje kanalizacione mreže, općina Tešanj	45000000-7	otvoreni	ne	radovi	ugovor	30 dana	150.000,00	30.07.26	Općina Tešanj	2026	
46	Sanacija i izgradnja potpornog zida u blizini rijeke Tešanjke radi zaštite primarne kanalizacione mreže	45000000-7	otvoreni	ne	radovi	ugovor	60 dana	55.000,00	03.08.26	Općina Tešanj	2026	

II

Općina Tešanj, po zahtjevu Službe za finansije, privredu, komunalne i inspekcijske poslove i Službe za društvene djelatnosti i investicije Plan javnih nabavki za 2026.godinu dopunjuje se tako što se u dijelu Plana javnih nabavki "usluge" dodaju tačke 62. i 63. koje glase:

	USLUGE dopuna											
62	Usluga geometra za snimanje međnih linija i izrada skica snimanja na putevima i javnim površinama	7125000-5	konkurentski	ne	usluga	ugovor	12 mjeseci	10.000,00	10.08.26	Općina Tešanj	2026	
63	Izrada Glavnog projekta dogradnje ambulate porodične medicine na Jelahu	71242000-6	otvoreni	ne	usluga	ugovor	20 dana	10.500,00	05.08.26	Općina Tešanj	2026	

III

Općina Tešanj, po zahtjevu Službe za društvene djelatnosti i investicije općine Tešanj Plan javnih nabavki za 2026.godinu mijenja se tako što se u dijelu Plana javnih nabavki "radovi" mijenja tačka 19. koja glasi:

	RADOVI izmjena											
19	Sanacija trotoara rasvjete na dionici Šareni mekteb-benzinska pumpa Ina u Tešnju	45000000-7	otvoreni	da	radovi	ugovor	70 dana	360.000,00	30.07.26	Općina Tešanj	2026	

IV

Otkazuje se javna nabavke „Sanacija asfaltnih površina i devijacija uzorkovane klizištima i rješavanju kliznih površina“, pod rednim brojem 6. „radovi“, postupak nabavke otvoreni sa podjelom na lotove, iz razloga što je kod ispitivanja tržišta dokazano da prikupljene ponude prelaze procijenjenu vrijednost nabavke, trenutno nepostoji interes za realizaciju iste uz uvećanje procijenjene vrijednosti.

V

Ova Odluka objavit će se na Portalu javnih nabavki i web stranici ugovornog organa i čini sastavni dio Plana Javnih nabavki za 2026.godinu.

VI

Ova Odluka stupa na snagu danom donošenja i objavit će se u Službenom glasniku Općine Tešanj.

Broj: 02-02-2-250-7/2026

Datum: 27.07.2026.godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06 i 51/09), člana 30. Statuta Općine Tešanj („Službeni glasnik Općine Tešanj“, broj: 11/07) i člana 46. Zakona o budžetima u Federaciji BiH („Službene novine Federacije Bosne i Hercegovine“ broj: 102/13, 9/14, 13/14, 8/15, 102/15, 104/16, 5/18, 11/19, 99/19, 25A/22 i 7/25), Općinski načelnik donosi

P R A V I L N I K

o postupku naplate dospjelih, a nenaplaćenih potraživanja Općine Tešanj

OPŠTE ODREDBE

Član 1.

Ovim Pravilnikom uređuje se postupak naplate dospjelih, a nenaplaćenih potraživanja Općine Tešanj (u daljem tekstu: Općine) s ciljem osiguranja efikasnog nadzora i naplate prihoda Općine.

Član 2.

Prihodi se utvrđuju i naplaćuju shodno zakonskim propisima, općim i pojedinačnim aktima Općine.

Odredbe ovog Pravilnika odnose se na sva potraživanja Općine koja su prihod budžeta Općine, kao što su komunalna naknada, naknada za vatrogastvo, naknada za zakup zemljišta, naknada za zakup poslovnog prostora, računi za isporučene robe ili usluge kao i sva druga stalna ili povremena potraživanja.

MJERE, PROCEDURE I KRITERIJI NAPLATE POTRAŽIVANJA

Član 3.

Sve općinske službe su odgovorne za potpunu i pravovremenu naplatu prihoda i primitaka iz svoje nadležnosti, za njihovu uplatu u Budžet. Sve službe iz svoje nadležnosti su dužne provesti zakonom propisane mjere radi naplate potraživanja na osnovu ugovora ili bilo kojeg drugog potraživanja iz oblasti javnih prihoda.

Mjere naplate dospjelih, a nenaplaćenih potraživanja obuhvataju sljedeće radnje:

1. Usaglašavanje međusobno dospjelih potraživanja,
2. Opomena,
3. Mogućnost otplate duga u ratama, do godinu dana,
4. Pokretanje izvršnog postupka.

Član 4.

U slučaju postojanja obaveza Općine prema nekom dužniku, potrebno je izvršiti poravnanje međusobno dospjelih potraživanja. Službenik zadužen za unos ili likvidaciju ulaznih računa dužan je prilikom zaprimanja ulaznih računa dobavljača provjeriti da li isti ima dospjelih neizmirenih obaveza prema Općini. U slučaju postojanja neizmirenih obaveza potrebno je obavijestiti dužnika da će se provesti prebijanje/kompenzacija u skladu sa Zakonom o obligacionim odnosima.

Član 5.

Ukoliko pojedinačno potraživanje nije naplaćeno u definisanom roku, nadležna općinska služba će poduzimati radnje iz člana 3. (usaglašavanje stanja, opominjanje i odobravanje otplate u ratama) u zavisnosti od okolnosti i vodeći brigu o racionalnom korištenju resursa Općine. Opominjanje se može vršiti i raznim vidovima komunikacije (usmeno putem telefona, putem e-maila i slično), a u krajnjem slučaju u okviru razreza obaveze za narednu godinu.

Član 6.

Prije pokretanja postupka izvršenja, dužnik ima mogućnost podnijeti zahtjev za otplatu duga u ratama ako se time bitno poboljšavaju mogućnosti naplate duga dužnika od kojeg inače ne bi bilo moguće naplatiti dug. Maksimalan iznos duga koji možemo odobriti na isplatu u ratama je 3.000 KM, sa rokom do godinu dana. Zahtjev za otplatu duga u ratama mora sadržavati prijedlog dinamike otplate.

Član 7.

Kada se iscrpe mjere za naplatu duga jednokratnom uplatom ili otplatom duga na rate, pokreće se postupak naplate potraživanja izvršnim postupkom putem Općinskog pravobranilaštva, a najkasnije 5 mjeseci od isteka roka za plaćanje računa, odnosno roka izvršnosti za izdata rješenja.

Izvršni postupak uključuje obračun zateznih kamata i troškova izvršenja na način i u visini u skladu sa zakonskim odredbama.

Postupak izvršenja u pravilu provodi prisilnu naplatu novčanih sredstava.

Član 8.

Za implemantaciju mjera naplate potraživanja zadužuju se službenici po pojedinim aktivnostima kako slijedi:

R.b.	Aktivnosti	Zaduženi uposlenik	Period realizacije
1	Izvršnost rješenja za proteklu godinu i ažuriranje dospjelih potraživanja na dan 31.12. prethodne godine (priprema za popisnu komisiju i usaglašavanje sa stanjem u računovodstvenoj evidenciji)	Uposlenici koji vode evidenciju obveznika nadležnih službi	do 15. januara
2	Ažuriranje baze podataka obveznika, unos novih obveznika, provjera uplata za svakog obveznika	Uposlenici koji vode evidenciju obveznika nadležnih službi	januar-februar
3	Izdavanje rješenja naknada za tekuću godinu sa opomenama dužnicima za prethodnu godinu uz analitičku karticu po potrebi	Uposlenici koji vode evidenciju obveznika nadležnih službi	mart-jul
4	Prijem žalbi i rješavanje po žalbama	Uposlenici koji vode evidenciju obveznika nadležnih službi	mart-august
5	Pravosnažnost izdatih rješenja	Uposlenici koji vode evidenciju obveznika nadležnih službi	mart-august
6	Knjiženje pravosnažnih rješenja u bazu podataka	Uposlenici koji vode evidenciju obveznika nadležnih službi / odjeljenje finansija	april-august
7	Usmene opomene-obavješćavanje dužnika putem telefona, e-maila i slično po potrebi	Uposlenici koji vode evidenciju obveznika nadležnih službi	juni-august
8	Priprema i dostava dokumentacije za postupak prinudne naplate putem Pravobranilaštva	Uposlenici koji vode evidenciju obveznika nadležnih službi	juni-jul
9	Knjiženje uplata u bazu podataka	Uposlenici koji vode evidenciju obveznika nadležnih službi / odjeljenje finansija	januar-decembar

IZVJEŠTAVANJE O PROVEDBI MJERA NAPLATE**Član 9.**

Nadležne općinske službe i Općinsko pravobranilaštvo u okviru svojih godišnjih izvještaja su dužne navesti podatke o ukupnoj naplati potraživanja i svim provedenim mjerama tokom prethodne godine.

OTPIS POTRAŽIVANJA**Član 10.**

Otpis potraživanja fizičkih lica, fizička lica koja imaju registrovan obrt i pravnih lica vršit će se u sljedećim slučajevima:

- Kada se utvrdi da su potraživanja nenaplativa, jer su u postupcima stečaja i likvidacija–pravne osobe brisane iz sudskog registra ili su iscrpljena sva pravna sredstva za naplatu od fizičkih lica,
- Kada se utvrdi da su potraživanja nenaplativa, usljed nastupanja zastare u skladu sa važećim zakonskim propisima,
- Kada se utvrdi da potraživanja nemaju valjanu pravnu osnovu,
- U slučajevima vanrednih socijalno-ekonomskih okolnosti – prema odluci Općinskog vijeća,
- U drugim slučajevima u skladu sa propisima koji reguliraju područja koja nisu prethodno navedena.

Član 11.

Otpis potraživanja se vrši na obrazloženi prijedlog nadležne općinske službe koji se dostavlja Općinskom načelniku, a uz koji je potrebno priložiti:

- Finansijsku dokumentaciju iz analitičke evidencije budžeta pojedinačno za svakog dužnika,
- Dokaz o poduzetim radnjama u svrhu naplate potraživanja (opomene, tužbe, izvršenja i slično),
- Obrazloženje prijedloga otpisa,
- Mišljenje Pravobranilaštva.

Odlukom općinskog načelnika vrši se otpis nenaplativih potraživanja, ista se dostavljaju Računovodstvu na knjiženje.

Član 12.

Stupanjem na snagu ovog Pravilnika prestaje da važi Pravilnik broj: 02-11-1-2696-16/22.

Član 13.

Ovaj Pravilnik stupa na snagu danom objavljivanja u “Službenom glasniku Općine Tešanj”.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 02-02-1-1698/26

Datum, 30.06.2026. godine

S A D R Ź A J

I - AKTI OPĆINSKOG VIJEĆA

Strana

77.	Odluka o usvajanju Prostornog plana općine Tešanj za period 2025 – 2045	183
78.	Odluka o provođenju Prostornog plana općine Tešanj za period 2025-2045	184
79.	Zaključak i Izvještaj o izvršenju Budžeta za I polugodište 2026.godine	235
80.	Odluka o potvrđivanju liste najboljih kandidata za članove Nadzornog odbora JP TOPLANA d.d. Tešanj	255
81.	Odluka o davanju saglasnosti za privremeno imenovanje članova Nadzornog odbora JP RAD d.d. Tešanj	256
82.	Odluka o kupovini zemljišta i uspostavljanju služnosti	256
83.	Odluka o davanju saglasnosti za izgradnju novog rezervoara za vodu „Krndija“	257
84.	Zaključak kojim se daje saglasnost za promet parcela	257
85.	Zaključak da se u Dnevni red uvrsti prijedlog Odluke o davanju saglasnosti za izgradnju novog rezervoara za vodu „Krndija	258
86.	Zaključak kojim se ne prihvata Amandman vijećnika Numić Damira na Prijedlog Prostornog plana	258
87.	Zaključak o ne usvajanju Prijedloga Odluke o potvrđivanju liste najboljih kandidata za članove NO JP „RAD“ d.d. Tešanj	258
88.	Zaključak o Izvještaju o radu Općinskog vijeća za period 01.01. – 30.06.2026.godine	258

II - AKTI OPĆINSKOG NAČELNIKA

27.	Odluka o dopuni i izmjeni Plana nabavki općine Tešanj za 2026.godinu Broj: 02-02-2-250-6/2026	259
28.	Odluka o dopuni i izmjeni Plana nabavki općine Tešanj za 2026.godinu Broj: 02-02-2-250-7/2026	262
29.	Pravilnik o postupku naplate dospjelih, a nenaplaćenih potraživanja Općine Tešanj	265